

**S T E N O G R A M**  
**PETE RADNE SJEDNICE SKUPŠTINE KANTONA SARAJEVO**  
**održane 24.03.2023.godine**

## **Elvedin Okerić (Predsjedavajući)**

Otvaram Petu radnu sjednicu Skupštine Kantona Sarajevo. Himna Bosne i Hercegovine. Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu. Prema evidenciji službe sjednici prisustvuje 29 zastupnika, što je dovoljan broj za punovažan rad i odlučivanje. Izostanak sa ove sjednice nije niko pravdao od zastupnica i zastupnika.

Prije prelaska na utvrđivanje dnevnog reda imamo obavezu upoznati vas da je na osnovu Odluke Centralne izborne komisije Bosne i Hercegovine, broj: 06-1-07-1-63/23 od 9. 2. 2023. godine Mersihi Mehmedagić sljedećoj kvalificiranoj kandidatkinji sa listi političkog subjekta Narod i Pravda za Opće izbore 2022. godine dodijeljen mandat zastupnika u Skupštini Kantona Sarajevo.

Također, na osnovu Odluke Centralne izborne komisije Bosne i Hercegovine broj: 06-1-07-1-88/23 od 20. 3. 2023. godine, Belmi Kapo sljedećoj kvalificirane kandidatkinje sa liste političkog subjekta SDP-Socijaldemokratska partija Bosne i Hercegovine za Opće izbore 2022. godine dodijeljen mandat zastupnika u Skupštini Kantona Sarajevo.

U skladu sa članom 8. Poslovnika Skupštine Kantona Sarajevo pozivam uvažene zastupnice Mersihu Mehmedagić i Belmu Kapo da pristupe davanju svečane izjave.

«SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE».

U svoje lično ime i u ime Skupštine Kantona Sarajevo čestitam i želim vam puno sreće u radu zajedničkom.

Prelazimo na radni dio današnje sjednice Skupštine Kantona Sarajevo.

Prijedlog dnevnog reda 5. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 09.03.2023.godine.

Na osnovu naprijed navedenog, Prijedlog dnevnog reda današnje, 5. Radne sjednice, glasi:

1. Poslanička/zastupnička pitanja, inicijative i odgovori;
2. Prijedlog Odluke o potvrđivanju Vlade Kantona Sarajevo;
3. Prijedlog Odluke o izmjeni Odluke o potvrđivanju kandidata za mjesto predsjedavajućeg ili zamjenika predsjedavajućeg Skupštine Kantona Sarajevo.

Zamolio bih službu da pripremi anketu za izjašnjenje, a zastupnice i zastupnike da se izjasne o predloženom dnevnom redu.

Zaključujem glasanje, molim službu da objavi rezultate glasanja.

Za je glasao 21 zastupnik, protiv ništa, suzdržanih 8.

Konstatujem da je Skupština za 5. Radnu sjednicu Skupštine Kantona Sarajevo usvojila dnevni red kako je i predložen.

Prelazimo na realizaciju prve tačke dnevnog reda. Sada je 9 sati i 15 minuta.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnik Jasmin Šaljić se prvi javio, izvolite imate riječ.

**Jasmin Šaljić (poslanik/zastupnik)**

Sve vas srdačno selamim i pozdravljam. Javio sam se za inicijativu povodom zemljotresa koji je prošli mjesec pogodio regiju Turske i Sirije, pa pokrećem inicijativu prema Skupštini Kantona Sarajevo i Vladi kantona Sarajevo da pomognemo da iznađemo sredstva u skladu sa mogućnostima. Boravio sam prošli mjesec u akciji spašavanja pa sam na terenu lično vidio o kakvim se tu procjepima radi i problema. Boravio sam u selu "nerazumljivo", što u prijevodu znači "Selo siročadi". Ono se nalazi u naselju "nerazumljivo", to je oko 40 km od Antakije, a uz sirijsku granicu nekih 100 i 200 m. U tom "Selu siročadi" smješteno je oko 3000 siročadi iz Sirije i regije Hataj i prije i nakon zemljotresa. Oni imaju krov nad glavom, imaju uslove, njima je problem hrana, pa vas molim da ove koji kreiraju Budžet da im ja ne govorim s koje stavke da probamo pomoći u skladu sa mogućnostima za kupovinu hrane i higijenskih sredstava. I također da pošaljemo ispred Kantona, ispred Skupštine i Vlade Kantona Sarajevo ili ispred ove Komisije za međudržavnu saradnju jednu delegaciju u regiju Hataj da vidimo na koji način možemo da pomognemo na, tamo je sada faza deratizacije, dezinfekcije, znači suzbijanje zaraze. Mi imamo takve ljude jer smo u periodu covida isto radili i kod nas u Sarajevu pa pa znači samo stvar je dobre volje i što se tiče puta evo ja sam spreman da snosim dio troškova, možemo ići jednim službenim vozilom, a neka delegaciju odredi rukovodstvo, Kolegij i i eto, o tome se možemo dogovoriti naknadno. Hvala vam.

**Elvedin Okerić (Predsjedavajući)**

Zahvaljujemo se zastupniku Šaljiću, čisto samo da podsjetim zbog javnosti da je Skupština Kantona Sarajevo na samom početku usvojila inicijativu jednu zajedno sa svim klubovima u Skupštini Kantona Sarajevo da u Budžetu za 2023. godinu da se planiraju određena sredstva koja će biti usmjerena ka pomoć Siriji i Turskoj. Tako da zahvaljujemo se zastupniku Šaljiću. Zastupnica Smiljana Viteškić se javila za riječ. Izvolite.

**Smiljana Viteškić (poslanik/zastupnik)**

Zahvaljujem predsjedavajući. Dobar dan svima. Upućujem inicijativu Ministarstvu saobraćaja da u skladu sa članom 86 Zakona o uređenju saobraćaja na području Kantona Sarajevo izradi pravilnik kojim se definiše postupak i način uklanjanja oštećenih, dotrajalih, napušteni i neregistrovanih vozila i olupina, te da pristupi izradi propisa o visini troškova premještanja vozila i olupina u skladu sa pomenutim zakonom. Istu inicijativu je uplaćivala ranije u ranijem mandatu zastupnica Hasagić, a uvrštena je prijedlog Zakona o uređenju saobraćaja, međutim prema informacijama kojima raspolažemo pomenuta problematika nije još riješena.

Moje pitanje je, drugo pitanje upućeno Zavodu za javno zdravstvo Kantona Sarajevo, da li je u 2022/ 23. godini bilo prijava zoonoza, konkretno Q groznice i Bruceloze, i ako jeste da li su locirani izvori zaraze, što je učinjeno po pitanju prekida zaraze i prevencija bolesti? Obrazloženje je u prilogu. I još jedno zastupničko pitanje. Zašto učenici koji pohađaju Srednju školu "Richmond park" školu u Francuske revolucije bez broja ne mogu ostvariti pravo na prijevoz sa đačkom iskaznicom? Kratko obrazloženje. Škola jest privatna, međutim smatram da je nedopustivo da se srednjoškolci diskriminišu na osnovu pohađanja privatne škole roditelji djece često posežu za kupovinom radničkih iskaznica i kupona i nadam se da će ovaj problem uskoro riješiti. Ostala pitanja ću dostaviti pismeno. Hvala.

### **Elvedin Okerić (Predsjedavajući)**

Zahvaljujemo se zastupnici Viteškić. Zastupnica Sebija Izetbegovića se javila za riječ. Izvolite.

### **Sebija Izetbegović (poslanik/zastupnik)**

Zahvaljujem se. Dakle ja imam jedini inicijativu i ona se odnosi na zahtjev da Ministarstvo zdravstva na čelu sa ministrom Vranićem dostavi elaborat o trenutnom stanju u zdravstvenom sistemu Kantona Sarajevo u smislu dostave imena svih uposlenih, njihove strukture profila, kao i dinamiku upošljavanja u svim javno zdravstvenim ustanovama Kantona Sarajevo po godinama. Također uz ovaj elaborat potrebno je dostaviti i plan razvoja koje Ministarstvo zdravstva eventualno ima ili možda nema, za razvoj zdravstvenog sistema u Kantonu Sarajevo. Također moj zahtjev pitanje je zbog čega Vlada Kantona Sarajevo ministar Vranić nikad nisu odgovorili na pitanje zbog čega se ne daje konkretno objašnjenje za nedavanje saglasnosti upošljavanja u Klinički centar Univerziteta u Sarajevo na mjesto onih kadrova koji su otišli u penziju ili su eventualno umrli. To je već veliki broj i mi stalno dostavljamo urgencije. Dostavili smo ih preko 11. Također bih postavila jedno pitanje a to je i ranije postavljeno, nismo na to dobili odgovor, a odnosilo se na liste čekanja i na spisak onih uposlenika koji su u javnom zdravstvenom sistemu na plaćama, odnosno na budžetu, a svi rade privatno, imaju dozvole od ministra Vranića za rad, želimo da se dostavi njihov učinak u toku rada u javno zdravstvenim ustanovama. Zahvaljujem se.

### **Elvedin Okerić (Predsjedavajući)**

Zahvaljujemo se zastupnici Izetbegović. Zastupnica Marijela Hašimbegović. Izvolite imate riječ.

### **Marijela Hašimbegović (poslanik/zastupnik)**

Zahvaljujem se predsjedavajući. Srdačno vas pozdravljam, sve učesnike ove sjednice kao i naše sugrađane koje prate rad ove sjednice. Za 5 radnu sjednicu pripremila sam jednu zastupničku inicijativu koju ću sada pročitati i dva pitanja koja sam dostavila na službenu e-mail adresu. Dakle, pokrećem inicijativu za otvaranje ureda za mobbing i zaštitu dostojanstva radi prisutnosti ove negativne društvene pojave koja poprima sve šire razmjere sa ciljem prevencije i zaštite ljudskih prava ljudi koji su na radnom mjestu izloženi raznim oblicima neprihvatljivog ponašanja koje šteti dostojanstvu čovjeka, ugrožava njegovo zdravlje, fizičko i mentalno, ugrožava zdravlje njihovih porodica ili može kompromitovati žrtvinu profesionalnu budućnost. Mobbing je sociološko- zdravstveni problem i svakako pravno pitanje koje podrazumijeva normativno uobličavanje sistema prevencije i zaštite od svih oblika nasilja na radnom mjestu. Pravni normativi po pitanju mobbinga ostavljaju žrtvi samo jednu mogućnost, a to je sudski proces putem kojeg mora dokazivati mobbing, što je dodatna trauma za žrtvu koja je replicira već proživljeno složeno iskustvo. Ideja inicijative je pružiti pomoć našim građanima u prvom koraku kojeg se često iz straha od gubitka posla ne usuđuju učiniti. Ured za mobbing i zaštitu dostojanstva treba pružiti besplatnu pravnu i psihološku pomoć, izvršiti prvu prevenciju prema žrtvi i svakako posredovati u lancu djelovanja ombudsmen- poslodavac i u krajnjem slučaju Tužilaštvo. Ured bi također radi o registru prijavljenih za vršenje mobbinga. Ovakve mjere će vjerujem napraviti promjenu i kod onih koji se služe ovakvim oblicima ponašanja na radnom mjestu kojih je sve više u javnom i realnom sektoru, a za žrtve mobbinga vrsta zaštite koja je vrlo važno kada se žrtve osjećaju same i napuštene. Ukoliko se zalažemo za društvo temeljeno na vrijednostima demokracije, tolerancije, pluralizma, te zaštite ljudskih prava, važno je osigurati sveobuhvatnu zaštitu i podršku žrtvama mobbinga. Također je važno osigurati saradnju između javnog sektora, akademske zajednice, civilnog društva sa ciljem podizanja svijesti o zaštiti ljudskih prava. Pravni okvir za pokretanje ove inicijative prepuštam Vladi

Kantona u nadi da će se prepoznati važnost ove inicijative i svakako u dobroj namjeri preporučujem provjeriti primjere dobre prakse iz regije. Hvala lijepa.

**Elvedin Okerić (Predsjedavajući)**

Zahvaljujemo se zastupnici Hašimbegović.  
Zastupnik Damir Marjanović se javio za riječ.

**Damir Marjanović (poslanik/zastupnik)**

Zahvaljujem predsjedavajući. Pozdravljam sve kolegice i kolege, kao i one koji prate naše zasjedanje Skupštine Kantona Sarajevov. Hvala velika.

**Elvedin Okerić (Predsjedavajući)**

Zahvaljujemo se zastupniku Marjanoviću. Za riječ se javio zastupnik Faruk Selmanović. Izvolite, imate riječ.

**Faruk Selmanović (poslanik/zastupnik)**

Hvala predsjedavajući. Uvažene kolegice i kolege, cijenjeni gledaoci prvo da čestitam ovaj mjesec ramazan, da vam svima poželim da to hairli ispostimo. Ja imam dva pitanja. Prvo pitanje upućujem Vladi Kantona Sarajevo, Ministarstvu zdravstva kantona Sarajevo gospodinu Vraniću, Uredu za borbu protiv korupcije i upravljanje kvaliteta Kantona Sarajevo. Na protokol Kantona Sarajevo zaprimljen je dopis na upoznavanje broj 193 /2022 od 8. 11. 2022. godine koji je upućen na ruke ministra zdravstva gospodina Harisa Vranića, na dopisu koji je upućen od strane Saveza ratnih vojnih invalida Kantona Sarajevo, do danas nikad nije odgovoreno. Također isti je dopis upućen na ruke direktorice ortopedске kuće Otto Bock d.o.o. Sarajevo na koji također nikad nije dobijen odgovor. U dopisu Saveza ratnih vojnih se navodi da je dana 11. 3. održan sastanak sa ortopedskom kućom Otto Bock d.o.o. Sarajevo na kojem je dogovoreno da se uradi donacija za dva visokokvalitetna i sofisticirana ortopedska pomagala, podlaktna proteza i nadkoljena proteza noge, te da se pošalju imena i prezimena za proteze. U dopisu iz Saveza ratnih vojnih invalida navodi se da se na portalu javnih nabavki Ministarstva zdravstva koji objavi 14. 10. 2022. godini vidjelo da ortopedska kuća Otto Bock Sarajevo tu donaciju fakturisala Ministarstvu zdravstva Kantona Sarajevo, a s obzirom da se radilo o većoj sumi novca, a radilo se samo o dvije proteze, poslali su dopis u kojem traže odgovor, na ruke ministra Vranića. Zahtijevam da mi hitno kao zastupnika informišete, izvršiti analizu, kao i usmeni inspeksijski nadzor da li se radilo o donaciji ili ne. Ako se ne radi o donaciji, kako je moguće da ova ortopedska kuća direktno kontaktirala Savez jer je moralo ići na tender, koliko je isplaćeno sredstava iz Ministarstva zdravstva, ako nije bila donacija, koje su sve ortopedске kuće dobile sredstva iz Ministarstva zdravstva i koliko je dobila ortopedska kuća Otto Bock u zadnje dvije godine. Molim usmeni i pismeni odgovor na ovo pitanje. A moje drugo pitanje na koje molim pismeni odgovor. Upućuje ga Vladi Kantona Sarajevo, Ministarstvu za visoko obrazovanje Kantona Sarajevo i Rektoratu univerziteta u Sarajevu. Naime pitanje se odnosi zbog čega Rektorat Univerziteta u Sarajevu nije potpisao Odluku Vijeća Elektrotehničkog fakulteta u Sarajevu o izboru dekana? Naime izbor dekana Elektrotehničkog fakulteta je izvršen na osnovu javnog konkursa čije je tekst identičan tekstu konkursa na svim drugim fakultetima. Naime ovdje se problematizira tekst konkursa na Elektrotehničkom fakultetu a nije problematiziran isti tekst konkursa na ostalim fakultetima čije odluke o izboru rukovodilaca je blagovremeno potpisan. Nadalje tražimo da Rektorat se očituje zbog čega nije blagovremeno reagovao prije objave ili u tok trajanja konkursa ukoliko smatra da je tekst konkursa za izbor dekana nije usklađen sa zakonom, iako je isti objavljen na web stranici Univerziteta u Sarajevu. Da li se svjesno čekalo da se okonča kompletna procedura i reagira kad bude izabran dekan? Rektorat je bio u obavezi da na objavljeni tekst konkursa na web

stranici Univerziteta u Sarajevu reaguje ukoliko je smatrao da postoji bilo kakva njegova zakonska neusklađenost i tražiti da se isti uskladi sa zakonom, što nije učinjeno. Hvala.

**Elvedin Okerić (Predsjedavajući)**

Zahvaljujem se zastupniku Selmanoviću. Zastupnik Muamer Bandić se javio za riječ.

**Muamer Bandić (poslanik/zastupnik)**

Hvala predsjedavajući. Selamim i pozdravljam sve prisutne. Prije svega želim svim onim koji nas prate, a i nama ovdje u sali koji postimo ramazan želim da ovaj čestitam ramazan i da bude mubarek. Okolnost je da danas imamo i ovaj džumu tako da ja ovu svoj zastupničku inicijativu neću čitati već ću je u pismenoj formi podnijeti. Hvala.

**Elvedin Okerić (Predsjedavajući)**

Zahvaljujemo se zastupniku Bandić. Zastupnik Mahir Dević se javio za riječ. Izvolite.

**Mahir Dević (poslanik/zastupnik)**

Hvala predsjedavajući. Pitanje za ministra finansija Kantona Sarajevo. Tačan podatak o izvršenju kapitalnog djela Budžeta Kantona Sarajevo u potpunosti je na neki način Budžet realiziran. Znači postotak realizacije Budžet kapitalnog djela Budžeta Kantona Sarajevo 2022. godinu, tražim usmeni odgovor, sa posebnim osvrtom na realizaciju priče o nabavci helikoptera u Kantonu Sarajevo koju već slušamo ovaj u protekle 3 godine, a vidimo da na neki način postoji i Prijedlogu budžeta za 2023. godinu. Ne znam da li ministar sada ima taj podatak da ne bi pravili pauzu. Treba mi usmeni odgovor radi građana Kantona Sarajevo. Znači po ministarstvima kapitalni dio izvršenja Budžeta, usmeni odgovor. Imam jednu inicijativu također prema ministru saobraćaja, ukoliko je tu volio bih da me čuje. U toku je trenutno rekonstrukcija dijela ulice ili ulice od autobuske stanice u Ilijašu prema Karašnici. Ono što sam ja vidio ono što je nacrtano na cesti što se radi trenutno jest jedan cirkus u kome treba da se isijee dio ceste, da se ubaci ne znam nekih 20, 30 ili 50 ivičnjaka koji su potpuno propali. Paralelno s tim kocke koje su ustvari trotoari su potpuno potrošene i uništene, te vas molim da se ministre aktivno uključite u rekonstrukciju ovog dijela ulice zato što u ovo se nalazi u užem ovaj centru grada Ilijaša i onako kako se krenulo raditi, ja ću vam dostaviti slike kako to izgleda, mislim da će to biti jedno ruglo. Ukoliko su stekli uslovi da se urade trotoari kako treba jer su potpuno propali onda to treba uraditi u potpunosti ovo kako se sada radi uopće nije dobro. Informišite se preko Direkcije za ceste Kantona Sarajevo. Ovo što je sada na stanju, što vidimo sada, a naravno da ću se aktivno uključiti ovaj u realizaciju ovog projekta, ne izgleda uopće dobro, pa vas pozivam evo nek to bude inicijativa da se uključite da ispratite ovaj ovaj projekat do kraja. A zamolit ću na ovo prvo pitanje po resorima da mi se odgovori oko kapitalnog djela Budžeta izvršenja. Ukoliko je ministar u mogućnosti da to uradi, ukoliko nije nek uzme neku pauzu 10 ili 15 minuta pa nam da usmeni odgovor kao zastupnicima, hvala lijepo.

**Elvedin Okerić (Predsjedavajući)**

Zahvaljujemo se zastupniku Deviću. Zastupnica Admela Hodžić se javila za riječ. Izvolite.

**Admela Hodžić (poslanik/zastupnik)**

Zahvaljujem predsjedavajući. Koristim priliku da vas sve pozdravim. Ja danas imam jednu inicijativu, jedno pitanje. Upućujem pitanje ministru saobraćaja gospodinu Šteti. Molim vas da mi odgovorite što je prije moguće na osnovu čega je izmjenjen red vožnje na štetu građana općine Hadžići, odnosno smanjen broj linija te potpuno ukinut posljednji polazak za liniju 33 Iliđa- Vukovići u 22.30?

Podnosim inicijativu Vladi Kantona Sarajevo da se u što kraćem vremenskom periodu kreiraju programi, izdvoje potrebna sredstva za subvencioniranje izgradnje solarnih panela za domaćinstva u Kantonu Sarajevo, kao i sva moguća tehnička i stručna pomoć koja će služiti da se građanima koji to žele brzo i efikasno pomogne u realizaciji izgradnje solarnih panela za domaćinstva. Obrazloženje: iako naša zemlja nema strategiju, struka smatra da se Bosna i Hercegovina nalazi na jednoj od najboljih evropskih, ali i svjetskih lokacija kada je u pitanju proizvodnja električne energije iz solarnih panela. Prema mišljenju struke fotonaponski sistem kapaciteta od 5 kW bio bi dovoljna za potrebe jednog domaćinstva. Instaliranjem fotonaponskog sistema građani mogu proizvoditi električnu energiju, slati je u mrežu i koristiti onda kada to treba. Samim tim njihovi računi za električnu energiju na godišnjem nivou će biti znatno smanjeni. Uz to će građani biti manje ovisni jer mi ne znamo šta nas čeka u budućnosti sa energetsom tranzicijom. Nažalost Bosni i Hercegovini još uvijek se ne subvencionira gradnja fotonaponskih solarnih panela u domaćinstvima što nije slučaj u zemljama regiona. U susjednoj Hrvatskoj se već nekoliko godina ugradnja subvencionira od 40 do 80 % od ukupnog iznosa ugradnje ili 19.500 KM. U susjednoj Srbiji od 21. godine ugradnja solarnih panela u domaćinstvima subvencionira se sa 50 % od ukupnog troška ugradnje. Molim nadležne da što prije razmotre ovu inicijativu i dostave odgovor. Zahvaljujem.

#### **Elvedin Okerić (Predsjedavajući)**

Zahvaljujemo se zastupnici Hodžić. Nema više prijavljenih.

Podsjetit ću vas na član Poslovnika 212 da odgovor na poslanička pitanja mogu se davati usmeno i pismeno. v.d. premijerka da li želite da iskoristite ovo pravo s obzirom da imamo danas potvrđivanje, Odluku o potvrđivanju Vlade Kantona Sarajevo i imamo džumu namaz, tako da smo dosta ovaj vremenom ograničeni. Izvolite.

Zamolio bih da uključite v.d. premijerku Dariu Sofić Kadenić. E sad izvolite.

#### **Darja Softić-Kadenić (ministrica)**

Hvala još jednom. Srdačan pozdrav svim danas prisutnim zastupnicima i zastupnicama Skupštine, svim gledaocima Skupštine preko TV ekrana. Ja bih vas molila najljubazniji iako danas nije bilo pitanje koje je bilo upućeno direktno meni nego nekim od ministara, da s obzirom na dnevni red današnji i na sve druge okolnosti na koje evo predsjedavajući skrenuo pažnju, danas imate razumijevanja za to da će članovi Vlade svoje odgovore dostaviti pismenim putem.

#### **Elvedin Okerić (Predsjedavajući)**

Zahvaljujemo se. Poslovnička intervencija zastupnik Mahir Dević.

#### **Mahir Dević (poslanik/zastupnik)**

Ja mogu razumjeti ovaj dio zahtjeva od strane v.d. premijera u smislu umjesto da imamo mjesec ramazan, tačku o potvrđivanju Vlade, međutim Poslovnik kristalno jasno predsjedavajući propisuje, a ne daje nikakvo pravo premijeru, znači ponavljam još jednom radni gledalaca i televizije, nikakvo pravo premijeru ili bilo kom ministru da on bira na koji način će odgovoriti jer je dužnost zastupnika da traži tu vrstu odgovora. S obzirom da ste vi postavili pitanje i prenijeli naša prava i dužnosti na v.d. premijera upozoravam vas da je to kršenje Poslovnika, jer ako ćete tako raditi onda mi trebamo izaći iz Skupštine Kantona Sarajevo na trebamo sjediti ovdje, nek bude samo Vlada i neka ona sama sebe pita, odgovara i radi šta hoće. Razumijem situaciju da eventualno možda ministar finansija nije spreman da meni da odgovor na pitanje o kapitalnom djelu Budžeta po ministarstvima, jer je to ozbiljna stvar, ali evo pozivam ga da mi taj podatak dostavi do sjednici za Budžet jer je to meni izuzetno važno da bismo mogli predstaviti građanima Kantona Sarajevo stanje oko izvršenja kapitalnog dijela Budžet. Znači

evo imat ćemo na neki način razumijevanja ovaj ali oduzeti pravo nama da nam se odgovori na pitanje, to tako ne može predsjedavajući se raditi. to je kršenje Poslovnika. I ja vas zaista pozivam da se ponašamo u skladu sa Ustavom, sa Poslovníkom o radu Skupštine Kantona jer ako neki zastupnik insistira da dobije usmeni odgovor nek dobije danas usmeni odgovor. Naša prava i dužnosti su definisana u članu 12 odnosno vaša i ponašajte se u skladu s Poslovníkom.

### **Elvedin Okerić (Predsjedavajući)**

Kolega Deviću niko vam ne uzima vaše zastupničko pravo. Kao što sam kazao i citirao član 212 gdje kaže da odgovore na poslanička pitanja mogu se dostaviti pismenim ili usmenim putem. Koristim ovu priliku zbog ograničenosti vremena da vam zastupnici, odnosno ministri u Vladi Kantona Sarajevo dostave odgovore pismenim putem. A imat ćemo sjednicu na kojoj ćemo razmatrati Prijedlog budžeta za 2023.godinu i sva ta pitanja imat ćemo priliku da razmatramo 29. 3. sljedeće sedmice, tako da evo koristimo poslovničku mogućnosti i dajemo vrlo jedan korektan odgovor na vaše pitanje, odnosno na vaš zahtjev. Zastupnik Davor Čičić se javio, izvolite imate riječ.

### **Davor Čičić (poslanik/zastupnik)**

Zahvaljujem predsjedavajući. Pozdravljam sve prisutne i sve građane i građanke koji nas gledaju. Ovim putem bih htio da poželim Ramazan Šerif Mubarek Olsun svima koji poste i nadam se da će ovaj mjesec prije svega pratiti dobro zdravlje i da će moći ispostiti ovaj ramazan. Pitanje zastupnika Devića, vi gospodine Deviću znate da se radi svake godine iscrpan Izvještaj o izvršenju Budžeta Kantona Sarajevo i to je trenutno u izradi i sigurno će taj Izvještaj, nije sigurno već će biti dostavljen svim zastupnicima u Skupštini Kantona Sarajevo a kao što znate o tom izvještaju Skupštine se izjašnjava. Tako da Izvještaj je dosta iscrpan. Trenutno se izrađuje u Ministarstvu financija i svi zastupnici će imati priliku i da ga dobiju i da pročitaju i da se o njemu izjasne. Zahvaljujem.

### **Elvedin Okerić (Predsjedavajući)**

Hvala zastupnik Čiču. Poslovnička intervencija zastupnik Mahir Dević.

### **Mahir Dević (poslanik/zastupnik)**

Radi javnosti član 212 na koji ste se pozvali predsjedavajući ću pročitati." Na svakoj redovnoj sjednici izdvojit će se sat vremena (vladin sat) u zagradi za poslanička pitanja na početku sjednice, kojem obavezno prisustvuju premijer i članovi Vlade. Jedan poslanik /zastupnik na jednoj redovnoj sjednici može postaviti najviše dva poslanička pitanja. Odgovori na poslanička pitanja mogu se davati usmeno ili pismeno. Znači mogu se davati usmeno ili pismeno a ne kaže da Vlada i premijer može odabrati kad će dati taj odgovor na pitanje; hoće li danas, sutra, za mjesec, za dva, za tri za pet, za šest.

Znači ako se daje odgovor usmeno, a poslanik je dužan da traži, treba gledati danas. Znači evo ja upozoravam danas ćemo imati zaista ovaj razumijevanja, ali ovo je već prethodno korišteno kao zloupotreba Poslovnika. Znači ovo na što ste se vi pozvali uopće ovaj član govori o ovome što ste vi kazali, ali evo na neki način, što se mene lično tiče, ja mogu pričekati ovaj ovaj usmeni odgovor od ministra evo novog finansija i znam zašto sam ovo pitanje postavio, htio sam da se to prikaže građanima kako se vrši izvršenju budžeta, ali nemojte ovaj vršiti zloupotrebe Poslovnika o radu Skupštine. Znači ovdje nigdje ne kaže kada niti se daje to pravo premijeru i Vladi da oni to odlučuju. jer se samo kaže da on odgovara usmeno ili pismo. Ako se danas postavi pitanje, naravno da se na njega danas odgovara usmeno, nećete odgovarati usmeno na narednoj sjednici. Postavit danas usmeno pitanje, pa ćete vi nama odgovoriti usmeno ili ćete vi odlučite u naše ime kad mi tražimo usmeno da ćete odgovoriti pismeno. Gdje piše to u Poslovníku? Sekretaru Skupštine, jel piše negdje u Poslovníku da premijer ili ministar u Vladi



može odabrati koji način će nam odgovoriti? Naprotiv, tamo piše da smo mi dužni da kažemo na koji način će nam se odgovoriti ili usmeno ili pismo. Imamo razumijevanja danas, da ne otvaramo ovu temu više. Nemojte ovo za budućnost raditi. Hvala.

### **Elvedin Okerić (Predsjedavajući)**

Hvala kolega Deviću na razumijevanju.

Prelazimo na tačku 2. dnevnog reda.

### **AD-2.**

### **PRIJEDLOG ODLUKE O POTVRĐIVANJU VLADE KANTONA SARAJEVO**

Prijedlog navedene odluke i biografije kandidata dobili uz poziv za sjednicu.

S obzirom da sam ja predsjedavajući Komisije za izbor i imenovanja i administrativna pitanja, ukratko ću podnijeti uvodne napomene u ime Predlagača odluke.

Zbog javnosti i gostiju podsjetio bih vas da sam po prijedlogu četiri kluba zastupnika Skupštine Kantona Sarajevo: Naše stranke, Naroda i Pravde, Socijaldemokratske partije BiH i Stranke za Bosnu i Hercegovinu, a na osnovu člana 203. stav 2. Poslovnika Skupštine Kantona Sarajevo, uz konsultacije sa zamjenicima predsjedavajućeg Skupštine, donio Odluku o imenovanju kandidata za mjesto premijera Kantona Sarajevo gospodina Nihada Uka , dana 23.02.2023.godine.

Kandidat za mjesto premijera Kantona Sarajevo, u skladu s članom 204. stav 1. Poslovnika Skupštine Kantona Sarajevo dostavio je dana 08.03.2023.godine predsjedavajućem Skupštine prijedlog kandidata za ministre, koji je prosljeđen Komisiji za izbor i imenovanja i administrativna pitanja Skupštine Kantona na nadležno postupanje.

Komisija za izbor i imenovanje i administrativna pitanja je na svojoj sjednici od 09.03.2023.godine utvrdila Prijedlog odluke o potvrđivanju Vlade Kantona Sarajevo.

Sada bih zamolio kandidata za premijera Kantona Sarajevo, gospodina Uk Nihada, da se obrati ovoj Skupštini, iznese svoj Ekspoze i ukratko predstavi buduće ministrice i ministre u Vladi Kantona Sarajevo. Izvolite imate riječ.

### **Nihad Uk (premijer)**

Hvala predsjedavajući. Poštovani predsjedavajući, zamjenici predsjedavajućeg Skupštine Kantona, uvaženi zastupnici i zastupnice, poštovani mediji, drage gledateljke i gledatelji Televizije Kantona Sarajevo, dame i gospodo. Prvi put sam stao za ovu govornicu prije nešto više od 10 godina a potom kao vijećnik u Općinskom vijeću Centar, a potom kao skupštinski zastupnik i uvijek sam govorio s poštovanjem, govorio sam sa željom da poštovanje i sam zaslužim, ne samo ja lično nego funkcija koju obnašam, institucija koju predstavljam. Kao mandatar za sastav nove Vlade i kao nadam se neko nakon vašeg glasanja, premijer, imam još veće poštovanje, kao što je veća težina zadatka koji se pred mene postavlja te nivo odgovornosti koji mi se povjerava.

Mi političari ogleđalo smo mnogo čega. Naš ugled treba biti proporcionalan ugledu onoga što predstavljamo. Ne smijemo nikada zaboraviti da svi mi ovdje zajedno predstavljamo Sarajevo, grad simbol, simbol stradanja, ali i otpora, otvorenosti, simbol sporta i umjetnosti, simbol dobrog humora i dobre hrane, komšiluka i gostoprimstva.

Pored toga što smo simbol moramo biti i stvarnost svega onoga što smo na što smo ponosni. Naš zajednički zadatak je da u ovoj sali, a na taj način našem Kantonu vratimo dignitet koji u proteklim godinama nerijetko izostajao. Mi ne dolazimo iz iste političke porodice. Ali želim da vjerujem i radiću na tome da nam zajednička misija bude da ovaj grad i ovaj Kanton budu ponos Bosne i Hercegovine i centar svega dobrog. Na ovom baziram svoj lični i profesionalni

put. Pozivam sve nas da zajedno budemo na visini zadatka koji nam je povjeren, u tome ću vam uvijek biti prijatelj i partner.

Dugo sam razmišljao o preuzimanju ove funkcije i ove odgovornosti. Kao najmlađi mandatar za premijera Kantona osjećam dodatnu odgovornost pred građanima i građankama Kantona Sarajevo, ali i prema mladima iz cijele Bosne i Hercegovine. Svojim predanim angažmanom želim ih potaknuti da učestvuju u procesima, preuzmu odgovornost i kreiraju našu zajedničku budućnost naše domovine. Mi ovdje možemo biti najveći eksperti za sve probleme koji tište Kanton, ali malo toga ćemo uspjeti bez podrške građanki i građana. Pod podrškom pritom ne podrazumijevam slijepo slijeđenje onoga što mi uradimo, naših zahtjeva i naših odluka, već konstruktivan odnos u kojem je kritika uvijek poželjna, osuda ukoliko je zaslužena, a pohvala samo pod uslovom izvanrednosti u radu. Smatram da se podrazumijeva da svi mi moramo preuzeti odgovornost za posao koji nam je povjeren i ispunjavati obećanja koja smo dali, imajući na umu da smo ovdje zato što smo izabrani i imenovani od građana i građanki Kantona Sarajevo. Da bismo naše sugrađane i sugrađanke ohrabрили da budu aktivni i konstruktivni sudionici našeg rada, potrebna je naša potpuna otvorenost koju ću kao premijer insistirati.

Dostupnost građanima mora biti neupitna. Samo tako ljudi mogu doživljavati bilo koju vlast kao svoju i stvari od javnog interesa kao svoje lične. A upravo to, da se prema stvarima od javnog interesa odnosimo kao prema ličnim, ono je što je prijeko potrebno u proteklom periodu. Nažalost, Sarajevom se nije baš uvijek domaćinski upravljalo, a da jeste danas bi imali bismo daleko manje problema s čistoćom grada, kvalitetom zraka i vode, javnim prevozom i brojim drugim izazovima. Sarajevo moramo vratiti na mapu evropskih metropola. Nova Vlada neće kretati od početka. Imamo dobre temelje i koristim ovu priliku da se zahvalim prethodnoj Vladi, i da se zahvalim ministricama i ministrima koje su odlučile da budu dio tima ove nove Vlade. S namjerom koristim riječ tim, jer je ovo zajednički posao. Prethodna Vlada Kantona Sarajevo pokazala je da se politika može voditi drugačije. Transparentan i građaninu orijentisan pristup prepoznat je širom naše domovine a neka od uspješnih rješenja su prepisana i u drugim kantonima. Govorio sam o tome da mi kao političari moramo voditi računa o tome šta predstavljamo i ponašati se u skladu s tim. Ova Skupština i Vlada moraju biti ogledalo Sarajeva koje će isticati njegovo dostojanstvo, ali isto tako naš Kanton mora biti ogledalo dostojanstva naše Bosne i Hercegovine. Sarajevo je glavni grad. S koje god pozicije danas djelovali, to moramo imati na umu i pomagati i naše sportiste i naše umjetnike i naše poljoprivrednike i naše povratnike i manje razvijena mjesta širom Bosne i Hercegovine. Samo tako ćemo postići da budemo glavni grad i u srcima svih naših ljudi. Sa zadovoljstvom mogu najaviti iduće godine da će se naši građani KS voziti u novim tramvajima, koje im je obezbijedila prethodna vlada, kupivši 15 komada, također u narednom periodu ćemo se voziti i novim tramvajskim linijama prema Hrasnici i trolejbuskoj liniji do Vogošće, sadržajno ćemo obogatiti naše olimpijske planine nastavkom započetog investicijskog ciklusa u sportsku i rekreativnu infrastrukturu, sagradit ćemo Univerzitetsku biblioteku, sagradit ćemo Muzej savremene umjetnosti Ars Aevi. Opredijeljeni ćemo biti da Vlada KS pruži potpunu podršku košarkaškoj i rukometnoj Bosni, našim Željezničaru i Sarajevu kako bi ih vratili na stare staze slave. Nastavljamo još snažnije ulagati u naše mlade, nauku i porodicu. Mi Bosanci i Hercegovci smo navikli da je vrlo malo perioda u našoj historiji bilo bez brige i srkleta. Tako je i danas. Naša država, društvo, i Kanton nalazi se u izazovnom periodu uzrokovanom globalnom privrednom i energetsom krizom, odlaskom mladih i obrazovanih ljudi i evidentnoj političkoj podijeljenosti. Nada i vjera u bolje sutra postale su rijetkost a ja vas pozivam da zajedno vratimo sve ovo.

Poštovane zastupnice i zastupnici, dopustite mi da iznesem smjernice rada Vlade koje su bazirane na Strategiji razvoja Kantona Sarajevo 2021 – 2027.godina i na programskom aktu skupštinske većine Kantona Sarajevo 2023 – 2026. koju su potpisali politički subjekti koji su me podržali za mandatara, i taj akt je sastavni dio ovog ekspozea.

Krenut ću prvo od Ministarstva pravde i uprave.

Glavni fokus aktivnosti Ministarstva pravde i uprave u narednom mandatu bit će na digitalnoj transformaciji javnog sektora u Kantonu Sarajevo i izmjena propisa potrebnih da se ova digitalizacija i transformacija desi. Digitalizacija će podići kvalitetu usluge građankama i građanima Kantona, koji će do kraja ovog mandata svojim digitalnim potpisom preuzimati moći preuzimati dokumente, aplicirati, tenderisati, plaćati usluge i obavljati druge slične radnje koje svi građani Evrope mogu uraditi u ovom trenutku već duže vrijeme. Nadalje, u cilju usaglašavanja pravnog okvira KS s Evropskom konvencijom o lokalnoj samoupravi i implementacijama presuda Ustavnog suda Federacije Bosne i Hercegovine, Ministarstvo pravde i uprave će ponuditi amandmane na Ustav Kantona Sarajevo, kao i novi Zakon o lokalnoj samoupravi Kantona Sarajevo. Ministarstvo će u narednom mandatu biti i nosilac aktivnosti u vezi mapiranja koraka potrebnih za ustavno-pravnu reformu Kantona Sarajevo, a u skladu s dugoročnom transformacijom Kantona u Sarajevo grad-kanton po uzoru na brojne evropske prijestolnice. Ministarstvo će nastaviti aktivnosti iz prethodnog mandata koje se odnose na jačanje kapaciteta pravosudnih institucija i jačanje Ureda za borbu protiv korupcije i upravljanje kvalitetom Kantona Sarajevo, kroz trajno rješavanje statusa Ureda i donošenje posebnih zakonskih akata kojim će se urediti njegova nadležnost.

Ministarstvo zdravstva. Prvi korak u ovom mandatu biti će izrada Strategije razvoja zdravstva u Kantonu Sarajevo s jasno postavljenim, ali mogućim i održivim ciljevima i mjerama. Pojačat ćemo sistem digitalizacije cjelokupnog sistema što je jedan od najvažnijih segmenata bolje i efikasnije iskorištenosti kadrovskih i materijalnih kapaciteta Ministarstva zdravstva i zdravstvenog sistema KS. Optimizirat ćemo odnos nemedicinskog i medicinskog kadra, koji je, prema svjetskim standardima, sada u ogromnom disbalansu na štetu medicinskog. Ministarstvo će se u ovom mandatnom periodu kadrovski pojačati i popuniti nadomjestiti radna mjesta, što će omogućiti bolju organizaciju i efikasniji rad. Obratit ćemo pažnju na pojačanu promociju zdravlja i prevenciju bolesti. Opravdanost ulaganja u preventivne programe pokazala se prošle godine, kada je učinjeno 10.000 preventivnih skrininga i utvrđeno kod 500 pacijenata maligne promjene. Nastavit ćemo i s nabavkom najboljih ortopedskih pomagala za osobe s invaliditetom, jer je poboljšanje kvalitete njihovog života je naš najvrjedniji cilj.

Ministarstvo komunalne privrede, infrastrukture, prostornog uređenja, građenja i zaštite okoliša.

Nigdje se kvaliteta svakodnevnog života građana ne vidi kao kroz djelovanje u komunalnom sektoru. Gradska čistoća je prioritet. Ne samo da ćemo grad držati čistim tako što ćemo uložiti u naša kantonalna preduzeća, već ćemo i pozvati građane na saradnju kroz kontakti centar. Podizanje svijesti o čistoći pomoći ćemo i aktivnim radom komunalne policije. U prethodnom mandatu izradili smo studiju opravdanosti analize različitih opcija za tretman otpada koja se povezuje s održivim upravljanjem otpadom i vrlo brzo ćemo morati donijeti odluku u kojem ćemo pravcu ići. Ono u što sam siguran već danas jeste da je pitanje zbrinjavanja otpada, njegovo pametnije, ekonomski isplativije i ekološki opravdanije zbrinjavanje bazirano na konceptu cirkularne ekonomije, opredjeljenje kojim ću se voditi, nadam da ću imati vašu podršku. Nastavit ćemo s ulaganjem u vodovodnu i odvodnu infrastrukturu i stavit ćemo akcenat na naše zelenilo. Pošumljavanje na obroncima grada, ali i u samom gradu će postati svakodnevica. Želimo da građanke i građani osjete naš trud i da zajedno držimo grad čistim kao da se radi o našim dvorištima. Čistoća je ogledalo grada, a Sarajevo zaslužuje sve najbolje. Efikasnije upravljanje našim preduzećima postići ćemo osnivanjem Sarajevskog holdinga. Borba za okoliš je borba za evropsko Sarajevo. Aktivnosti na poboljšanju kvalitete zraka preklapaju se po različitim resorima, ali ih je važno spomenuti i u ovom kontekstu. Kontinuitet u razvoju javnog gradskog saobraćaja kao mjere kojom se potiče smanjenje broja privatnih automobila na ulicama, implementacija projekata poput proširenja mreže biciklističkog saobraćaja i jačanje kapaciteta Centra za zrak, neki su od koraka ka boljem zraku i zdravijem

Sarajevu. Nastavit ćemo štititi vjetrokoridore i obezbijediti transparentnije procese planiranja i gradnje. U naredne četiri godine završit ćemo projekt utopljanja javnih objekata i dalje raditi na proširenju mreže centralnog grijanja. Nastavljamo sa zamjenom malih kućnih ložišta i pokrenut ćemo projekt poticajne ugradnje solarnih panela u individualnoj stambenoj gradnji i u procesu izrade registra bespravne gradnje i mjera za sanaciju problema nastalih ignoriranjem ovog višedecenijskog problema koji je sasvim sigurno jedan od uzroka lošeg kvaliteta zraka u KS. Također, nastavit ćemo poticajnu stanogradnju putem boračkog i kantonalnog stambenog fonda, ali i kroz poticaje za mlade bračne parove.

Ministarstvo saobraćaja. Javni prevoz je krvotok svakog modernog grada. Sarajevo zaslužuje nastavak intenzivnog investiranja u javni prevoz. Mogu obećati da ćemo se sljedeće godine voziti u novim tramvajima, jer je prethodna Vlada već uplatila 15 komada. Nedugo zatim, tramvaji će, nakon 35 godina, od kada je planskim dokumentom ucertan voziti prugom do Hrasnice. Vozit ćemo se u ovom mandatu i trolejbusom do Vogošće, a novi i bolji javni prevoz će imati moderni saobraćajni centar s adaptivnim upravljanjem raskrscima. Usluge javnog prevoza će se plaćati elektronski, a planskom dokumentacijom ćemo otvoriti mogućnost za nove cikluse investiranja. Nema razloga da tramvaj ne ide prema Dobrinju i prema Šipu. Ulaganje u održivi električni transport je ne samo naša budućnost, nego doprinos i čišćem zraku u KS. Nastavit ćemo saradnju sa Željeznicama Federacije BiH na poboljšanju usluga prevoza vozom od Tarčina do Ilijaša. Pomoći ćemo da sagradimo parkinge i pristupne rampe kako bi veći broj građanki i građana odlazak u urbani dio Sarajeva obavljao javnim prevozom. Izgradnja pješačke i biciklističke infrastrukture mora dobiti veću važnost. Gledamo kako evropski gradovi prolaze kroz transformacije, posebno u strogom centru, gdje je kretanje pješke ili biciklom daleko poželjnije nego automobilom. U vezi s ovim, naći ćemo način i da proširimo ponudu električnih bicikala, ali i da stimuliramo korištenje električnih automobila. Resor saobraćaja će biti jedan od najvidljivijih i evo kako vam čitam ove projekte osjećam ushićenje ovog trenutka. Ministarstvo za rad, socijalnu politiku, raseljena lica i izbjeglice.

Socijalna politika je ogledalo jednog društva, te shodno tome nastavit ćemo osnaživanje sistema socijalne zaštite kroz nove zakonodavne okvire uz podršku struke. Prioriteti rada ovog Ministarstva bit će borba protiv siromaštva i socijalne isključenosti, te smanjenje nejednakosti u društvu. To, između ostalog, podrazumijeva jačanje kapaciteta centara za socijalni rad koji su nosioci socijalne zaštite u KS. Također, prioritet će biti i unapređenje međuresorne saradnje u zaštiti navedenih skupina, nastavlja se proces transformacije ustanova socijalne zaštite i osiguranje razvoja i dostupnosti socijalnih usluga na razini lokalne samouprave. Također, nastavit ćemo s osnaživanjem hraniteljstva kao najadekvatnijeg oblika alternativne zaštite za djecu bez roditeljskog i za stare bez porodičnog staranja, te povećati naknade korisnicima. Nastavit ćemo reformu tržišta rada, posebno stavljajući akcent na ciljanu kvalifikaciju i prekvalifikaciju radne snage u skladu sa zahtjevima tržišta rada, boreći se protiv odlaska mladih posebno iz KS, a onda iz BiH.

Ministarstvo unutrašnjih poslova.

Mi kao administrativno sjedište i glavni grad Bosne i Hercegovine imamo dodatnu odgovornost da osiguramo bezbjednost u KS. Strateško opredjeljenje Vlade Kantona Sarajevo bit će jačanje Ministarstva unutrašnjih poslova u tri smjera: u kadrovskom, jačanje u modernizaciju opreme i kupovinu nove opreme i infrastrukturu kako bi naši policajci i uposlenici Uprave policije obavljali najbolje mogući posao u najboljim mogućim uvjetima .

Ministarstvo privrede.

Ministarstvo privrede će intenzivno raditi na prilagođavanju zakonskih propisa potrebama savremenog tržišta i poslovanja. Pored toga, Ministarstvo će, osim ustaljene podrške lokalnim samoupravama u uređenju poslovnih zona, raditi i na uspostavi poslovne zone „Doglodi“, koja će biti jedna od najvećih poslovnih zona u Bosni i Hercegovini, kojom će upravljati Vlada Kantona Sarajevo. Ministarstvo će, također, raditi na izradi Zakona o preduzetničkoj

infrastrukturi shodno Strategiji razvoja Kantona Sarajevo 2021 – 2027. Ministarstvo će donijeti novi Zakon o turizmu i Turističkoj zajednici Kantona Sarajevo i novu Strategiju razvoja turizma, te niz drugih propratnih akata s ciljem da unaprijedimo poziciju razvoj turizma i Turističke zajednice KS. Ministarstvo privrede prepoznaje i značaj razvoja olimpijske infrastrukture i širenje sadržaja na Bjelašnici i Igmanu, pa će, stoga, u prvom redu raditi na realizaciji obnove višegodišnjih započetih projekata na ovim planinama, ali i kreiranju potpuno novih sadržaja kao što su nove skijaške staze, vertikalni prevoz koji uključuje gondole, pješačke i biciklističke staze, ali i parkovi ljetni i zimski za naše najmlađe sugrađane.

Ulaganjem u planinarsku infrastrukturu podignut ćemo nivo ponude u planinarstvu koji je u ekspanziji kod rekreativaca, a ujedno predstavlja veliki adut Kantona Sarajevo u razvijanju „outdoor“ turizma. Globalne društvene promjene pokazale su važnost i značaj domaće proizvodnje hrane i nacionalne neovisnosti u oblasti proizvodnje energije, stoga je ovo Ministarstvo opredijeljeno kontinuirano ulagati u razvoj poljoprivredne proizvodnje, kao i razvijati efikasne instrumente za strateško upravljanje i korištenje prirodnih resursa i obnovljivih izvora energije što znači istraživanje prirodnih resursa na području Kantona i uspostavljanje registra koncesionih polja itd. Kao bitan segment ukupnog privrednog ambijenta prepoznavamo i opće veterinarsko zdravlje i radimo na jačanju sigurnosti hrane, ali i građanki i građana na ulicama, tako da će nam projekat humane depopulacije pasa i mačaka biti jedan od prioriteta. Na kraju, s ciljem da ovaj Kanton bude prepoznat kao mjesto ugodnog življenja i prosperitetnog poslovanja, Ministarstvo privrede će nastaviti ulagati u tehnološku modernizaciju, ekološku i digitalnu tranziciju malih i srednjih poslovnih subjekata. S ciljem pravovremene podrške Ministarstvo je prošle godine razvilo i e-platformu s najsavremenijim softverom za dodjelu poticajnih sredstava, koji će ove godine biti na raspolaganju našim privrednicima.

Naredno ministarstvo, Ministarstvo za odgoj i obrazovanje.

Odgoj i obrazovanje kao djelatnost od posebnog značaja za Kanton Sarajevo zadržat će i u naredne četiri godine visoko mjesto na skali prioriteta Vlade BiH. Započeta implementacija obrazovne reforme postavljat će nove izazove pred obrazovnu zajednicu na koju nadležna vlasti u Kantonu Sarajevo mora prikladno odgovoriti. To će se prevashodno realizirati kroz stalnu stručnu podršku nastavnicima koji su ujedno implementatori reforme, dodatno finansiranje poput rekonstrukcije i nabavke opreme i materijala. Obrazovna reforma ciljeve postavlja šire od tradicionalne fokusiranosti u učenička postignućai poziva na proširenje perspektive tako da sve više obuhvata pitanja dobrobiti učenika, njihove sreće i zadovoljstva ukupnim školskim okruženjem. Svjesni smo da moramo uložiti dodatne napore da transformišemo školski ambijent i osiguramo najbolje, motivirajuće uvjete za rast i razvoj svakog učenika i učenice, posebno se osvrćući na učenike i učenice iz ranjivih kategorija i gradeći široku mrežu podrške kroz inkluzivne prakse. Nastavit ćemo ulagati napore da zadržimo leadersku poziciju kada je u pitanju obuhvat predškolskim odgojem i obrazovanjem ne samo proširenjem broja javnih i privatnih predškolskih ustanova, već i nastavkom subvencioniranja odlaska djece u vrtiće kao jedne od najpopularnijih mjera iz prošle Vlade. Postepeno ćemo uvoditi koncept dualnog obrazovanja nudeći tako realističniji doživljaj tržišta rada i prilike za zapošljivost i učenje u realnom okruženju našim učenicima i učenicama.

Ministarstvo kulture i sporta. Sarajevo mora biti kulturni centar regije. Kulturi ćemo vratiti status koji zaslužuje, a kulturnim radnicima i kulturnoj industriji obezbijediti centralno mjesto u našem društvu. Osim izgradnje već pomenutog Muzeja savremene umjetnosti Ars Aevi, napokon ćemo završiti zgradu Akademije scenskih umjetnosti, koja je stajala u mjestu do prije par godina. Nastavit ćemo približavanje kulture građanima kroz projekt Kultura na ulice. Igrat će se predstave i svirati koncerti na ulicama našeg grada, a naša Filharmonija će na 100. rođendan po prvi put u historiji imati puni sastav muzičara. Potaknut ćemo poduzetnike da organizuju koncerte, festivale i da mladi svaki vikend mogu izabrati koncert na koji će ići, a ne

da planiraju odlazak na koncerte u druge gradove kako bi nadomjestili svoju kulturnu potrebu. Jazz fest se nakon pauze prošle godine vratio se nikad bolji, a pobrinut ćemo se da pružimo potporu njegovom daljem razvoju. Investirat ćemo u audio opremu, prvo u Narodno pozorište, Sarajevski ratni teatar, Bosanski kulturni centar, a onda i u Dom mladih, kako bosanskohercegovački i regionalni izvođači ne bi svirali po podrumima, već tamo gdje i pripadaju, u dobro opremljenim salama. Kulturni sektor je i industrija. Svaka budžetska marka uložena u nezavisnu kulturu vraća četiri marke kroz ekonomsku aktivnost. Ovo je činjenica zbog koje gradovi i države potiču nezavisnu kulturnu djelatnost. Nastavit ćemo s poticajima za audio-vizuelno stvaralaštvo, kako bi se u Sarajevu snimale serije i filmovi. U Sarajevu mora ne samo da pjevati, mora se i snimati. Podržat ćemo i nezavisne kulturne projekte, poput novog Muzeja islamske kulture i umjetnosti u Sarajevu, Ex-YU rok centra, festivale elektronske i druge muzike, galerije, pojedinačne događaje i, naravno, naš brend Sarajevo Film Festival. Još jednom ponavljam, kultura i kreativna industrija je nešto što proizvodi ekonomsku aktivnost, ali je to i industrija koja će vratiti Sarajevu u centar regije, onakav kakav smo bili prije više decenija. Sport u Sarajevu je i dalje u vrhu interesovanja, ali, nažalost, danas imamo samo sjećanja na velike rezultate iz prošlosti. Vlada Kantona će učiniti sve da pruži podršku sarajevskom profesionalnom sportu kako bi se vratili na stare staze slave. Kriza sporta u Kantonu Sarajevo nije odlika samo na profesionalnom, već i na amaterskom odnosno rekreativnom nivou. S tim u vezi cilj nam je da naredni period iskoristimo u ulaganje u programe i infrastrukturu rekreativnog sporta.

Ministarstvo za nauku visoko obrazovanje mlade.

Visoko obrazovanje ima poseban značaj za razvoj i transformaciju društva. Kada smo, kada sam maločas spomenuo kulturu i kreativnu industriju u smislu četverogodišnjih povrata ulaganja kroz ekonomsku aktivnost, na isti način se društvo oduži svaka marka ulaganja u naučno istraživačku djelatnost. Potrebno je stalno uvećavati iznos za projekte koji će na našim fakultetima otvarati moderne laboratorije kroz koje ćemo dobiti nove generacije studenata, naučnika i poduzetnika. Društvo znanja se dobija intenzivnim ulaganjem, a ne postoji mjesto na svijetu koje je ulagalo u znanje a da im se to nije višestruko vratilo. Cilj nam je da se visokoškolske ustanove razvijaju u naučne centre koji će davati smjernice i biti motor napretka našeg društva i privrede. Razvoj Kampusa ima potencijal da potpuno transformiše pogled građana na sopstveni grad, a konačna izgradnja će staviti Sarajevo na mapu najljepših univerzitetskih evropskih gradova. Dovršetak zgrade Akademije scenskih umjetnosti, izgradnja Univerzitetske biblioteke i ulaganje u rekonstrukciju studentskih domova samo su neki od projekata kojim se želimo približiti tom cilju

Ministarstvo finansija.

Imajući u vidu da je Izmjenama i dopunama Zakona o pripadnosti javnih prihoda Budžet Kantona Sarajevo za tekuću godinu kažnjen umanjnjem pripadajućih prihoda za 110 miliona KM, akcent će biti prije svega na neutralisanju negativnih posljedica uzrokovanih navedenim Zakonom. Finansijski izazov ćemo ublažiti efikasnijom naplatom ostalih budžetskih prihoda kao i stavljanjem cjelokupne imovine i javnih dobara Kantona Sarajevo u funkciju s ciljem povećanja upotrebne vrijednosti s jedne strane, a s druge strane osiguranjem dodatnih prihoda budžeta. Ministarstvo će u narednom periodu dovršiti procese uspostave registra finansijskih obaveza i potraživanja, i donijeti Zakon o registru finansijskih obaveza. Opredivljenost Vlade Kantona Sarajevo da se poštuju pravosnažne sudske odluke pokazat ćemo, između ostalog, nastavkom dobre prakse prethodne Vlade na način da ćemo osigurati sredstva za isplatu duga zaposlenicima Kantona iz presuđenih radno-pravnih sporova.

I na koncu, zadnje a nimalo manje vrijedno ministarstvo, to je Ministarstvo za boračka pitanja. Ova oblast najprije treba sagledati kroz broj potencijalnih korisnika i korisnika boračko-invalidske zaštite u KS, pri tome imajući u vidu da je na prostoru Kantona Sarajevo preko 80 000 demobiliziranih boraca, 8192 ratna vojna invalida, 9056 porodica šehida i poginulih

boraca korisnika poročni invalidnine, te 781 nosilac najvećeg ratnog priznanja, uključujući i učesnik Narodnooslobodilačkog rata. Ako se na ove brojke dodaju članovi njihovih porodica supružnici i članovi porodica onda možemo da zamislimo obuhvat populacije kojom se Ministarstvo za boračka pitanja obraća. Ministarstvo za boračka pitanja kroz realizaciju programa rada u prvom redu kao zadatak ima ostvarivanje prava utvrđenih Zakonom o dopunskim pravima boraca/branitelja Bosne i Hercegovine, gdje je predviđeno ukupno 30 prava, te realizaciji važeći skupštinskih odluka, između ostalog Odluke o usvajanju projekta Opsada i odbrana 1992 – 1995., Odluke Skupštine Kantona Sarajevo o utvrđivanju Kalendara za obilježavanje značajnih događaja, datuma i ličnosti iz perioda 1992 – 1995. godine, kao i za period 1941 – 1945., Odluke o proglašenju boračkih udruženja, organizacija i saveza od posebnog interesa za Kanton Sarajevo i druge odluke koje ovo tijelo donijelo.

Za kraj, želim da se zahvalim kolegicama i kolegama iz Naroda i pravde, Socijaldemokratske partije Bosne i Hercegovine, Stranke za Bosnu i Hercegovinu i moje matične stranke, Naše stranke koji su me podržali da budem mandatar i na taj način mi ukazali veliko povjerenje. Istovremeno, pozivam kolege i kolegice iz opozicije da radimo zajedno, moja vrata će vam biti otvorena u narednom periodu. Uvjeren sam da svi naši građani i, svi naši birači imaju istu želju da Sarajevo bude najbolje, jer znamo da Sarajevo pripada Evropi i da svi mi zaslužujemo evropsku kvalitetu života. Zato vam iskreno pružam ruku. Bez obzira iz koje stranke dolazili, bila ona lijevo, desno ili centralno orijentisana, bili pozicija ili opozicija, univerzalno nam je pretpostavljam da naši građani i sugrađani žive dostojanstveno, sigurno, u čistom i lijepom gradu, u gradu kojim se ponose. Zato vas pozivam da budete partneri meni i našoj Vladi u kreiranju kvalitetnijeg okruženja u KS. Hvala i stojim vam na raspolaganju za dodatna pitanja i pojašnjenja.

#### **Elvedin Okerić (Predsjedavajući)**

Zahvaljujemo se mandataru za Vlade Kantona Sarajevo gospodinu Nihadu Uku.

Da li predstavnici radnih tijela žele riječ? Ima li pitanja?

Zastupnik Mahir Dević se javio za pitanje, izvolite imate riječ.

#### **Mahir Dević (poslanik/zastupnik)**

Hvala. Nisam vas čuo u vašem ekspozu premijeru, kandidatu, odnosno kandidat za premijera Kantona Sarajevo da ste nam se o osvrnuli na pitanje vašeg stava na trošenje budžetskih sredstava za organizaciju parade u Kantonu Sarajevo. Čini mi se da je zastupnica Hodžić postavila to pitanje na nekoj od prethodnih sjednica gdje je evidentirano da se na nivou budžetske godine troši negdje oko 450 000 konvertibilnih maraka za organizaciju navedene parade. Moje pitanje je za vas da li ćete ponovo podržati odluku u kojoj će se blokirati više od 100 ulica u Kantonu Sarajevo i da li ste spremni da ponovo potrošite skoro pola miliona finansijskih sredstava koje vi u Budžetu ne naznačiti jasno, ali u konačnici ona budu isplaćena, što za organizaciju, što za rad policije, i tako dalje. To je prvo pitanje. Drugo pitanje, zamolio bih vas da mi izdvojite, evo nama kao Klubu da date na neki način ovaj obrazloženje na kojih pet stvari ćete najviše insistirati u svom mandatu na bazi ovog ekspozea kratkog kojeg ste nam ovaj izložili. I treće pitanje, koje ćete to vi poteze povući a nije ih povukao vaš prethodnik kada je u pitanju kvalitet zraka u Kantonu Sarajevu? Znamo da se desila jedna renesansa s vašim prethodnikom koji je rekao ovdje kada je preuzimao svoju poziciju da će riješi pitanje kvaliteta zraka u Kantonu Sarajevu, koje ćete to konkretne poteze uraditi na rješenju pitanja kvaliteta zraka u Sarajevu, a ne samo čitati ovaj ekspozee? Naravno u diskusiji ću kazati nešto više. Ukoliko ste u prilici i mogućnosti volio bih da mi odgovorite na ova 3 pitanja. I evo dodano još jedno, četvrto, koje bi ste vaše stručne i profesionalne reference izdvojili kao garanciju da ćete na adekvatan način uspjeti odgovoriti ovom teškom zadatku koji je predstavljen, koji je vama povjeren kao kandidatu, najjačeg, ekonomski najjačeg Kantona u Federaciji Bosne i

Hercegovine? Znači koje stručne i profesionalne vaše reference nama daju kao klub SDA garanciju da ćete vi ovu poziciju obavljati kvalitetno? Evo to su ta četiri pitanja. Hvala.

**Elvedin Okerić (Predsjedavajući)**

Zahvaljujemo se zastupniku Deviću. Zastupnica Marijela Hašimbegović se javila za riječ.

**Marijela Hašimbegović (poslanik/zastupnik)**

Zahvaljujem se predsjedavajući. Imam dva pitanja za kandidata mandataru za premijera. Prvo pitanje je za kakav Budžet se planirate zalagati programski ili pravolinijski? I drugo pitanje je da li ste upoznati sa činjenicom da je aktom o osnivanju Kabineta premijera nije definisano da će imati svojstvo pravnog lica, a ipak je porezno registrovan i dodijeljen mu je porezni i identifikacioni broj? Ovu stavku sam pročitala u reviziji Federacije Bosne i Hercegovine za 2021. godinu i ostala sam iznenađena da do sada nismo dobili nikakve konkretne odgovore po ovom pitanju, pa vas, pa postavljam pitanje da li ste uopšte upoznati s ovim i šta planirate učiniti po ovom pitanju? Hvala lijepa.

**Elvedin Okerić (Predsjedavajući)**

Zahvaljujemo se zastupnici Hašimbegović. Zastupnik Haris Zahiragić se javio za riječ.

**Haris Zahiragić (poslanik/zastupnik)**

Zahvaljujem predsjedavajući. Ja bih imao nekoliko pitanja za kandidata za premijera, za mandataru Kantona Sarajevo. Gospodine UK, koji ste po redu kandidat kojem je Naša stranka predložila da preuzme mjesto premijera Kantona Sarajevo? Ovo pitam iz razloga što ne znam da li ste vi svjesni činjenice da je javna percepcija takva da kada niko nije htio uzme taj mandat vi ste ga uzeli i onda se naslanjam na pitanje kolege Devića zašto smatrate da baš vi možete vršiti funkciju premijera naj, ekonomski najsnažnijeg i politički možda i najvažnijeg Kantona Sarajevo?

Drugo pitanje, zašto nema Samira Avdića, jednog od najboljih ministara u prošloj Vladi u sastavu ove Vlade Kantona Sarajevo? Zašto čovjek koji je pošteno radio svoj posao, koji se, koliko mi imamo informacije nije talio sa javnim pozivima, nije vraćao pare koje bi davao sportskim klubovima, nije se bavio ni niskom ni visokom korupcijom, sada ga nema u ovoj Vladi, što ja mogu shvatiti kao svojevrsnu poruku svim ljudima koji žele pošteno raditi svoj posao u Kantonu Sarajevo. Ja sam čuo takvu vrstu najava u prošlom mandatu, da niste zadovoljni, da ne sluša, itd. ali nisam zaista slutio da ćete bivšeg kapiten reprezentacije Bosne i Hercegovine takav način staviti na njega svjetla a onda ga već u narednom sazivu Vlade ne staviti u Vladu Kantona Sarajevo.

Pitanje koje će neko smatra da zalazi u privatnu sferu, ali nije nimalo privatna sfera, imajući u vidu činjenicu da je premijer zaista najistaknutija funkcija izvršna u Kantonu Sarajevo, zanima me gospodine UK kako je to Halima Uk, vaša rođena majka, bila, imam potpis i njenu izjavu ovdje član biračkog odbora HDZ-a Bosne i Hercegovine. Možete li mi reći kakve su veze vas i vaše porodice sa HDZ-om Bosne i Hercegovine. Vidim kolega Vibor se smije. Zaista je tako. Ja imam izjavu, dobio sam od građana izjavu potpisanu, gdje Halima Uk. Sad ću vam pročitati. Halima Uk VSS profesor penzioner Josipa Vancaša 19 imenovana ispred HDZ-a za člana biračkog odbora 08.08.20 22. godine. Ima evo i potpis. Ja mislim na to nije samo privatna nego visoko prvoklasna politička tema i zanima me kakve su to veze prisne sekretara Naše stranke i kandidat za premijera i HDZ-a Bosne i Hercegovine? Da li su to možda bili neki fiktivni birački odbori, što je možda još veći problem.

Spomenuli ste u svom, ne mogu ga, pretenciozno bi bilo da kažem ekspozeu, u svom kratkom napisanom obraćanju da je dobra praksa prošle Vlade izvršavanje sudskih presuda, želim vas pitati da li znate kao pravnik da su izvršne presude obavezne tj. da ste vi obavezni sve izvršne



sudske presude isplaćivati odmah a ne nastavljati praksu da malo pomalo već godinama kršite i ljudska prava i sve propise, i ne samo vi, i Vlade prije vas također su to radile. I posljednje pitanje, više ću u diskusiji, kažete da ćete vi izgraditi Univerzitetsku biblioteku. Možete li mi reći, da li znate ko gradi Univerzitetsku biblioteku, odakle novac već odavno obezbijeđen? Kada su rokovi odveć krenuli teći, ko već taj projekat cijeli od izbora izvođača do izbora projekta itd implementira, tako da ne znam kako možete sebi dati za pravo da najavljujete unaprijed i hvalite se projektom koji i sa kojim nikako i ni u kojoj fazi vašeg potencijalnog mandata nećete imati veze jer je to projekat UNSA. Hvala.

### **Elvedin Okerić (Predsjedavajući)**

Zahvaljujemo se zastupniku Zahiragiću. Zastupnik Damir Marjanović se javio za riječi.

### **Damir Marjanović (poslanik/zastupnik)**

Zahvaljujem predsjedavajući. Zahvaljujem mandataru na uvodnom izlaganju. Prije nego što postavim malo veći broj pitanja moram da dam jedno pojašnjenje, barem onako kako smo mi to shvatili u Pokretu za Nove Generacije trenutno imate ovdje 35 članova komisije za prijem u radni odnos, pred nama se nalaze kandidati predvođeni premijerom ustvari budućim premijerom trenutnim mandatarom i kandidate za ministre. Dokumenti na osnovu kojih su oni aplicirali su njihove biografije, dokumenti na osnovu koji su aplicirali je ovaj ekspozé, dokument je program djelovanja nove vlasti 2023-2026 koji nam nije dostavljena ali srećom mogao se naći na društvenim mrežama i dokument koji sada upravo u ovom momentu naveo kolega Uk je između ostaloga Strategija razvoja Kantona Sarajevo u narednom periodu. Stoga, zašto sam dao ovaj kratki uvod, sva pitanja koja ćemo postaviti, a bit će ih više, bazirana su upravo na svim ovim dokumentima i na ovom ekspozéu, a odmah ću da kažem zašto postavljam ovako detaljna pitanja. Pokret za Nove Generacije, tačnije UO Pokreta za Nove Generacije je dao nalog meni kao predstavniku Pokreta da kroz odgovore na ova pitanja u komunikaciji sa njima jednostavno da donesem odluku da li ćemo podržati rad nove Vlade ili nećemo podržati rad nove Vlade. Kao osoba koja, kao i većina vas, ima iskustva rada u komisijama za prijem novih radnika, primarno u ovome realnom sektoru, aili i ovom društvenom, onda ćete se složiti da su upravo ovi dokument neke stavke iz biografije jako bitni za donošenje bitnih odluka kad priimate nekoga, čak na godinu dana u nekoj poziciji recimo nižeg referenta, a možete tek zamisliti kako su jako bitni kada primete ljude na pozicije ministara i premijera. Stoga to je lagano pojašnjenje vezano za pitanja koja idu. Pitanja ima više a ja ću iskoristiti priliku nakon svog izlaganja da dostavim e-mailom ova pitanja zajedničkoj službi, pa ću zamoliti da proslijede uvaženom mandataru u nadi da će imati priliku u pauzi da odgovori na sva. Dakle počinjemo ovako. Idemo pitanje za mandataru Vlade Kantona Sarajevo. U vašim prvim javnim nastupima u svojstvu mandataru potencirate da ćete umiti grad i navodite da ćete ga očistiti. Da li tzn. da mislite da prethodna Vlada koju ste maloprije pohvalili i mandatar nisu dobro radili posao iz ove oblasti komunalne privrede tj. da premijer ministar u prvoj godini proteklog mandata i direktorica JKP Rad koji su imenovani na prijedlog vaše stranke, po vašem mišljenju nisu dobro radili svoj posao?

Nadalje, u vašem uvodnome govoru potencirali ste poziciju mladih. Možete li mi reći da li je tačno da su u dokumentu koji je dio vašeg ekspozéa, a koji se zove Program skupštinske većine u Kantonu Sarajevo 2023- 26 mladih spominju u samo dvije relativno periferne mjere? Da li tzn. s obzirom da ste stvarno potencirali poziciju mladih i kada ste rekli da predstavljate mlade, da li tzn. da se u svom narednom radu nećete držati ovoga dokumenta? Nadalje, s obzirom da je u vašem prvom predstavlja potencirano da ste radili u realnom sektoru više godina, a da vašoj biografiji nije precizirao koliko dugo i na kojim pozicijama, molim vas da nam odgovorite koliko dugo ste radili u realnom sektoru, na kojoj poziciji i u kojem radno- pravnom statusu, to jest, zaposlenik pripravnik volonteri ili slično, te koje vještine i kompetencije ste

stekli kroz vaš rad u realnom sektoru? Nije nimalo privatno pitanje, poslovno je pitanje, čovjek se kandidira za posao, bar su meni stalno na svim kvalifikacijama i na svim upitima i komisijama na kojima sam aplicirao za posao postavljali ovo pitanje. Nadalje vaš stranački kolega Mirsad Čamdžić u jednom TV nastupu je naveo da se kao student radili kompleksne poslove, možete li nam reći o kakvim poslovima je riječ i u kojem radno-pravnom statusu ste realizirali te poslove? Nadalje, koliko godina radnoga staža imate provedenih na rukovodećim pozicijama u nekoj od privatnih ili državnih institucija, preduzeća ili ustanova? Da pojasnim ovo pitanje. Kada aplicirati za poziciju direktora neke javne ustanove minimalno je 5 godina da provedete na rukovodećim pozicijama, onda je svakako očekivati da premijer i ministri imaju mnogo više. Što se tiče pitanja za kandidata za ministra komunalne privrede, prostornog uređenja, vrlo konkretno. Naši konsultanti iz oblasti su naveli da imamo veliki problem sa određenim priključcima za apartmane i apartman hotele na Bjelašnici koji su prijavljeni kao domaćinstva. Također naši konsultanti iz te oblasti navode da Kanton Sarajevo tim aktivnostima potencijalno su oštećeni za milionske iznose, stoga nas zanima kako je vaš stav glede Uredbe koju je donijela prethodna Vlada Kantona Sarajevo, ako je apartmane izjednačila sa kategorijama stambenih objekata, mada isto nije definirano u zakonu, te je na taj način izjednačila, ako smijem tako reći, možda ću pogriješiti u terminu, tarifu komunalija bogatijim Sarajlijama koji posjeduju najčešće izdaju ove apartmane sa tarifama komunalija koje se između ostaloga primjenjuju kategoriji socijalno ugroženih građana prilikom plaćanja računa za objekte u kojima stanuju negdje u gradu. Drugo pitanje, da li planirate izmještanje deponija Smiljevići i po vašoj procjeni koji je njen vijek trajanja, te da li će njeno zatvaranje u svakom slučaju morati doći vrlo skoro? Nadalje da li znate tačnu lokaciju monitoringa redovnih rezultata analiza vode iz sistema javne vodoopskrbe kako na prisustvo mikrobioloških tako i hemijskih kontaminanata i da li smatrate da su te lokacija adekvatne i da li mislite da je postojeći model monitoringa vode tehnički adekvatan?

Pitanje za kandidata za ministra za nauku, visoko obrazovanje i mlade. Da li ste upoznati sa postojećom strategijom za poboljšanje položaja mladih u Kantonu Sarajevo? Koje konkretne mjere ćete poduzeti da bi spriječili odlazak mladih i koje su to mjere, te koji iznosi sredstava je predviđen u predloženom budžetu za navedene aktivnosti? Što planirate da poduzmete po pitanju realizacije odluka tematskih sjednica o položaju mladih koje je Skupština Kantona Sarajevo donijela i kao takve su obavezujuće za izvršnu vlast i vaš resor? Šta planirate da poduzmete po pitanju realizacije odluka tematskih sjednica o reformi obrazovanja koji je Skupština Kantona Sarajevo donijela i kao takvi su obavezujuće za izvršnu vlast i vaš resor? Da li ste vi pripremali mjere iz oblasti nauke, visokog obrazovanja i položaja mladih u dokumentu koji se zove Program skupštinske većine u Kantonu Sarajevo 2023-2026?

Na koji način sa pozicije člana izvršne vlasti planirate da realizirate prve tri mjere koje su navedene u ovom dokumentu kad one nisu uopšte u domenu rada izvršne vlasti i kada bi svako vaše intervenisanje u tom segmentu kao ministra bilo protumačeno kao zadiranje u akademsku autonomiju? U jednoj mjeri se tu navodi da treba uskladiti racionalizirati upisnu politiku sa potrebama društva, a u drugoj mjeri se navodi otvaranje katedre za astronomiju- astrofiziku. Molim vas da nam prezentirati elaborat po kojem je otvaranje ove jako zanimljive katedre usklađeno sa potrebama bh društva, te usklađenost ove dvije mjere. Šta mislite koji su, ne odmah da kažem podržavam itekako, to je odlično, ja znam kako se ti momci i djevojke bore, posebno za opservatorij, ali su mi ove dvije mjere malo kontradiktorne, možda jer ja nemam informacije, pa me zanima elaborat da vidim. Šta mislite koji su osnovni problem vezani za Zakon o naučno- istraživačkoj djelatnosti? Kako mislite riješiti problem finansiranja višegodišnjih naučno-istraživačkih projekata bez korištenja UNDP servisa? Ovo su vam konkretna pitanja koja dolaze od ljudi koji su dobijali projekte i koji ne mogu iskoristi svoje novce do kraja. Na koji način planirate realizirati mjere po kojoj visokoškolske ustanove trebaju postati naučni centri i da li tzn. da mislite da UNSA sa svojim funkcionalnim jedinicama

u ovom trenutku uopće ne realizira naučne aktivnosti. Da li ste upoznati da u dokumentu Strategija razvoja Kantona Sarajevo na koji se pozivao mandatar u svom uvodnom ekspezeu jedan od ciljeva je uvrštavanje UNSA na Šangajsku listu? Zašto nemate mjere u ovom dokumentu i kako planirate realizirati tu mjeru s obzirom da se mandatar pozivao na taj dokument? Zašto samo vama, ovo sad, nemojte me osobno shvatiti, molim vas, zato što mi jako neobično bilo, pitanje je stvarno kada pogledate biografije, prvo biografije koje smo dobili na komisiji i ove biografije koje smo sada dobili se malo razlikuju u svom sadržaju, ja vjerujem da je to na neki način optimizirano auditoriju, ali nije mi jasno zašto samo vama u dokumentu sa zvaničnom biografijom kandidata za ministra nije navedena godina rođenja kao kod ostalih kolega i nije mi jasno zašto samo vama u dokumentu sa zvaničnom biografijom kandidata za ministra nije navedena zvanično akademska pozicija, recimo kako kod vaše kolegice Softić - Kadenić za koju se jasno kaže akademsku poziciju zauzima. Govorim zato što ste kandidat za ministra za mlade, nauku, visoko obrazovanje pa onda svakako treba da se između ostaloga potencira i ta pozicija vaša u oblasti ove tri sfere. Pitanje za kandidata za ministra zdravstva. Šta je Ministarstvo zdravstva Kantona Sarajevo uradilo u vašem proteklu mandatu da pomogne građanima i građankama s gužvama i redovima čekanja i nejavljanjima na telefone institucija primarne zdravstvene zaštite i šta ćete promijeniti u drugom mandatu koji je pred vama? Siguran sam da imate odgovor za to. Da li ćete u drugom mandatu pokrenuti najavljivanu reorganizaciju zdravstvenog sistema koja će biti jasnije vidljiva građanima Kantona Sarajevo, kako će ona izgledati i ako je u planu, uistinu kada bi trebalo da bude realizirana? Kada će i kako će Ministarstvo uticati da riješi problem nedostatka citostatika za onkološke pacijente i da li je ZZO jedina ovlaštena nadležna institucija za nabavku istih? I jedno pitanje za koje pretpostavljam da ga očekujete, šta ste učinili po pitanje finansiranja ponovnog uspostavlja finansijske stabilnosti Javne ustanove Apoteke Sarajevo koja kao što znate u značajnoj mjeri uzdrmano potpisivanjem kolektivnog ugovora, a za koje ste javno više puta najavili da će biti optimizirano do kraja sada već protekle godine? Da li nadležno ministarstvo spremilo model po kojem će ovoj firmi koja se finansira iz vlastitih sredstava nadoknaditi uvećane rashode na pozicijama plata, a koje su posljedice potpisanog kolektivnog ugovora koji je podržala prethodna Vlada u čijem ste sastavu i vi bili. Za ministarstvo privrede.

Kako planirate dati podršku privrednim subjektima s obzirom na trenutne okolnosti nastavka rasta inflacije i dizanja kamatnih stopa i nedostatka radne snage i slično? Kako mislite riješiti pitanje komplikovani dugih procedura registracije poduzeća i preduzeća i obrta? Na koji način planirate riješiti probleme finansiranja start up firmi za koje komercijalne banke nemaju sluha? Kako planirate da potpomognete proces digitalizacije privatnih firmi i da li se taj plan i dalje oslanja na javne pozive i sufinansiranja kroz te pozive koji su uzgred relativno rijetki i nerijetko nedostupni svim privrednicima?

Za kandidata za ministra Ministarstva finansija, jako me zanima da li ste i koliko ste učestvovali u kreiranju Nacrta Budžeta Kantona Sarajevo za 2023. ili da budem precizniji, ne Nacrta nego Prijedloga, znam da u nacrtu niste, barem koliko mi je poznato. Da li se slažete sa predviđenom prihodovnom stranom Prijedloga budžeta Kantona Sarajevo za 23. godinu. Mislim poslat ću vam ja to isto pitanje i sljedeći put kada budemo pričali o Budžetu, ali me sada samo zanima vaš vaš stav, jer koliko imam informaciju izuzetno ste realna osoba koja dobro barata tim sredstvima, pa hajte da vidimo da li nam se mišljenja poklapaju. Da li podržavate model po kojem je prethodna Vlada sredstva dobivena od strane MMF-a u najvećem iznosu trošila za socijalna davanja?

Koje interventne, koje dugoročne mjere planirate poduzeti u borbi s inflacijom sa činjenicom umanjenja federalnoga pondera? Da li je to dodatno zaduživanje, ako jeste za koje namjene će to zaduživanje biti iskorišteno? Vezano za Ministarstvo za odgoj obrazovanje uvaženoj kolegici Hota, što planirate da , by the way moram da samo primijetim u ovome dokumentu, vidi se da je kolegica Hota radila na ovom dokumentu, poprilično su konkretne mjere u oblasti

odgoja i obrazovanja, pa dozvolite mi da i to pohvalim. Ne moram se slagati sa svim ali su jako konkretne mjere. Šta planirate da poduzmete po pitanju realizacije odluke tematske sjednice o reformi obrazovanja? Tamo spominjete tematsku sjednicu o inkluziji, ali bila je tematska sjednica o reformi obrazovanja. Zanima me šta planirate jer pazite, mi smo donijeli odluku jednoglasno i ovo svaka sljedeća Vlada mora da realizira te zaključke, to je obaveza dok ne bude neka druga tematska sjednica, pa Skupština negira te svoje zaključke ili opovrgne ili opozove. Znači, šta planirate da poduzmete u pravcu modernizacije udžbeničke politike? Da li ćete i ove godine uložiti milione maraka u nabavku besplatnih udžbenika koje ste nedavno ja mislim u vašem zadnje, intervju nazvali sramotom za sve nas i kako komentarišete ovaj se dio dokument Pregled i evaluacija procjena obrazovanja Bosne i Hercegovine te da li ćete ga koristiti u svom ministarskom djelovanju? Ja se stvarno izvinjavam na ovim malo dužim postavljajmima pitanja, ja ću prosljediti ovaj e-mail, radujem se upravo odgovorima na sva postavljena pitanja. Hvala velika.

### **Elvedin Okerić (Predsjedavajući)**

Zahvaljujemo se zastupniku Marjanoviću. Zastupnica Sebija Izetbegović se javila za riječ.

### **Sebija Izetbegović (poslanik/zastupnik)**

Zahvaljujem se. Pa evo ja ću početi sa ovim pitanjem koje su manje-više svi spomenuli. Naš budući premijer, mandatar za premijera, prijedlog za premijera Kantona Sarajevo je rekao da će nastaviti dobru praksu svojih prethodnika, ali je u istoj rečenici kazao da će morati oprati i očistiti grad, što znači da ti prethodnici nisu zaista dobro radili. Mi smo se svi osvjedočili da Sarajevo definitivno nikada nije bilo prljavije, čak ni u toku rata. Što se tiče ostalih pitanja ona se odnose no ono što bi moglo biti pitanje i za budućeg premijera i za budućeg ministra zdravlja, odnosno ministra koji je bio već jedan mandat. Dakle rečeno je da će u fokusu biti mladi. Ako će u fokusu biti mladi zašto Vlada Kantona Sarajevo u kojoj jeste aktivna politička opcija koja predlaže budućeg mandataru nije dala dozvolu da se uposle mladi specijalisti odnosno mladi ljekari koji su strateški dobili specijalizacije u Kliničkom centru Univerziteta u Sarajevu i na čije obrazovanje smo do sada utrošili skoro milion konvertibilnih maraka? Da li tzn. da mi proizvodimo mlade specijaliste da oni istog trenutka napuste zemlju i odu negdje u inostranstvo? Ukoliko ne mogu dobiti posao, na ovakav način Vlada Kantona Sarajevo kako to već opstruira, hoće li naš mandatar biti spreman objasniti njihovim porodicama i roditeljima zašto će njihova djeca i unučad odrastati u nekim drugim zemljama ako postoji novac u Bosni i Hercegovini da se oni zaposle, jer oni jesu strateškim planom dobili specijalizacije. Hoće li se pozabaviti nikada lošijim Domom zdravlja? Hoće li nekada utvrditi da li uposlenici Doma zdravlja imaju zakonom propisan fond sati da bi primili plaću ili će i dalje tolerirati njihovo ne dežuranje, odnosno nepružanje primarne zdravstvene zaštite koja je propisana Zakonom o zdravstvenoj zaštiti u 24 satnom periodu? Hoće li se pozabaviti Hitnom pomoći koja također nikad nije bila lošija i koja 99 % pacijenata svih povrijeđenih i bilo kojih oboljelih dovozi direktno u Klinički centar, preskaču sekundarni nivo zdravstvene zaštite, iako smo do sada poslali nebrojeno mnogo desetina i desetina možda i stotine prigovora ministru Vraniću sa potpuno jasnim obrazloženjima i dijagnozama koje dokazuju da ti bolesnici nisu imali potrebu biti doveženi na tercijarni nivo zdravstvene zaštite nego na sekundarni. Ko će biti ljudi koji će mandataru pomoći da napravi tu strategiju? Lako je reći mi ćemo napraviti strategiju zdravstvenog sistema. Strategija zdravstvenog sistema traži kompetentne, ozbiljne i iskusne ljude. Nažalost evo u biografiji prof. Marjanović je najavio mi ništa nismo dobili informacija ni o godištu, ni o kompetencijama, ni upravnim sposobnostima budućeg eventualno premijera. Niste nam rekli ni u jednom trenutku ko će se pozabaviti palijativnom njegom, sasvim jasno po podacima Zavoda za javno zdravstvo sve više populacija obolijeva od malignih bolesti i za njih se mora naći mogućnost smještaja, adekvatne njege koju zovemo palijativnom njegom i

mjesta na kojima će oni moći sačuvati svoje dostojanstvo bez obzira na težinu bolesti koju oni imaju, nažalost. Zašto nikad Ministarstvo zdravstva nije uspostavilo put pacijenta o kome smo dugo govorili veći dio toga smo završili, nego čekaonice u domovima zdravlja vrve bolesnicima koji su nikad nesretniji i nikad duže čekali na uslugu koja je ionako svedena na minimum, samo na to da im se napiše uputnicu i da ih se pošalje negdje dalje. Zavod zdravstvenog osiguranja i reosiguranja Federacije bavi se citostaticima. Ja očekujem da će ova Vlada pokazati više osjetljivosti, više senzibilnosti prema oboljelima od malignih bolesti i da će se potruditi u nekoj podijeli sa Federalnim zavodom zdravstvenog osiguranja i reosiguranja da se pomogne pacijentima na nivou Kantona da se djelomično podnese finansijski dio troškova umjesto da se da 4, 2 miliona za višekratna putovanja probranih ljudi u Dubai, od čega mi definitivno još uvijek ne vidimo nikakve koristi. Ko će uspostaviti kontrole bolovanja? Ne formalne kontrole bolovanja one će kontrolira samo papire, ko će uspostaviti kontrolu broja ljudi koji su uposleni u Zavodu zdravstvenog osiguranja Kantona Sarajevo na vrlo visokim plaćama i koji se zovu kontrolori bolovanja? To su samo ljudi koji običu domove zdravlja, pregledaju papire ali nisu ni kompetentni, niti ulaze u meritum, odnosno ne procjenjuju bolesti tih ljudi koji su na bolovanju, pa je Klinički centar imao priliku držati uposlenike koji su 8 godina, slovom i brojem, bili na bolovanjima, dočim su za to vrijeme obilazili sve gradske kafane, o čemu smo u posjedu dokumentacije, odlazili na godišnje odmone, na razna putovanja, zabave itd. Ponavljam o svemu tome imamo ovaj dokumentaciju kojom to možemo da potkrijepimo. Evo puno je pitanja, između ostalog i digitalizacija i informatizacija jedno od to dvoje ćete morati uraditi, dio informatizacije je već sproveden. I što se tiče UNSA. Nadam se da vi znate, trebalo bi barem da znate da Univerzitet u Sarajevu nikada u historiji nije imao manji broj upisanih studenata 21 000. Samo 21 000 upisanih studenata. U Nišu ih je upisano u Srbiji 30 000, u Novom Sadu oko 35, Beograd 90 000, Zagreb 80 500, itd. Kod nas samo 21 000 upisanih studenata. To je vrlo vrlo tužna činjenica, još tužnija činjenica 27 fakulteta u decembru prošle godine 2022. godine nije malo novca za plaće uposlenika. Ko upošljava toliko uposlenika, ko podržava napredovanja bez uslova, ko zavarava javnost lažnim diplomama i progoni one koji imaju prave istinske diplome, sve je ono čime će mandatar između ostalog mora sa svojom ministricom za obrazovanje da se pozabavi. Dakle javnost se ne može zavaravati dugo, može jedno vrijeme, ali dok god zavaravamo javnost tim pričama i lažima, bez imalo pretjerivanja lažima, činjenica je da je upisano samo 21 000 studenata na UNSA i da 27 fakulteta u 2022. nije imalo novca za plaće. Evo ja ću završi sad s ovim, ali imala sam još puno pitanja. S obzirom na to da je u petak, da će biti džuma, zahvaljujem se na pažnji. Ovo će biti za danas dovoljno.

### **Elvedin Okerić (Predsjedavajući)**

Zahvaljujemo se zastupnici Izetbegović. Zastupnica Vedrana Vujović se javila za riječ.

### **Vedrana Vujović (poslanik/zastupnik)**

Zahvaljujem predsjedavajući. S obzirom da se prvi put javljam pozdravljam sve kolege i kolegice zastupnike, članove Vlade i građane Kantona Sarajevo koji prate rad današnje Skupštine Kantona. Ja moram reći da sam mogu reći negativno iznenađena ovim ekspozem ili obraćanjem kandidata za premijera našeg evo kolege Nihada Uka. Očekivala sam mnogo detaljniju i možda konkretniju jedan pregled zapravo kakva je to njegova vizija Kantona Sarajevo u naredne 4 godine. Mnogo opštih mjesta, mnogo nekih ja kažem plan rada Vlade što predstavlja i jedan sasvim normalan, mogu reći dio rada Vlade i svih ministarstava i svih institucija. Nekako smo više čuli zapravo plan rada nego neki možda ekspoze, nešto novo. Ovo što jeste novo, što sam možda malo više očekivala jeste mi ćemo sada evo prvi put imenovati Vladu Kantona Sarajevo kada Bosna i Hercegovina ima kandidatski status. I to je zaista pohvalno. Ja očekujem da se ove reforme od obrazovnog do zdravstvenog sistema, pa čak i

ovog zaštite okoliša, prostornog uređenja budu upravo u skladu sa pravilima Evropske unije i da će se Ministarstvo pravde i uprave zajedno sa svim ostalim resornim ministarstvima i sa premijerom na čelu raditi na usklađivanju zakonodavstva i svih zakonskih propisa koji će, odnosno usklađivati propise Bosne i Hercegovine i Kantona Sarajevo u skladu sa propisima Evropske unije. Moje jedno ili zapravo dva pitanja će biti, kolege su nekako načele, postavile zaista dosta pitanja, na kojim se evo ovim putem i zahvaljujem. Koja će biti eto minimalno tri projekta na kojima će kabinet premijera raditi s obzirom da smo svjedoci da odnosno upoznati smo da kabinet premijera ima zaista poprilično dobar mogu reći Budžet na raspolaganju, koja će to biti tri projekta ili programa i da li će oni biti okrenuti ka mladim ljudima, a da to nije kao što imamo po svim ministarstvima, to se vidjelo u Prijedlogu budžeta transfer neprofitnim organizacijama. I evo još jedno pitanje, odnosno zapravo još dva. Kada govorimo o digitalizaciji zdravstva, digitalizacije javne uprave, kako i na koji način ćemo se baviti zaštitom podataka, zaštitom ličnih podataka, to je jedna od jako bitni stavki kada govorimo o bilo kakvoj digitalizaciji, naročito kada je riječ o zdravstvenom sistemu jer naši da kažem ljekarski karton ne bi smjeli biti koliko smiju naravno poput podržavam da budu digitalizovani naravno mora se raditi na posebnoj zaštiti svih tih podataka koji stoje u ljekarskim kartonima osiguranicima zdravstvenog osiguranja Kantona Sarajevo. I još jedna stvar, tiče se odgoja i obrazovanje te jedne kurikularne reforme, da li ćemo, da li će ta reforma napraviti od nastavnog osoblja odnosno učenika, učitelja, nastavnika i profesora dodatne administrativne radnike ili će se oni napokon moći posvetiti kvalitetnom i kvaliteti obrazovanja, naročito kada je riječ o osnovnim i srednjim školama? I da li postoji neka konkretna strategija školovanja i zapošljavanja, po potrebi stipendiranja učenika i studenata u cilju ostanka u Kantonu Sarajevo, ali i u Bosni i Hercegovini. Mi smo u prethodnih, evo prethodnom periodu na sjednicama radnih tijela čuli da je da im postoji dosta programa koje provode Ministarstvo obrazovanja ali i Ministarstvo privrede i visokog obrazovanja naravno i odnosi se na stipendiranje i sufinansiranje školovanja deficitarnih kadrova. Međutim, ja sam postavila tad upit da li postoji neka strategija njihovog ostanka u Bosni i Hercegovini ili mi kroz ove stimulatívno školovanje i stipendiranje školujemo kadar za odlazak u inostranstvu? Toliko od mene za ovaj put. Hvala vam.

#### **Elvedin Okerić (Predsjedavajući)**

Zahvaljujemo se zastupnici Vujović. Zastupnik Adi Kalem se javio za riječ.

#### **Adi Kalem (poslanik/zastupnik)**

Zahvaljujem predsjedavajući. Zahvaljujem se prijedlogu za odnosno kandidatu prijedlog za za izlaganje vezano za ekspozice koji je izložio prije par minuta. Imao bih par pitanja prije toga. Bio sam nekad u njegovoj poziciji kad smo imenovani 2020. godine. Otprilike, kasnije ću se uključiti sigurno u diskusiju, ali imam par pitanja tiču se samog resora Ministarstva saobraćaja. Nešto što mi je zaparalo malo uši, a javnosti radi, otprilike da mi se da jedan odgovor a tiče se, grandiozno ste najavili dolazak 15 novih tramvaja u Sarajevu itd. Otprilike samo eto javnosti radi da nam provjerite datum otprilike puštanja javnog pozva tih tramvaja onaj, pa kasnije ću se referirati kroz samu diskusiju onaj kada se budem javljao i da li će se raditi na sigurnosti u saobraćaju u narednom periodu. Svjedoci smo sve više saobraćajnih nezgoda gdje su učesnici pješaci itd. Postoji jedna informacija gdje fali skoro 1000 znakova upozorenja, opasnosti i tako dalje u gradu Sarajevu pa da vidim da li će se raditi na tome u narednom periodu kako bi obezbijedili bolje uslove, siguran i nesmetan saobraćaj svih učesnika u saobraćaju. Toliko od mene. Kasnije ću se javiti sigurno za diskusiju. Hvala.

#### **Elvedin Okerić (Predsjedavajući)**

Zahvaljujemo se zastupnicama i zastupnicima na postavljenim pitanjima.

Uvaženi mandataru da li želite neku pauzu. Izvolite imate riječ.

**Nihad Uk (premijer)**

Hvala predsjedavajući. Dakle naravno potrebna mi je pauza s obzirom da čak neka pitanja nisam uspio da ovaj napišem od kolege Marjanovića, tako da mora biti pauza. Evo vi predložite koliko vremena, s obzirom da imamo džumu ovaj u 12, hoćemo li uvezati ili nećemo, evo vi predložite.

**Elvedin Okerić (Predsjedavajući)**

Ja onda predlažem da uvežemo ovu pauzu zajedno sa džuma namazom i da se ovdje vidimo u 13:30.

Pa od 12 do 13, dok se vratimo. Pauza.

Damir Marjanović zastupnik se javio za riječ.

**Damir Marjanović (poslanik/zastupnik)**

Ja se izvinjavam, samo kratko kolegi Uku samo da kažem da sam pitanja proslijedio na e-mail skupštinske službe za zajedničke poslove, tako da mislim da će vam oni bez problema sva pitanja onako kako sam čitao proslijediti. Hvala velika.

**Elvedin Okerić (Predsjedavajući)**

Zahvaljujemo se. Zamolio bih službu da pripremi anketu za izjašnjenje pauza do 13:30.

Zaključujem glasanje. Moli službu da objavi rezultate glasanja. Za je glasalo 20 zastupnika, protiv 6, suzdržanih ništa.

Konstatujem da je prijedlog za pauzu usvojen.

**NASTAVAK NAKON PAUZE****Elvedin Okerić (Predsjedavajući)**

Nastavljamo dalje sa sjednicom Skupštine Kantona Sarajevo. Na tački smo Prijedlog odluke o potvrđivanju Vlade Kantona Sarajevo.

U toku je. Mandataru da li ste spremni ponuditi odgovore na postavljena pitanja? Izvolite imate riječ.

Možete uključiti mikrofona ovdje za govornicu.

**Nihad Uk (premijer)**

Jel može? Hvala predsjedavajući još jednom. Dakle ovaj kratku pauzu smo pokušali iskoristiti da odgovorim na postavljena pitanja. Bilo je stotinjak postavljenih pitanja, međutim ovaj ja se nadam da ćete biti zadovoljni sa odgovorima. U samom ekspozu ja sam naveo da ću pokušati vratiti dignitet ovom tijelu, odnosno i Vladi Skupštini posebno kada nekada u prošlom mandatu je bilo to u drugom smjeru i isto tako ja danas u ovom mom obraćanju neću odgovarati na neka pitanja koja su bila usmjerena na narušavanje digniteta i mene lično i samog organa koji predstavljam. Obzirom na veliki broj zastupničkih pitanja odgovorit ću na ona pitanje direktno koja se meni kao budućem premijeru i koja se odnose na sami ekspoz usmjerila, a pitanja koja su usmjerena na ministre nažalost neću moći, ministri ne mogu odgovarati u ovom trenutku, dakle oni su još uvijek kandidati za ministre, tek polaganjem zakletve postaju ministri i imaju mogućnost da koriste svoje pravo i da odgovaraju na ta pitanja, ali pokušat ću i na neka pitanja koja su bila usmjerena prema njima da odgovorim. Krenut ću od ličnog pitanja i pokušao sam da objedinim, bilo je sličnih pitanja od kolega zastupnika. Zahvaljujem se na svim postavljenim pitanjima. Jedno od pitanja koje se par puta spomenulo jeste moja profesionalna kompetencija za obavljanje ove pozicija, odnosno što sam radio prije toga, odnosno prije mog imenovanja budućeg na ovu premijersku poziciju. Dakle paralelno sa studijama sam bio agent za

nekretnine. Onog trenutka kada sam završio fakultet, pripravnički sam odradio u Kantonalnoj javnoj ustanovi Djeca bez roditeljskog staranja Bjelave, a potom sam radio u privatnoj firmi RNDS u pravnoj službi. Od 2017. godine sam generalni sekretar Naše stranke, dakle 6 godina sam generalni sekretar, a s obzirom da je ovo političko tijelo pretpostavljam da znate koji je obim složenosti tih poslova koji obavlja generalni sekretar sa aspekta profesionalnog i rukovodeće pozicije. Dva pitanja su bila da istaknem projekte koji su meni interesantni i ovoj Vladi i za koje ću sam stajati. Dakle premijerska pozicija nema velike nadležnosti u implementaciji projekata, to je projekat cjelokupne Vlade, posebno resornih ministara kroz koordinaciju ja ću insistirati na meni možda pet stvari koje sam ovdje pobrojao, ne znači da su mi to najbitnije: da grad očistimo, da poboljšamo javni prijevoz. Godinama kao gradski vijećnik insistiram i zalažem da se napravi muzej Ars Aevi, dakle Muzej savremene umjetnosti. Stambeno zbrinjavanje mladih mi je bio prioritet i kao lokalnom zastupniku, a i u ovom slučaju će mi biti prioritet kao premijeru i digitalna transformacija javnog sektora. Jedno od pitanja bilo je pitanje parade, da li će se parada održati, da li će se finansirati iz Budžeta Kantona Sarajevo. Dakle pitanje parade podsjetit ću da je to pravo na javno okupljanje, ljudsko pravo, koje kao takvo Ustavom zagarantovano pravo svih građana i ona mora biti omogućeno svima pod jednakim uvjetima. Sigurnosne mjere donosi Uprava policije i ono što Uprava policije definiše da treba da se obezbijedi za sigurnosne mjere Vlada kantona će platiti.

Zastupnik Zahiragić je također postavio jedno privatno pitanje. Praksa u mom političkom djelovanju jeste da svoje djelovanje ne svodim na na ovaj način, ali da ne ostane nešto nedorečeno ipak ću odgovoriti. Želim da kažem da je majka Halima, dakle nije bila članica biračkog odbora na proteklim Opštim izborima. I na pitanje koje su veze porodice Uk sa HDZ-om odgovorit ću iste one veze koje su povezane Zahiragić porodica i HDZ. Ja se nadam da nema nikakvih veza u tom kontekstu. U više navrata sam u ekspozeu naveo da sam ponosan na gradnju Univerzitetske biblioteke i jedno od pitanja je bilo zašto spominjem Univerzitetsku biblioteku kad to nema nikakve veze s Vladom Kantona Sarajevo. Itekako ima. Dakle, Vlada Kantona i Kanton Sarajevo je osnivač Univerziteta Sarajevo koji je implementator tog projekta, a pored toga Vlada Kantona Sarajevo finansira Univerzitet i Vlada Kantona Sarajevo sufinansira ovaj projekat izgradnje Univerzitetske biblioteke.

Također postavljeno je pitanje o godištu prof. Krstića i to nije tajna, ali napominjem da je to jedan od zabranjenih osnova za diskriminaciju, tako da ne znam na šta se misli pod pitanjem koje je godište profesor Krstić. To nije tajna gospodin Krstić je 1958. godište.

Što se tiče zdravstvenog sektora i strategije ulaganja u deficitarne specijalizacije želim da napomenem da je Vlada prethodna, dakle ovo je bilo pitanje za prethodnu Vladu, učinila velike napore samo za 2 godine da je preko 100 ljekara uposlila u medicinski zdravstveni sektor, od toga je, odnosno preko 200 nemedicinskog kadra, odnosno medicinskih sestara, ispravljam se, i želim da najavim da je u ovoj godini već planiran iznos od 2 miliona konvertibilnih maraka u angažovanje deficitarnih specijalista, 70 njih. Također problem ove specijalizacije jeste problem koji dugo nas tišti a svi vi možete da znate gdje kadar otišao sa pojedinih zdravstvenih ustanova. Dom zdravlja je potpuno bio devastiran i suludo je i utopijski očekivati za 2 godine da će se napraviti velika priča oko Doma zdravlja. Ministarstvo zdravstva radi na punom kapacitiranju. Dakle trenutno još nedostaje samo 10 ljekara da ima po standardima pune norme što se tiče Doma zdravlja. I u konačnici bilo je još pitanja. Jedno od pitanja je bilo šta ćemo uraditi po pitanju rješavanja procedure registracije privrednih subjekata i obrta. Želim da istaknem da je to pitanje u nadležnosti Federacije Bosne i Hercegovine, ali preko naših zastupnika evo možemo četiri politička subjekta koji stoje iza ove Vlade da učinimo sve što je potrebno da se unaprijedi ovaj segment i želim još jednom da vam se zahvalim za postavljena pitanja. Sva pitanja koja nisam odgovorio u narednom periodu ću odgovoriti pismeno. Ja znam da kolega Marjanović neće biti zadovoljan sa pitanjima, međutim dostaviti pitanja od.



Tako da biću slobodan, ukoliko ste saglasni, gospodine Marjanoviću da odgovorimo pismeno u narednom periodu pošto je 40 pitanja poprilično neodgovorno s moje strane da odgovaram u roku od sat vremena, a posebno što ministrima je 95 % tih, kandidatima za ministre 95 % adresiranih pitanja, koji oni u ovom trenutku iz proceduralnih razloga ne mogu odgovoriti. Hvala još jednom.

### **Elvedin Okerić (Predsjedavajući)**

Zahvaljujemo se gospodinu Uk Nihadu. Otvaram raspravu. Prvi prijavljeni zastupnik Mahir Dević. Izvolite imate riječ.

### **Mahir Dević (poslanik/zastupnik)**

Hvala predsjedavajući. Ako vam je za ovo, za ovakvu pripremu premijeru trebalo 2,5 sata pauze onda ne znam šta da kažem. Bio sam zastupnik u prošlom mandatu i mislio sam da veća elementarna nepogoda u vidu premijera od gospodina Forte ne može zadesiti Kanton Sarajevo, ali nakon vašeg ovog ekspozee i vaših odgovora na ovo pitanje bojim se da ne dođemo u situaciju da ne kažemo Forte vrati se. Toga me strah. Naravno, ja ne želim što kažu da vas na bilo koji način lično bilo šta kritikujem. Moje pitanje oko vaših kompetencija koje sam vam postavio se odnosilo čisto da upoznate javnost Kantonu Sarajevo s tim. Dobio sam odgovor da ste vi obavili pripravnčki staž kao i svi oni koji završe ovaj obrazovanje, da ste bili agent za prodaju nekretnina i vaša glavna referenca ovdje da budete premijer Kantona Sarajevo je zašto ne kazati to, jeste to što ste vi 6 godine generalni sekretar Naše stranke.

Ja smatram da to nije ovaj politička funkcija koja nama daje bilo kakvu vrstu garancije da ćete vi uspjeti da kvalitetno i adekvatno obavljate posao premijera Kantona Sarajevo, uzimajući u obzir kada bismo mi sada pobrojali ko su sve bili premijeri Kantona Sarajevo dalo bi se to itekako uporediti.

Vi ste u vašim uvodnom izlaganju mandataru kazali da želite da promjenite neku paradigmu u Skupštini Kantona Sarajevo, kazali ste da želite da imamo zajedničke ciljeve, da zajedno radimo. Ja bih volio zaista da vi to uspijete, da se to desi. Tu bi možda bili bolji od vašeg prethodnika Forte, ali evo do danas ja nisam kao šef Kluba SDA dobio bilo kakav poziv od vas kao od mandataru o bilo čemu da razgovaramo na ovu temu. Tako da vaše riječi koje ste maloprije kazali i vaša djela ne korespondiraju. Ali evo uzet ću ih kao neku vrstu obećanja da vi želite da ostvarite neku ovaj vrstu saradnje i da uspostavimo kvalitetniji rad unutar Skupštine Kantona Sarajevo.

Kad su u pitanju ostali kandidati za ministre, pa mogu kazati da je ovo otprilike već viđena priča. Imamo dio ministara koji je obnašao ovu funkciju, neko duže, neko kraće sa vrlo blijedim i slabim rezultatima. Čini mi se da ova Vlada i ono djelimično što je bilo dobro u prethodnoj Vladi, evo čini mi se da je kolega Zahiragić o tome govorio takvih ministara na neki način riješila, tako da ovo što je ostalo je bez nekih ozbiljnih rezultata. To čini jednu grupu ministara, drugu grupu ministara čine ministri čije su tate i mame omogućile kroz njihove radne i profesionalne karijere da njihova djeca budu čini mi se ministri kroz razne političke partije i kroz struku, a onda se mi ovdje mučimo objašnjavajući šta znači neka preambula nekog zakona cijeloj Skupštini Kantona Sarajevo i cijeloj Vladi i treća ovaj kategorija evo novih ljudi među ministrima ovaj čine ljudi zajedno sa mandatarom koji nama kao Klubu zaista volio bih evo da griješim, ne daju nikakvu garanciju da ćete vi biti Vlada Kantona Sarajevo, koja će napraviti neke ozbiljne rezultate. Ako je ovo ponovo neko udruživanje radi toga da u toj vlasti nije SDA ili ne znam već kako bih to nazvao, izgubit ćemo ljudi ponovo 4 godine. Ove prethodne četiri smo izgubili, svjedoci ste toga. Pa zamislite vi samo situaciju da vi predložite dokument o kome ćemo mi raspravljati 29. Nacrt budžeta Kantona Sarajevo, a onda u roku 20 dana taj Nacrt budžeta naraste za 245 000 000 maraka. Pa kakva je to ljudi Vlada kakva je to politika, šta je to i to ne pripremi Budžet ovaj ministar finansija koji treba biti itd. Zaista uz svu namjeru evo

da da nađemo neku u svijetlu tačku i ovo ću kazati kada bi bilo vjerovatno pojedinačno glasanje za ponekog ministra vjerovatno bi se možda mogla dati i neka vrsta podrške, ne možemo kazati da sva rješenja nisu dobro. Ali generalno ovo u paketu mi se ustvari bojimo premijeru da vi nećete biti u stanju da rukovodite ovom Vladom na adekvatan način. Zašto?

Zato što imate već ministre koji su bili u jednom mandatu, na neki način učili su se toj vrsti posla ovaj i niste nam iz svog ekspozee koji ste ovdje jel nama čitali, mučili ste se malo sa tim čitanjem po resorima i djelovalo je to hajde na neki način spremali su vam ministri taj dio, pa ne morate vi sve ni znati. Ali ovi vaši odgovori poslije sada evo nakon 2,5 sata su samo ovaj potvrdili odluku barem nama kao Klub SDA da mi ne možemo dati podršku za ovakav sastav Vlade ovaj ni vama lično. Naravno ja vam želim puno zdravlja, sreće i uspjeha, volio bih da uspijete da na neki način mi ne budemo ovaj u pravu, ali čini mi se da će ovo biti lošiji mandat od onog kojeg je ovaj imao Edin Forto, a on je bio toliko loš da ste čak i vi priznali da je grad prljav, pa ste to stavili pod broj jedan, s tim da nam je Forto tada dao jedno lažno obećanje da će on riješiti zamislite ni manje ni više nego pitanje kvaliteta zraka u Sarajevu, jer je u godini prije njega SDA bila kriva za to što je loš zrak u Sarajevu, onda je prošlo 4 godine pa je to stanje bilo ovaj još lošije. Ja se samo bojim da poslije ovog mandata mi ponovo ne budemo u situaciji da stanje bude ovaj još lošije a paralelno s tim da Budžet raste 500, 700, 800, 900 miliona konvertibilnih maraka.

Naravno mi kao Klub nećemo dati podršku ovakvom sastavu Vlade, ni vama kao premijeru. A evo nek bude da je otvorena naša ruka za saradnju pošto ste je javno ponudili ja se nadam da ćete od naredne sjednice Skupštine primijeniti to što ste rekli da želite da pravimo neku vrstu saradnje na dobrobit građana. Ukoliko bude pitanje da li će SDA da podršku bilo čemu što je u interesu građana, nemojte da sumnjate u to. Uvijek ćete imati u nema podršku za takve projekte, ali za nešto što neće biti dobro za Kanton Sarajevo, za državu Bosnu i Hercegovinu, nećete imati saradnike Klubu Stranke demokratske akcije. Evo ja ću toliko ovaj u prvoj diskusiji. Hvala.

### **Elvedin Okerić (Predsjedavajući)**

Zahvaljujemo se zastupniku Deviću. Zastupnica Sebija Izetbegović se javila za riječ. Izvolite.

### **Sebija Izetbegović (poslanik/zastupnik)**

Zahvaljujem se. Dakle pitanja su bila odlična, bilo ih je puno. Pitanja su bila odlična, a odgovori nisu loši, odgovori su tužni, tužna je čak i ova biografija agenta za nekretnine, mada ja jako volim studente koji u toku studiranja rade, ali imati biografiju od 6 godina generalnog sekretara jedne političke partije da bi to bila referenca premijera najvažnijeg Kantona u državi onda je to malo čudno, zaista. To je onako kako reče maloprije budući mandatar deficitarno kako će nam ponuditi deficitarne specijalizacije. Dakle gospodine Uk, ja sa vama rekla da su specijalizanti završili specijalizacije i ti specijalizanti zahvaljujući vašoj koalicionoj većini Vladi Kantona Sarajevo ne mogu da dobiju posao u Kliničkom centru Univerziteta u Sarajevu, a na njihovo školovanje i edukaciju potrošeno je skoro milion konvertibilnih maraka. Ti ljudi su gotovi za posao i oni su strateškim planom primljeni na specijalizacije i završili su ih vrlo uspješno. Osim njihove edukacije plaćeni su i mentori, najbolji doktori koji su ih educirali. Ono što je zanimljivo, čovjek koji nam se nudi za premijera kaže primili smo 100 ljekara i primili smo još 200 nemedicinskog kadra. Tužna je činjenica da neko ko želi biti premijerom Kantona Sarajevo ne zna da medicinske sestre i medicinski tehničari jesu medicinski kadar. Oni nisu nemedicinski kadar gospodine Uk. I još jedna važna stvar, vi ćete u vrlo skoroj budućnosti morati javnosti objasniti koliko ste od tih 100 ljekara primili konkursom. Meni ste na neki način spočitnuli onako bez neke konkretne hrabrosti da nešto hrabrije kažete zna se gdje su neki ljekari otišli. Zna se gdje su otišli, oni su primljeni protuzakonito, bez konkursne procedure i čak bez sistematiziranih radnih radnih mjesta u neke druge zdravstvene ustanove Kantona

Sarajevo u silnim pokušajima da devastirate Klinički centar Univerziteta u Sarajevu. Ni to nije uspjelo. Ne samo da ste odvodili zdravstveni kadar, nedavno je i pravnik iz Kliničkog centra bez ikakve konkursne procedure premješten u Zavod za zaštitu zdravlja studenata, naravno bez konkursa i protuzakonito. Nemojte mislim da će to proći ispod radara. Mi to sve vrlo pažljivo evidentiramo. O tome ćete nam mora dati zvanične podatke jer ćemo vam poslati inspekciju i poslat ćemo je u sve te ustanove da bi građani tačno znali zbog čega ne dobivaju uslugu koju plaćaju putem uplata za zdravstveno osiguranje.

Također je gospodin Uk koji želi biti premijerom ovog Kantona rekao da je Dom zdravlja u 2 godine, zadnje 2 godine devastiran. Ja sam zapisivala. U zadnje 2 godine direktor Doma zdravlja iz vaše koalicione grupe SDP, vaš ministar Haris Vranić je također čovjek koga nam ponovo nudite, koji je dakle učestvovao u toj devastaciji Doma zdravlja. Mi odlično znamo da je devastiran jer za obični recept čekamo po 18 dana telefonski pozivajući da dobijemo sa nekim kontakt. Znamo koliko građana provodi vrijeme i koliko vremena gube u putu pacijenta, čekajući po tim ordinacijama u Domu zdravlja. Odlično ste to rekli, to je jedino pozitivno što samo od vas danas čula. Dom zdravlja Kantona Sarajevo u zadnje 2 godine jeste devastiran i to jeste činjenica koju ja godinama ponavljam Dom zdravlja kao primarna zdravstvena zaštita jeste devastiran i ovdje se radi na uništavanju primarne zdravstvene zaštite da bi se namaknuo posao privatnicima Kantonu Sarajevo. Univerzitetska biblioteka također dotakla bih se i tog finansiranja. Finansira se od Saudijskog fonda iz kredita, ako se ne varam, i bilo bi ovaj, bilo bi lijepo da dobijemo i o tome neke detalje, premijer bi to morao znati objasniti konkretno kada već kaže da Kanton Sarajevo finansira izgradnju Univerzitetske biblioteke. Evo zahvaljujem se, za sad je dovoljno ovoliko.

#### **Elvedin Okerić (Predsjedavajući)**

Zahvaljujemo se zastupnici Izetbegović. Zastupnik Haris Zahiragić se javio za riječ.

#### **Haris Zahiragić (poslanik/zastupnik)**

Zahvaljujem predsjedavajući. Pazite, mandatar gospodin Uk on se provukao po nekim bespućima svoje nemaštovitosti, ne zanimljivosti i nažalost jednog sterilnog i vrlo dosadnog ekspezea. Također takvi su bili odgovori, čak malo uvredljivi s obzirom da smo mi skoro sat vremena postavljali pitanja, da smo preko 2 sata, skoro 3 sata čekali da on spremi odgovore, iako ne znam kako čovjek koji je prihvatio da bude mandatar treba uzimati vrijeme da spremi odgovore, bilo kakve vrste, pogotovo ove koji se tiču njegovog posla. I nakon 3 sata dođe nam i odgovori na skoro nijedno pitanje. I ono što je odgovarao često cinično odgovarao. Meni je čak tako i privatno kaže citiram ga: "Porodice Uk ima veze s HDZ-om kao što porodica Zahiragić ima veze sa HDZ-om". Pa onda je bio pokušao biti šaljiv, kaže nadam se nema nikakve. Nažalost kolega Uk, ja ne znam da li ste vi svjesni, da li ste vi bili informisani o tom, ja sam maloprije govorio i čitao, evo ponovit ću ovdje sada. Ja, žao mi je zaista što govorim o porodici, ali ovo je politička okolnost, vi ste sekretar stranke, kandidat za premijera. Vaša majka ako je to ista osoba. Da li živite u Josipa Vancaša 19? Živite. Živjeli ste. Ima JMB ne želim iako imam zastupnički imunitet, ne želim da ga čitam, ima potpis ne želim ga pokazujem. Piše Halima Uk, profesor ispred HDZ-a, naziv političkog subjekta 00278, osnovna izborna jedinica 136A Centar. Kandidat ,ovaj član biračkog odbora. To što se nakon što smo mi u medije pustili vjerovatno rekli, majko, ili ste je gurnuli da se stavi, da bude ovdje, vjerovatno je ovo vaše maslo jer ste trgovali sa HDZ-ovim i sa biračkim odborima, pa ste rekla gospođi, dobro je da ste rekli nemoj majko ipak ispred HDZ-a biti član biračkog odbora. Ovdje govorimo o jednoj ozbiljnoj prvoklasno političkoj korupciji.

Uprkos tome što se preko HDZ-a majku kandidovali za biračke odbore u Sarajevu, imali ste svega 3000 glasova. I ponovo dobivamo ljude koji nemaju legitimitet na čelu izvršne vlasti u Kantonu Sarajevo. Kolega Okeriću zašto vi na primjer kao nosilac liste Naroda i pravde koja

je osvojila najviše mandata u Skupštini Kantona Sarajevo, imali ste korektan broj glasova, zašto vi niste premijer? Zašto vam nije naumpalo da budete premijer? Ovo je retoričko pitanje možete mi kasnije odgovoriti. Edin Forto 4 godine se štelio u Kantonu Sarajevo, dobio bi korektan broj glasova, dezertirao na više nivoe.

Gdje ste političari, lideri? Momka sa 3000 glasova bez ikakvog radnog iskustva, sa pripravnničkim i sa iskustvom prodaje nekretnina gurnuli da bude premijer Kantona Sarajevo. I tapšete ga po ramenu, niste se javili, evo mi ovdje ga kritikujemo. Niko se nije javio da ga brani. Toliko ste kolegijalni. Kasnite, sada ćete se vjerovatno javiti, ali ste već zakasnili na to, niste kolegijalni. Gurnuli ste mladog dečka da sav vaš politički nerad pokuša sakriti iza svojih simpatičnih loknica, ali to nije dovoljno da se bude premijer Kantona Sarajevo. Dakle pet prioriteta koje je gospodin Uk naveo kao ono što će on raditi u narednom mandatu, niti jedan od tih prioriteta nije kapitalni projekat. Sve su ono što bi kolegica Vujović kazala i u ekspozeu i odgovorima i sada nažalost o potvrđivanju neka opšta mjesta. Niti jedan jedini konkretan projekat tih 5 prioriteta. Zamislite mlad čovjek ima priliku da evo sa preko milijardu i 200 miliona Budžeta upravlja u Kanton Sarajevo. Kaže maloprije premijer nema nadležnosti. Naravno da ima. Ima najveće nadležnosti premijer, on je šef izvršne vlasti u Kantonu Sarajevo, i dobijete kao mlad čovjek šansu da upravljate tim sistemom i umjesto da u ime naše mlade generacije pokažete ovdje jednu suštinsku razliku u odnosu na sve vaše prethodnike, vi kažete da nemate ovaj nadležnosti i nabrojite nekih pet ideja koje su na nivou trećeg osnove. Gdje ta progresivna snaga. Gdje to obrazovno, gdje su te ideje. Jel vas nisu podržale kolege iz ostalih stranaka ili je i njima ponestalo ideja. Spominjete stambenu izgradnju a glasate za Nacrt, a kasnije za prijedlog u kojem se ni na koji način ne tretiraju stanovi za mlade, potpuno ste devastirali tu oblast. Ukinuli ste i subvencije. Sve ono što ste sada uz šturom ekspozeu govorili ste sami sebe demantovali u Budžetu Kantona Sarajevo koji će za 7 dana biti usvojen. U suštini potvrđujete se da ste vi skupina koja nažalost nema nikakvu viziju u Kantonu Sarajevo. Imena ministara da ne bude da je sve na kolegi Uku, žao mi je zaista što je on na neki način istaknut da trpi sav nerad premijera Forte i Vlade Kantona Sarajevo koji je nažalost prije neko vrijeme dezertirao na viši nivo i gore nastavio da ne radi jel. Imamo ovdje jednu zanimljivu informaciju, možda ovo nije prilika ali, gdje savjetnik ministra iz SNSD-a šalje Forti šta smije a šta ne smije raditi, a njegova savjetnica kaže okej. To ćemo objaviti ovaj narednih dana, samo da vam pokažem na koji način premijer Kantona Sarajevo i vodio Kanton Sarajevo. Išao je u ambasade po mišljenje, išao je kreditne organizacije, u međunarodne kreditne organizacije i oni su vam krojili Budžet, i oni su vam provodili politiku. Nadam se da će kolega Uk, iako me ne ovaj njegov ekspozeu ili pokušaj ekspozea i odgovor na pitanje ne ohrabruju u tome, biti nešto hrabriji od premijera Forte. Da ponovim kao što sam kroz pitanja kazao, gospodin Samir Avdić je odradio jedan vrlo korektan mandata. Sportski kolektivi i sportski klubovi su poprilično zadovoljni sa njim. Mi kao opozicija nismo imali veliki broj kritika na njegov račun. Hajde da budemo tako, da kažemo da jedan od najmanje kritikovanih ministara. Gdje je on? Gdje je kolega Samir Avdić? Ne ovaj zastupnik SDP-a, ne, ne znao sam da ćete dići ruku, nego ministar kulture i sporta. Nije slušao jel da? Nije podoban. Ne vraća pare, nije na telefon i na poziv, želi stam da donosi zakone. Nažalost ministar Samir Avdić neka posluži kao primjer i ovim novim ministrima što će im se desiti ukoliko ne budu slušali nažalost političke naloge onih koji sve što su govorili drugačije su nažalost radili. Raduje me činjenica imamo tu par novih ministara o kojima ne možemo suditi, specifično ,evo ljudi koji su iz struke, poput ministra financija koji je dugo godina u financijama i nadam se da će im on konačno će objaviti i objasniti Vladi Kantona Sarajevo da se preko UNDP-a, molim vas, evo maše gospodin Dedović glavom i drago mi je, da se preko UNDP-a ne mogu provoditi javne nabavke i ne mogu se pljačkati građani Kantona. Evo čovjek je u čudu. Da vam kažem šta su radili u prošlom mandatu. Javne nabavke su provodili na način da Kanton Sarajevo da možda hajmo hipotetički 9 miliona a UNDP da 1 000 000 kao granta i onda tih 10 miliona nabavljaju od respiratora i maske što se

dešavalo u coroni, a toliko im se osladilo, znate kako kaže poso je dobar, a para laka, burazera je munto Šefket Ramadani.

Posao dobar, a para laka, osladilo se, tako da su na sve moguće nabavke krenuli nabavljati preko UNDP-a. Ja sam desetine pitanja ovdje postavio, nikada nisam nažalost dobio odgovor i molim vas ministre Dedoviću nemojte im dozvoliti da na takav način mimoilaze Zakon o javnim nabavkama. Kantonu Sarajevo treba vladavina prava i ja se nadam da će ovi novi ljudi koji su došli barem djelomično u tom resoru jel donijeti takvu vrstu vladavine prava. Kada je u pitanju komunalna privreda, urbanizam, zapošljavanje, katastrofa koju su ostavili u sektoru komunalne privrede. Nadam se da imajući u vidu da i tu je novi ministar da će moći biti ispravljene itd. Evo da ne bude da sve kritikujemo dajemo vam šansu da nešto bolje uradite. I što bi kazao kolega Dević maloprije i meni neslužbeno, a i vama, službeno ovdje, samo malo drugačije se izrazio; kada vidi ko je sve ostao od ministara iz starog mandata i na koji način, evo uz dužno poštovanje kolegi Omeru, ne mislimo na njega, jel tako, i na ministricu Hotu, nego na ove iz SDP-a uglavnom teško će biti ministru ovom premijeru Uku, tako da mislim da mu je sam njegov saziv Vlade dovoljan problem da mu mi ne trebamo praviti dodatne probleme. Samo ga molim da više nikada na ovaj način ne podcjenjujem inteligenciju ni javnosti, ni građana, ni zastupnike i da u ime mlade generacije kada je već dobio šansu bude premijer da nas na neki način ne bruka jer sve ono što on loše uradi, a vrlo je loše krenuo s ekspozeom, će cijela naša generacija u političkom smislu ispaštati narednih 10 godina, jer reći će ne možete vi, jer vidite kako mladi ljudi loše rade kao što to radi Nihad Uk. Hvala vam.

#### **Elvedin Okerić (Predsjedavajući)**

Zahvaljujem se zastupniku Zahiragiću. Imam repliku na njegovo izlaganje. Uzet ću samo 2 stvari neću sve komentarisati. Prva kada je u pitanju izbor premijera da to apsolutno nema nikakve veze sa brojem glasova. A da sam u pravu da to ni SDA također nije gledala, nije gledala ni 2020. godine kada je zajedno u koaliciji DF-a, SBB imenovala premijera Kantona Sarajevo uvaženog gospodina Maria Nenadića, kojeg izuzetno cijenim i poštujem, koji tada nije imao ovaj nešto manje od 1000 glasova ali ste ipak prihvatili. Ovo samo govorim o vašoj ovakvo nekonzistentnosti kada je u pitanju vaša izlaganja. Mi ljude ne vagamo i ne mjerimo po broju glasova, već po njihovom integritetu, njihovom uvažavanju u društvu, povjerenju koje imaju, sposobnosti koje mogu da ponude kada je u pitanju obnašanje odgovornih funkcija u društvu. Evo to je primjer da i argument koji ste naveli da vam ne ide u prilog i da niste u pravu da je SDA čak sa manjim brojem glasova imenovala premijera 2020. godine, vjerovatno vam tad nije smetalo zašto je prvi čovjek Kantona Sarajevo imao taj broj glasova, iako ponavljam, izuzetno personalno i ubijeđen sam da veliki broj kolega u ovoj sali poštuju uvaženog gospodina Marija Nenadića i da to nama nikad nije predstavljao nikakav problem. To je jedna stvar. Kazali ste jednu rečenicu skupina bez vizije. Ova skupina bez vizije je dobila najveću podršku građana u Kantonu Sarajevo. Ova skupina bez vizije je uradila niz strateških stvari za samo godinu i osam, devet mjeseci, kao što su porodijske naknade majkama porodiljama bez obzira da li su zaposlene ili ne, besplatni udžbenici, zatim rekonstrukcija pruge, dalje kada je u pitanju obrazovni sektor niz stvari su urađene koje su građani prepoznali, porodicama šehida i poginulih boraca su riješeni njihovo stambeno zbrinjavanje koje su čekali petnaestak godina i niz drugih stvari koje ova skupina za nepune 2 godine ponudila građanima i građani su prepoznali to i podržali ovu skupinu o kojoj vi govorite, a to su: Narod i Pravda, SDP, Naša stranka i evo su također naši koalicioni partneri Stranka za BiH, zajedno smo našli ovaj zajedničku kako bi kazao oko zajedničke riječi oko zajedničkih principa i mjera smo se našli i odlučili da u naredne 4 godine nastavimo popravljati stanje u našem društvu. Imao sam potrebu da vam repliciram na ono što ste kazali. Odgovor na repliku Haris Zahiragić.

### **Haris Zahiragić (poslanik/zastupnik)**

Kako da vam kažem, ja kada sam pitao zašto vi niste premijer, nisam ja to mislio radi vaših glasova, nego radi da vaše kompetencije. Da sam htio da uzimam ljude s glasovima na primjer gospodin Čampara ima više glasova od vas. Nema nominalno, ali nije bio nosilac liste, skoro vas stigao. Nego sam ja tu govorio o kompetencijama i odgovornosti. Vi ste tu kako da kažem, držite se zastave onih gore, one 3 zastave, kabinet, Poslovnik, nije vam težak posao, a mladog čovjeka gurate u težak posao. Samo sam to htio da kažem, da navedem kao primjer. Kada govorite o primjerima koje smo imenovali vi ste nakon prošlih izbora uprkos činjenici da je SDA u značajnoj mjeri pobijedila i da je naš nosilac liste, tada Semir Efendić osvojio skoro 30 000 glasova i on je bio naš kandidat za premijera Kantona Sarajevo, i vi ste tada isto kao sada imenovali gospodina Fortu tadašnja vlada koju vi spominjete koja je prekinula kratko vaš mandat, nije to bio premijer ispred SDA, nego se ispred SBB koji je uslovljavao svoju podršku tim imenom. Nažalost ja znam da ste se vi tada udružili da gospodin Efendić ne bude, sada vrlo mi je drago gledati, pogotovo vas kolega Okeriću kako lijepo govoriti o Stranci za BiH i tako dalje. Naučili ste politiku. I samo tako nastavite, ne znam dokle ćete izdržati. U kampanji ste mahali papirima, više ne mašete, itd. To mi je drago vidjeti nekako ste u prirodnom ambijentu, više vam stoji kada se tako, bez papira, kad ste tihi, kada hvalite. Nadam se da će jednom vrijeme doći da ćete tako prema svima nama biti bez obzira što ne treba ruka u Skupštini Kantona Sarajevo. Dakle drago mi je da smo došli na isto da je Stranka za BiH sada poželjan partner da je vama prihvatljivo sve to. Zbog toga sam vrlo sretan gospodine Okeriću. Kada govorite o niz projekata, više puta ste rekli niz, nego što ste nabrojali projekata. Spominjali ste porodilje i udžbenike. Dakle to se u roku od dana ovdje riješilo, mi donijeli Zakon, ja glasao za to. Kakve vizija treba za to? Treba uzeti novac i dati. I to jeste lijepo. Pruga vam baš ne ide od ruke ali nemojte da opet na relaciji mene i Štete svaki put. Ima neko, evo nek gospodin Kalem kaže kako vam ide pruga koji je to svojevremeno i ugovarao i na njegovo ste i došli u konačnici da bi ste to uradili. Ali ovo što ste spominjali taj niz, puno ste uradili, udžbenike i ponovo ste ponavljali udžbenike, dakle to je sve MMF i EBRD kolege Okeriću. Takve kao vi, ne vas lično, nego ovu vlast, u literaturi na zapadu zovu šakali MMF-a. Vi ste ljudi kojima, koji vrijedite njima jer šta god da oni vam donesu, ideju koju god im naumpadne kredit, koliki god uslovi tu bili i vi ste to uzimali. Danas je Kanton Sarajevo radi vas najzaduženiji Kanton u posljednje 4 godine ubjedljivo u Federaciji, a svi ti kapitalni projekti niti jedan od njih nažalost nije realiziran. Tako da nemojte da se vraćamo, ja želim da gledam u budućnosti i želim da vjerujem da će ministar Dedović i tu biti odgovorniji i da neće vas, da vam neće dozvoliti da na jedan hazarderski kockarski način zadužujete naše unuke, jer dugoročno to bi mogao biti ozbiljan problem za Kanton Sarajevo. Hvala.

### **Elvedin Okerić (Predsjedavajući)**

Odgovor na repliku. Kolega Zahiragiću povjerenje se dobiva i gubi. Skupina na koju ste mislili je dobila povjerenje građana Kantona Sarajevo. I to pokazuju rezultati na izborima. I to pokazuje ova današnja Skupština Kantona Sarajevo i koalicioni partneri koji su se zajedno skupili i opredijelili da u skladu sa potpisanim sporazumom sa principima i mjerama u naredne 4 godine nastave dalje popravljati stanje u našem društvu. To što kažete da su to određeni krediti pa i SDA je obnašala prethodnih 25 godina vlast na različite načine vlast u Kantonu Sarajevo, čak i na višim nivoima, pa zašto niste pokrenuli projekte kao što pruga, zašto nikad niste majkama porodiljama dodijelili sredstva koja je ova Vlada uradila, zbog čega niste nikad imali empatiju prema mladim ljudima kada je u pitanju njihovo stambeno zbrinjavanje, kada je u pitanju upis djece vrtić, kada su u pitanju porodice sa troje i više djece, zašto nikad niste uradili najtransparentniji konkurs prijema policijskih službenika gdje imate u isto vrijeme na federalnom nivou opterećene konkurse prijema policijskih službenika, također tako imate opterećene ovaj raznoraznim tužbama i istragama kada je u pitanju Granična služba pa smo u

tom dijelu pokazali najbolji primjer, pa su pokazali primjer kad je u pitanju boračka populacija porodice šehida i poginulih boraca gdje smo za nepune 2 godine uspjeli zbrinuti sve te porodice sa negdje oko 250 stanova na koje su čekali 15 godina. E to je ta skupina uspjela da uradi zajedno odlučno, hrabro, odvažno bez da nas možete obeshrabriti i demotivirati iako ste to pokušavali kroz rad Skupštine, opstruiranje parlamenta, međutim uspjeli smo iz nekoliko razloga. Jedan od njih je suštinsko opredjeljenje koje smo potpisali na papiru, a ne populizam i ne deklarativno opredjeljenje, e to su razlozi i mogao bih čitav dan ovdje pričati što je sve uradila prethodna Vlada Kantona Sarajevo. I Još nešto to su prepoznali birači Kantona Sarajevo i ukazali povjerenje ovoj skupini o kojoj vi govorite i mi ako Bog da nastavljamo dalje hrabro i odvažno obavljati odgovorne funkcije i rješavati probleme građana.

Replika Haris Zahiragić.

### **Haris Zahiragić (poslanik/zastupnik)**

Evo predsjedavajući sav sam se naježio. Vrlo emotivan, emotivno izlaganje. Kada govori o količini podrške podsjetio bih vas da ja evo osim kolegice Sebije Izetbegović i kolegice Memić čini mi se od vas muškaraca imam najviše glasova u Kantonu Sarajevo. Jel vam to teško palo? Optuživali ste me da radim cirkus, da ovo, da ono. Iako nisam bio nosilac liste, a vi jeste, je opet ima više od vas par hiljada glasova. Ja znam da vam je to teško podnijeti ali vi ste krenuli govoriti o povjerenju građana. SDA je također pobijedila. Dakle ova lista koju je nosio kolega Dević je pobijedila vašu listu gospodine Okeriću. Ja znam da vam je to teško pogledati, ukucajte Izbori.ba i niste vi pobijedili uprkos tenderisanju, nepravdi, hrabrosti, svemu tome što vi govorite da ste radili, samo uglavnom suprotno i niste pobijedili na izborima. A to što vi rezultat 4 stranke pripisujete sebi, to je potpuno druga tema i mogli bi smo govoriti o temeljima demokratije itd. Dakle građani su ponovo dali podršku nama u Kantonu Sarajevo u najznačajnijem jel omjeru. Drago mi je što ste mi ponovo asistrali, govorite o lošim politikama itd. Vi ste gospodine Okeriću u ovoj Skupštini treći mandat, ja sam tek 2 godine. Vi ste taj koji ste pravili problem u Kantonu Sarajevo zajedno sa vašim sadašnjim predsjednikom, tadašnjim premijerom gospodinom Konakovićem. Šta vi mislite, vi promijenili stranku i sada ćete mene optužiti i ove ljude ovdje koji nikada veze nisu imali sa procesima u Kantonu Sarajevo? Pa ne može to tako gospodine Okeriću. Za 20 godina posljednjih koje često spominjete, ponovit ću vam, SDA je imala premijera 12 godina, a od tih 12 godina 8 su imali vaši današnji predsjednik gospodin Konaković i drugi zamjenik gospodin Zvizdić. Dakle vi ste imali 8 godina premijera Narod i Pravda. SDA kad se to oduzme 2 do 3 godine gospodina Zeljkovića, Zolja i Kozadra u v.d. mandatu. Ostalo su popunjavali ljudi kao Samir Silajdžić, Fikret Musić itd. Šta ćemo sad gospodine Okeriću? Zašto niste pravili, davali majkama, zašto ste lagali porodice šehida i poginulih boraca, zašto niste bili pravedni, zašto se niste bavili pronatalitetnim politikama osim kada je gospodin Bandić bio dobar ministar tada u jednoj od naših Vlada. Zašto se niste time bavili gospodine Okeriću? Što ste radili 10 godina vi u Skupštini Kantona Sarajevo. Jesu li vam halal pore koje se zarađivali? Jesu li vam generalno halal pare? Šta ste radili? Učili ste Poslovnik 10 godina. Nemojte molim vas meni koji sam ovdje 2 godine da imputirate nešto što vi niste ili jeste radili. Ja na primjer za razliku od vas, mislim da ste vi nešto i dobro radili u tom svemu, a najbolje od svega je što ste odlučili da vi ipak ,nakon ove diskusije ostanete ovdje u skupštinskim klupama, dobro da niste preuzeli Vladu Kantona Sarajevo. Hvala vam.

### **Elvedin Okerić (Predsjedavajući)**

Zastupnik Muamer Bandić. Poslovnička intervencija Samir Avdić.

### **Samir Avdić (poslanik/zastupnik)**

Nisam htio prekidati kolegu ali evo ja ću vas zamoliti da vodite ovu sjednicu u skladu sa Poslovnikom, zamolit ću i starije kolegu Devića da im pomogne ukoliko griješim ali Poslovnik predviđa da svaki od zastupnika ili zastupnica kada uzme riječ mora da se drži teme dnevnog reda. Tema dnevnog reda nije što je Okerić uradio za 10 godina ili što je kolega Zahiragić uradio za 2 godine, ko je bio premijer ili ko nije bio premijer. Tema, ova tačka dnevnog reda se ne zove izvještaj o radu prethodne Vlade itd. Molim vas da se držimo da se držimo tačke dnevnog reda, trebamo diskutovati o ekspozeu mandataru ove Vlade i molim vas, možemo ovdje praviti predstavu, ali evo ja preporučujem da odemo u neku, ovaj ima ovih casting agencija ovaj pa ko hoće predstave da pravi i da glumi bujrum, samo pazite da vas iz Hollywooda ne otmu, ali molim vas radi digniteta ove Skupštine i nas, molim da nas ne maltretirate. Vodite ovu sjednicu u skladu sa Poslovnikom i svi trebaju da se drže tačke dnevnog reda. Poslanička intervencija znači da svaki zastupnik kada uzme riječ treba da se drži tačke dnevnog reda. Ukoliko je, ukoliko je tačka, imamo sekretara pomoće. Zato sam vas zamolio ukoliko želite, pomozite. Vi ste pisali Poslovnik. Jel se treba držati dnevnog reda ili ćemo pričati šta je Okerić uradio za 10 godina. A nije tema izvještaj, tema je valda ekspoze.

### **Elvedin Okerić (Predsjedavajući)**

Razumjeli smo kolega, hvala. Poslanička zastupnik Zahiragić.

### **Haris Zahiragić (poslanik/zastupnik)**

U nekom najširem smislu tumačenja Poslovnika kolege zastupnici su dužni poštovati jedni druge, s tim u vezi molio bih da kolega Avdić poštuje kolege Okerića i da ga ne naziva glumcem i ne šalje ga na castinge, iako je možda malo odlutao od teme, ipak se u nekom širokom smislu ovo ticalo i imenovanja Vlade i konteksta, tako da molim vas kolega Avdić poštuje kolegu Okerića.

### **Elvedin Okerić (Predsjedavajući)**

Zahvaljujemo se. Zastupnik Muamer Bandić se javio za riječ, izvolite.

### **Muamer Bandić (poslanik/zastupnik)**

Hvala predsjedavajući. Evo moj kolega Dević najavljuje repliku. Uzeću ga u obzir. Dakle malo je otužno slušati sve ove diskusije i replike i sve ove konstatacije. Generalno ova Skupština je najviši zakonodavni organ u Kantonu, samo je nebo iznad nas. A nisam čuo ni jednu ozbiljnu političku kritiku izuzev možda kolegice iz Stranke demokratske akcije koja je kritikovala određene procese, a koji mogu biti vezani za politički stav ove koalicione većine koji dolazi iz oblasti zdravstva. Zato bih zamolio zaista sve zastupnike da uzimajući u obzir činjenicu da je ovo najviši zakonodavni organ u Kantonu na personalnom osnovu ne vodimo ove naše diskusije. Kolega Zahiragić je rekao da niko nije branio gospodina Uka kao mandataru i budućeg premijera, nismo ni znali u kojem pravcu će ustvari ići te kritike pa evo ostavili smo možda naše javljanje nakon njegovih diskusija. Mislim da nije dobro da se pozivamo na legalitet, odnosno legitimitet i izbornu volju prilikom formiranja izvršne vlasti. Kolega Zahiragić to jako dobro zna da to nije nikakvo pravilo, posebno nije zakonsko, niti ustavno, niti bilo koje drugo pravilo, bilo kojim propisom normirano, da neko ko ima broj glasova mora da bude mandatar ili bilo koji drugi nosilac izvršne vlasti. Nažalost možda bi to bila dobra praksa da se radi, ali ovdje se to ne radi. Za nas imanentno, ne samo za ovu skupštinsku većinu i prije su skupštinske većine uvijek prozivala na personalnom osnovu. Kolega Marjanović će se sjetiti prije desetak godina dok smo mi bili u Vladi Kantona Sarajevo slična diskusija se vodila na tom nivou. Mislim da građani neće imati neku korist posebno od naših diskusija, posebno ako se vrijeđamo ovdje ili ako prozivamo, ako prozivamo jedni druge. Zaista ću



poštovati svaku onu političku kritiku i već sam naveo koja je to bila i koju smatram ozbiljnom i na toj kritici treba da poradi ova skupštinska većina i budući ministar i direktor, jer je zaista bilo usmjereno na pravo građana. Sve ove druge diskusije su bile usmjerene u nekom pravcu od kojeg građani neće vidjeti ništa efikasno i funkcionalno. Nadam se da će ova buduća Vlada držati se vladavine prava i vladavine zakona. Postoje tamo ministri koji imaju neke reference ozbiljne. I na temelju kojih ja mogu izvući zaključak i činjenični i pravni. Da će oni ovu Vladu voditi na jedan efikasan način, naravno ukoliko to u jednom momentu uvidimo da ne ide u tom pravcu, ja prvi, a i Stranka za Bosnu i Hercegovinu neće davati podršku nikome ko ne radi u skladu sa zakonom. Razlog zbog čega i gospodin Zahiragić naveo isplatu sudskih presuda, to je bila jedna od intencija Kluba stranke za Bosnu i Hercegovinu. Mi smatramo da je to vladavina prava, sudske presude se ne mogu komentarisati, posebno one koje su izvršne. Ona se moraju dakle realizirati. Ja sam i u pregovorima insistirao da se taj oblik isplate potraživanja realizira u što kraćem roku. Zaista moram da kažem da je prethodna Vlada jedna od rijetkih Vlada koja je u većoj mjeri realizirala te presude. Ta potraživanja potiču već više od 10 godina. I kamate su da kažemo jako velike. Ne postoji vladavina prava ni u jednoj državi u kojoj se sudske presude ne izvršavaju. Tim presudama je utvrđeno povreda nekog prava i kao satisfakciju sud presudi određen iznos novca. Nažalost kad sud okonča svoj postupak to se ponovo vraća nekom organu uprave, u ovom slučaju Ministarstvu finansija kako bi realizirali i izvršili ta potraživanja. To nije dobro za vladavinu prava i u tom pravcu sve diskusije ću podržati, bez personalnih vrijeđanja i uvreda. Što se tiče dijela koji je gospodin Zahiragić iznio za gospodina Uka, mislim da je to pitanje više u smislu biračkih odbora, to pitanju više možda usmjereno za CIK jer mi svi znamo na koji način se biraju birački odbori, tako da uticaj njegov posebno nekog svog srodnika ne bi trebalo da mu stavljamo kao prigovor. Okolnost da se radi o mladom čovjeku trebamo mu dati priliku da vidimo ustvari kakve su njegove kompetencije. Ne mislim ja da će on upravljati nekim finansijama. Premijer ne upravlja financijama on treba da upravlja procesima, a mi treba da kritikujemo njegove procese ukoliko nisu u skladu sa zakonom. Jednu stvar koju je iznio kolega Dević, a koja je vezana za "povorku ponosa", kako je on nazvao, a na koju se referirao premijer budući, ja želim da ispred Kluba stranke za Bosnu i Hercegovinu skrenem pažnju na tu aktivnost. Dakle ljudska prava i osnovne slobode predstavljaju primarno obilježje i temeljni sadržaj svakog pravnog sistema i svake države. S obzirom da je osnovna funkcija prava ostvarivanje i zaštita društvenih vrijednosti koje omogućavaju zajednički život ljudi u slobodi i dostojanstva ličnosti onda čovjekova prava i slobode naprosto moraju predstavljati i osnovu i okvir svakog tog sistema. Garancija tih prava i sloboda i njihovo poštivanje i zaštita predstavljaju ključnu društvenu funkciju države iz čega ona ustvari crpi svoj legitimitet. Prava i slobode predviđene u Europskoj konvenciji za zaštitu ljudskih prava i osnovnih sloboda i u njenim protokolima se direktno primjenjuju u Bosni i Hercegovini. Ovi akti imaju prioritet na svim drugim zakonima. U Deklaraciji o pravima čovjeka i građana iz 1789. godine proklamovan je sljedeći princip: sloboda se sastoji mogućnosti da se čini sve što ne štiti drugome. Zbog toga korištenje prirodnih prava svakog čovjeka ima kao granicu ono što ostalim članovima društva osigurava i uvažavanje tih istih prava. Dakle Stranka za Bosnu i Hercegovinu neće osporiti ni jedno pravo koje je uređeno navedenim dokumentima, ali isto tako neće podržati da bilo koje pravo ugrožava pravo nekog drugog. Neće biti za to da se određeni dio grada blokira i da se obustavi kretanje u tom dijelu grada. Dakle ovo je naš stav potpuno jasan i mi od tog stava nećemo odstupiti, ali nećemo ni ugroziti ničije pravo, posebno ona ljudska prava koja su propisana konvencijama. Da li je bilo dobrog rada u prethodnom mandatu ove Vlade ja zaista ne bi komentarisao jer moj mandat nije bio vezan za tu Vladu, tako da ovo pravo koje gospodin Zahiragić i naš kolega Mahir Dević konzumiraju moramo im ostaviti na slobodnu dispoziciju jer oni su neko koji su u prethodnom mandatu pratili rad Vlade. Ja poznajem određene ministre u ovoj Vladi i smatram da imaju dovoljno senzibiliteta da izvrše sve one programske aktivnosti koje smo mi u Sporazumu

potpisali. Volio bi da više obrati pažnju i senzibiliteta na osobe sa invaliditetom, da prilikom izrade zakona ni jedan zakon ne predlože bez konsultacije osoba sa invaliditetom. Smatram da je to jedan od osnovnih političkih i pravnih pravaca djelovanja buduće Vlade. Također smatram da ova Vlada treba da se zasniva na principima pravičnosti i pravde. Neki od postupaka iz prethodne Vlade mi daju za pravo da pojedini ministri nisu postupali na taj način, ali okolnost da ti ministri nisu prisutni ovde, a ja nikad neću prozivati personalno bilo koga, kritikovat ću neki procesa ili neku pojavu za koju smatram da nije zakonita i davat ću prijedloge na koji način da se to ispravi, ali sasvim sigurno znam da određeni procesi nisu bili zasnovani na principima pravde i pravičnosti, ali to će imati neke posljedice za neki od tih ministara u nekim drugim postupcima. Za neke od kolega smo čuli neke inkriminacije koje upućuju na postojanje nekih možda čak i krivičnih djela. Mislim da ne bi bilo dobro da nekoga prozivamo a da prethodno u mjerodavnom sudskom postupku nije izrečena neka presuda, ali nažalost za ovu Skupštinu immanentno da ona raspravlja o nekim stvarima trivijalnim o kojima ne bi nikad trebala da raspravlja. Ova Skupština i drugi su organi raspravili bezbroj puta o nečijim diplomama, na taj način potkopavam kredibilitet našim institucijama koje su nadležne za utvrđivanje da li određena diploma validna ili nije. Takve pojave nadam se da u ovoj Skupštini se neće desiti i ukoliko se budu dešavale ja ih neću podržati. Smatram da postoje nadležne institucije koje trebaju to da utvrde i da mi ne trebamo u javnost da izlazimo sa nekim predbjedenjima, da li diploma postoji ili ne postoji i da vodimo kao zakonodavni organ neke pojedinačne postupke. To stvarno mislim da je krajnje nekorektno. Zato Stranka za Bosnu i Hercegovinu odnosno Klub Stranke za Bosnu i Hercegovinu na bazi političkog dogovora na temelju kojeg je i napravljen sporazum o budućem koaliranju će podržati ovu Vladu i mandataru gospodina Uka, s tim da želim da naglasim da Poslovnik ne dijeli ovo Skupštinu na poziciju i opoziciju. I da budući premijer i ministri u Vladi trebaju da se obraćaju i onim zastupnicima koji dolaze da kažemo iz tog dijela opozicije sa dužnim poštovanjem i da uvažavaju sve one prijedloge, posebno ukoliko su ti prijedlozi bolji od onih prijedloga koje mi stavljamo u fokus. Samo na taj način građani Kantona Sarajevo mogu osjetiti da će ova Vlada biti efikasnija i funkcionalnija od drugih Vlada. Mislim da bilo koji oblik pravnog tumačenja ne trebamo da zaobiđemo a da ne konsultujemo naše kolege iz Kluba stranke demokratske akciji i iz DF-a. Samo na taj način možemo doći do najboljih zakonskih rješenja. Zato ću podržati gospodina Uka. On je rekao da je pružio ruku svim onim zastupnicima koji smatraju da mogu doprinijeti boljem radu ove Vlade i zaista ću u tom dijelu pratiti to njegovo obećanje. Moja preporuka jeste i drugim ministrima, evo kolega Marjanović zna iz nekog našeg vremena kod nas opozicija je više dolazila na konsultacije, evo da kažemo, nego pozicija. Uvijek su te konsultacije bile konstruktivne i davale su dobre rezultate. Nadam se da će tako biti u ovoj Vladi, da naše kolege iz opozicije nećemo posmatrati kao neki neprijatelje i da se nećemo dijeliti na tom nivou. I na toj političkoj ravni ne trebamo naše političko djelovanje, a i djelovanje ove Vlade zasnivati na tome da je neko radio lošije od nas. Trebamo da postavimo jasne ciljeve i da kažemo šta mi to ustvari želimo da uradimo. Da postavimo indikatore mjerljive, odnosno koji će naši rezultati biti vidljivi. Naš dakle mandatar osvrnuo se također na rad na borbi protiv korupcije. Mene zaista zanima oko 50 000 000 samo sudskih potraživanja. Imamo na osnovu neizvršenih sudskih presuda, da li je Ured za borbu protiv korupcije utvrdio ustvari ko je odgovoran za toliki novac. Ko je odgovoran za tolika potraživanja? Mislim da bi to bio pravi odgovor ukoliko bi oni mogli da pokažu u kojem pravcu oni vode te svoje procese na osnovu koje bi mi zaključili ustvari ko je odgovoran za to. Također bih volio da vidim da li Ured za borbu protiv korupcije utvrdio da li postoji sukob interesa otkako je donešen novi zakon i da li postoje osobe koje se nalaze na više pozicija i koje su to bile sankcije za te osobe. U nekim razgovorima sam čuo da su te sankcije bile samo novčane. Ne znam da li je to dobro, ne znam da li zakon dobro donositi prema pojedincima kako bi samo nekoga možda onemogućio da bude direktor ili da ne bude. Svaki zakon kad se donosi treba da se donese u

nekom pozitivnom duhu, očekujem tako i od ovog zakona da vidim ustvari šta je taj zakon pozitivno donio. Prema nekim mojim informacijama postoje određeni direktori

### **Elvedin Okerić (Predsjedavajući)**

Vrijeme kolega Bandiću.

### **Muamer Bandić (poslanik/zastupnik)**

Evo završit ću. Prema nekim mojim informacijama postoje direktori koji imaju sukob interesa. Ja bih zaista volio da nam Ured za borbu protiv korupcije izađe koji su to direktori i da nam kaže koje će posljedice odnosno sankcije biti izrečene takvim osobama. Hvala i oprostite na oduzetom vremenu.

### **Elvedin Okerić (Predsjedavajući)**

Zahvaljujemo se zastupniku Bandiću. Zastupnik Albin Zuhrić se javio za riječi.

### **Albin Zuhrić (poslanik/zastupnik)**

Hvala vam predsjedavajući. Ja ću se prvo kratko osvrnuti na kolegu Bandića. Mi upravo i sjedimo kolega u ovoj skupštinskoj sali, imamo današnju raspravu kako bismo pričali ne samo o programu i konkretnim mjerama, nego i o integritetu ljudi koje imenujemo na javne funkcije. Dakle propitivanje karaktera svih ljudi koji sjede ovdje s naše lijeve strane je potpuno legitimna. Također mi ovdje, a koristit ću ovu vašu analogiju ne možemo poslati pravniku u operacionu u salu i dati mu skalpel i reći znate mladi je momak, nemojte da ga kritikujemo prije nego što zareže pa da vidimo zna li on to raditi.

Dakle ima razlog zašto se biografije dostavljaju ranije, zašto ljudi sa kompetencijama budu imenovani neke pozicije. Ja ću kratko gospodinu Uku iako mi je žao što većina rasprava ide nekako u njegovom smjeru, ovo se tiče u suštini cijele Vlade i trojke ovdje kao konceptaali se neću dugo zadržavati na njemu kao pojedincu. Ja moralni kredibilitet gospodina Uka ne mogu propitivati, niti imam razloga za to danas, međutim čitajući njegovu biografiju i poznavajući je ja ne vidim kako on ima kompetencije da obavlja ovu poziciju. Sasvim je neka druga stvar što se u proteklim godinama potpuno unormalio jedan pristup da na najviše pozicije u državi mogu dolaziti ljudi koji ne biste imenovali ni na poziciji srednjeg menadžmenta u nekim kompanijama. Kanton Sarajevo, ako ga hoćete posmatrati kao preduzeće, je najveće preduzeće koje imamo. Ja ne znam da bi iko pomislio da imenuje za člana uprave banke ili generalnog direktora Binga ili Preventa gospodina Uka s njegovim kompetencijama. Ali će biti potpuno normalno da on obnaša funkciju gdje upravlja svim profesorima, nastavnicima, doktorima, policajcima i budžetom od milijardu u ovom kantonu. Dakle on nema biografiju za to, to je jedna činjenica, ali oni će ga ovaj svejedno zato što imaju većinu imenovati, da vam kažem mi ćemo se odnositi prema njegovom radu kako se i on bude odnosio prema njemu. Što se tiče samog programa, teško je sistematizirati sve manjkavosti i probleme u radu protekle Vlade, pa onda i u programu ove današnje. One polaze od nekih najsitnijih stvari pa do nekako najkrupnijih, poput vizije koju smo čuli, odnosno nismo danas od mandataru. Ja ću krenuti od najsitnijih. Možda nije za građane bitno, ali je dobar pokazatelj kako se odnose prema tom poslu. Premijer Forto je imao jedan ekspozije koji je ponudio građanima, dakle napisao nam svoje mjere prije nego što će biti imenovan za premijer i kao prvu kratkoročnu mjeru, dakle na prvom mjestu on stavio da će se napraviti novi moderni Poslovnik ove Skupštine. To nije nikakav kompleksan posao, niti da vam kažem je to nešto posebno neophodno, iako ja pozdravljam inicijativu kolege Čengića na jednoj od proteklih se sjednica da to uradimo. Hoću da vam kažem da je to dakle pristup u kojem nema nikakve odgovornosti, ni za ono što govorite, ni za ono što radite, dakle nije bio sposoban da stavi na ovu sjednicu da imamo novi Poslovnik. Bilo je dodatno sličnosti između ekspoziea prethodnog premijera i današnjeg. Čuli

smo danas da će se praviti holding, ja u tom holdingu slušam već deceniju, čak i od gospodina Forte, on je to govorio kao zastupnik, pa onda kao premijer u 2 mandata. Evo ja se nadam da će biti holding ovaj put. Slušao sam i o poslovnim zonama, evo izgleda da ćemo u ovom mandatu ipak imati tu najveću u državi. Slušali smo i o tehnološkom parku na Šipu, osim ako ga nisu u tajnosti pod zemljom počeli graditi ja a ne vidim da građani vide i jedan djelić tog tamo tehnološkog parka danas. Ali možda je najzanimljiviji dio koji se tiče čistoće, odnosno izgleda ovog grada. Pošto je koncept ove prethodne Vlade, ja nešto imam osjećaj da će biti i ove današnje koja će biti imenovana da stvara jedan privid, da nam priča o magiji, o ljubavi, o snovima da predstavlja jednu sliku koja ima na sebi onaj Instagram filter.

Vrlo ironično kako su oko najvidljivije stvari podbacili u Kantonu Sarajevo, a to je stvar kako ovaj grad izgleda danas, koliko je prljav, koliko u njemu bude blata ili snijega ili lišća ili smeća, po ulicama i slično, zato što je jedno govoriti o stvarima i izlagati fino zvučati, a sasvim nešto drugo biti sposoban da nabaviš gorivo za kamione koji odvoze smeće. Sad ću da pređem možda najkrupniji problem koji će nas pratiti u cijelom narednom mandatu. To je zaduživanje koje je trojka uvela kao jedan princip rada u Kantonu Sarajevo. 2018 kad ste došli na pozicije ste počeli sa zaduživanjem. Nastavili ste onda kada je došao u drugom mandatu premijer Forto pa ste 2021. završili sa nekih 370 000 000 duga, pa ste prošle godine 140 i nešto miliona, pa ste planirali oko 110 miliona ove godine. Da vam kažem u ovom trenutku projekcije su takve, gledajući vaš dosadašnji rad i kako se odnosite prema Budžetu, da ćete za, imali ste 3 godine, pa evo ako izdržite 4 ovog mandata, do kraja za tih 7 godina prosječnim nekim zaduživanjem kako vi to radite do sada se zadužiti milijardu maraka u Kantonu Sarajevo. To je vaš prosjek, koliko se godišnje zadužujete. To je rezultat činjenice i pri tome samo da napomenem da se vrlo rijetko radi o kapitalnim investicijama.

Projektima da, ne investicijama. Dakle to nije novac koji će se vraćati uglavnom Budžet koji će zarađivati Kantonu pare i otplaćivati te kredite. To je zato što je odnos i prethodne vlasti, to se najbolje vidi po premijeru Forti bio da nije važno šta će biti poslije njega. To je razlog zašto se ni jedan premijer u historiji Kantona Sarajevo nije borio tako grčevito da pobjegne sa ove pozicije. To je čovjek koji će išao mjesecima pregovarati samo da dobije drugu poziciju da ode odavde. Ja se nadam da će gospodin Uk da se odnosi nešto drugačije prema svom poslu, ali kao što možete vjerovatno i vidjeti iz moje diskusije, ja neću dužiti dalje, mi danas kao Klub Demokratske fronte nećemo podržati imenovanje ove Vlade. Za sve razumno što budete predlagali u narednom periodu ćemo ovaj se i mi tako odnositi, razumno i podržavati to, a sigurno nećemo iako smo bili malo tiši u ovom prvom periodu, željevši da vam damo malo ovaj vremena nakon izbora, a evo sad ćete formirati vlast pa ćete se uhodati brzo, sigurno nećemo biti tihi oko stvari koje ste radili ako ih budete radili opet u proteklom mandatu. Hvala vam.

### **Elvedin Okerić (Predsjedavajući)**

Zahvaljujem se zastupniku Zuhriću. Zastupnik Irfan Čengić se javio za riječ.

### **Irfan Čengić (poslanik/zastupnik)**

Hvala predsjedavajući. Oprostite zastupniče Čengić, replika zastupnik Bandić.

### **Muamer Bandić (poslanik/zastupnik)**

Evo samo kolegi Zuhriću, dakle ja razumijem potpuno da budući premijer je podložan provjeri svih njegovih kompetencija, međutim sve ovo što stavlja se njemu na prigovor to može biti prigovor ovoj koaliciji političkoj koja u stvari je njega predložila. Tako, u tom smislu sam smatrao samo da više kritikujemo politike. Ako naša politika i naš stav i opredjeljenje da predložimo mladog čovjeka, da mu damo priliku da upravlja procesima u Kantonu, a ne kako to mi kažemo često upravlja novcima, onda to treba da bude stavljeno na prigovor ovoj koaliciji

više nego personalno gospodinu Uku. Iz tog razloga sam ja i skrenuo pažnju da u ovom zakonodavnom organu treba da raspravljamo o politikama. Rekao sam šta po mom mišljenju smatram ozbiljnom kritikom. Ja bih na toj ozbiljnoj kritici poradio i radit ću sigurno. A sve ove ostale kritike koje su bile na personalnom nivou o njegovom CV-u, oni koji su ga predložili znali su za taj CV-i. I znali su sve ono što je on naveo kao svoju kompetenciju. I ipak se ta politička koalicija udružila i odlučila da mu da podršku. Na kraju mandata ukoliko se budemo bavili ozbiljnim novim politikama i ukoliko budemo ozbiljno posmatrali njegov rad, onda ćemo moći dati odgovor da li su ovi politički subjekti pogriješili prilikom predlaganja gospodina Uka. Ja lično se nadam da nismo. Radi se o mladom čovjeku, obrazovan je, ima dovoljno senzibiliteta da sa svima razgovara, nije isključiv, nije jednosmjernan. Mislim da svi koji budu obavili bilo koji oblik saradnje s njim će promijeniti mišljenje ukoliko sad imaju negativno, promijenit će svoje mišljenje. Ja ga nisam poznao ranije upoznao sam ga u ovom mandatu. Bili smo nekim radnim tijelima i vidio sam da razumije procese, razumiju upravu, mislim da je to jako bitno. Ne trebamo preduvjerenje imati da će on loše raditi, trebamo ga pustiti i da usmjeravamo njegove političke poteze, svi zajedno da mu pomognemo, jer svi zajedno želimo korist građanima. A možemo imati tu korist će građani imati samo ukoliko mi budemo konstruktivni i ukoliko zaista ne budemo oni političari koji će ga spoticati u radu već koji će mu davati podršku i koji će mu ukazivati ukoliko postoje nedostaci, a u svakom radu postoje i oni se moraju prihvatiti kao takvi da bi mogli da otklonimo. Toliko predsjedavajući. Hvala.

#### **Elvedin Okerić (Predsjedavajući)**

Zahvaljujemo se zastupniku Bandiću. Zastupnik Irfan Čengić, izvolite imate riječ.

#### **Irfan Čengić (poslanik/zastupnik)**

Hvala predsjedavajući. Zahvaljujem i budućem premijeru i svima na izlaganjima i svemu što su rekli. Ja bih želio danas govoriti o tri stvari, ne obazirati se šta su kolege govorile, a to su politike koje su predstavljene imena i odnos prema Skupštini opoziciji. Kada govorimo o politikama, dakle ne znam šta očekujete od Ekspozea i ne znam da li znate prijevod riječi ekspoze. Dakle ekspoze nema neku formu, ekspoze u prevodu znači izvještaj o nekoj temi. Danas je kandidat za premijera podnio svoj vlastiti izvještaj o temi kandidature i podnio šta će raditi, ko je on i ko su ljudi koji će to raditi. Dužina ekspozea ne znači njegov kvalitet. Dakle i ekspoze ne postoji forma da bi neko rekao ovo ti jeste ekspoze, a neko ovo nije ekspoze. Kada je u pitanju ovaj ekspoze, odnosno izvještaj o ovome šta će se raditi u narednom periodu, ja se moram zahvaliti na onim stvarima koje jesu u programu, a koje smo govorili u kampanji jer mi danas smo izabrani u Skupštinu Kantona Sarajevo da bi voljom građana mi izabrali izvršnu vlast. I posebno zahvaljujem na oblast sporta gdje planirate novi Zakon o sportu koji je započeo gospodin ministar Avdić, porezima za sportske klubove i sportsku infrastrukturu, što je zapravo Strategija razvoja Kantona Sarajevo 2021- 2027. Pohvalno je da planirate ulaganja u sigurnosni aparat i opremanje naše Uprave policije, kao i projekti koje planirate u kulturi, strategiji koja je zacrtana dakle da se donese nova strategija. Pohvalno je kako ste pregovarali postojeća Vlada i ono što morati realizovati naredna Vlada sa sindikatima oko povećanja plata, naknada i drugih pomoći i to ste radili odgovorno, a ne populistički na Budžet. Pohvalno je da ćemo nastaviti u oblasti saobraćaja ulaganja i da ćemo u ovom mandatu dobiti stotine miliona završenih projekata i nabavki i da će naši građani u ovom mandatu dobiti i Prvu transverzalu i Devetu i tunel Kobilja glava na Prvoj transverzali, svi trolejbusi će biti stavljeni u upotrebu, nove tramvaje, i prugu započeti prema Hrasnici, koje se samo pričalo, a nikada se nije uradilo. Kada je u pitanju imena zaista vjerujem u sve kadrove koje predložila Socijaldemokratska partija i ne mogu se složiti s ocjenama da postojeći ministri nisu kvalitetno radili taj posao jer su i građani pokazali na izborima šta misle kako su ti ljudi radili svoj posao. Vjerujem da će gospodin Vranić i Šteta nastaviti svoje projekte i da će kvalitetno raditi ubuduće, a od Ende

Pečenković-Pavić i Kenana Magde zaista očekujem da će kvalitetno obavljati svoj posao i poznavajući njih oboje, ja zaista vjerujem da će to tako biti, ali imat ćete već za 100 dana priliku da vidite što su oni uradili u svojim resorima. Puno se govorilo danas o kandidatu za premijera. Jedna od najboljih stvari, a rijetke su, koje je SDA uradio u posljednjih desetak godina jeste kada su postali Irfana Halilagića za premijera Tuzlanskog kantona, a Tuzlanski kanton i Sarajevski su možda dva najveća Kantona, čak su možda važnija od drugog entiteta po obimu onoga što radimo. Danas kada bih vam ja dao biografiju Irfana Halilagića i Nihad Uka i da vam izbrišem imena vi ne bi znali koji je koji.

Isti su fakultet završili, godinu razlike imaju jedan od drugog. Ni jedan ni drugi nisu radili realnom sektoru. Irfan je ja mislim radio samo u javnim preduzećima Lukavac ili tako nešto slično, za razliku od Halilagića, Nihad Uk je nekoliko puta bio biran i kakva je bila posljedica izbora Irfana Halilagića? SDA u tom kantonu je narasla za čak 3 mandata, 30 %. Što znači da takvi mladi kojima se daje šansa nešto mogu uraditi za kratko vrijeme. A posljedica ovih politika koji kritikuju mlade jeste gubitak tri mandata u Sarajevskom kantonu. Zaista bih kolege savjetovao da daju više prostora ljudima poput Irfana Halilagića, a upravo Nihad Uk je osoba koja vrlo slična premijeru Tuzlanskog kantona i mislim da je to put, a ne da stavljam osobe u sedmoj deceniji života koji premijersku poziciju uvezuju samo radni staž do penzije. Kada govorimo o realnom sektoru, dakle po indeksu sreće ljudi, najsretnija država i nesretniji ljudi na svijetu su u Finskoj. Premijerka Finske je postala sam 32 ili 33 godine, nikada dana nije imala realnom sektoru, nikada je to nije zanimalo, čak je mislim bila napustila fakultet da se posveti politici, ne znam da li se kasnije vratila i to je premijerka države čiji su ljudi najsretniji na svijetu. Predsjednik SDA je dolazio iz realnog sektora, čitav život je proveo u realnom sektoru i zamalo uništio institucije Amerike i zapaljen je Kongres 6. januara, a to je čovjek koji je došao iz realnog sektora Donald Tramp i vidjeli smo njegove rezultat. Vidio sam i rezultate premijera iz realnog sektora na višim nivoima koji ne razumiju šta su zastupnici, što su delegati, koji ne razumiju upravu i koji misle da se sa upravom mogu odnositi onako kako su se oni odnosili svojim privatnim kompanijama i maltretirali radnike. Dakle ne postoji CV koji je za premijera i niko ne može reći ovo su uslovi za premijera. Znae kada imate konkurse za neke pozicije, pa kažete tri godine iskustva u struci, toliko i toliko, taj i taj, za premijera ne postoji CV. Niko ne može reći da je neki CV jeste za premijera a drugi nije. Govorimo o izbornom legitimitetu. Ne možete porediti glasove ljudi koji su bili na različitim listama. Činjenica gospodin Uk se kandidovao i dobio mandat u Skupštini Kantona Sarajevo. Njega niko nije postavio s ulice, a drugi jesu postavljali premijere, i ovog Kantona i Federacije sa ulice, bez ikakvog legitimiteta, sa 0 glasova bez da građani su ikada mogli reći šta misle o njima. Tako da svako u okviru svoje liste dobiva mandate. To je ono što piše u Ustavu, u Skupštini Kantona i ne mogu se porediti ljudi sa različitim lista i njihovi glasovi. Ono zadnje o čemu bih želio govoriti jeste poruka premijeru i budućoj Vladi da očekujem od njih da poštuju Skupštinu Kantona Sarajevo i da ne zaborave da smo mi ti koji su njih izabrali, a ne da su oni izabrali Skupštinu Kantona Sarajevo i to vam stoji u vašim programskim mjerama u vezi političkog dijaloga. I pozvat ću vas zaista da poštuju opoziciju jer previše sam vremena proveo u opoziciji da bi sada ja maltretirao nekoga ko je u opoziciji, ko donese dobar zakon i da ja budem protiv tog zakona samo zato što mi se ne sviđa iz koje stranke taj predložen zakon. Tu moramo pokazali smo drugačiji. Kolege iz opozicije se moraju poštovati kad dođu sa konkretnim nepopulistčkim prijedlozima koji su temeljeni u Budžetu i nije bitno ko ih je predložio i očekujem zaista će Vlada izlaziti u susret zastupnicima iz opozicije. Još jednom vam želim sreću i da radite u interesu svih građana Kantona Sarajevo.

### **Elvedin Okerić (Predsjedavajući)**

Zahvaljujemo se zastupniku Čengiću. Zastupnik Damir Marjanović. Izvolite ima riječ.

### **Damir Marjanović (poslanik/zastupnik)**

Hvala predsjedavajući. Ponekad dobro biti ovako u redoslijedu nakon mladih ljudi koji jako dobro poznaje politiku, jako dobro imaju i mogućnost da elaboriraju ono što treba da kažu i kako treba da kažu. Gospodin Čengić je jako fino pojasnio što je ekspoze, koliko traje, da li ima formu ili nema formu. Onda je jako dobro što je uvaženi mandatar u svom ekspozeu se pozvao na zvanične dokumente. I taj ekspoze na neki način politički i dokumentima uobličio i na neki način je dao prostora i poziciji i opoziciji da preispituje politike koje će uvaženi mandatar i članovi njegove Vlade u budućnosti da brane. Podsjetit ću da je u jednoj od prvih rečenica gospodin Uk, kolega Uk, jasno rekao da se poziva na program skupštinske većine u Kantonu Sarajevo 2023- 2026 koji je jučer ugledao svjetlo dana. Ne znam da li su ostali zastupnici imali priliku dobiti. Nisam ni ja mogu pronaći na nekom zvaničnom sajtu ali sam pronašao na nezvaničnim Facebook profilima i mislim da to taj dokument. Ako se pozivam na neki pogrešan dokument rado ću sam sebe demantovati u budućnosti. Također se pozvao na Strategiju razvoja Kantona Sarajevo u narednom periodu sa kojom je očigledno dobro upoznat. Kao i većina nas koji smo radili na toj Strategiji, a onda se između ostaloga pozivao i na ono što jeste njegova biografija, njegov program. Da bi provjerili da bi zaposlili nekoga, kolega Čengić je to jako dobro rekao, i jako mi se sviđa njegova njegove opservacije vezane za premijerku Finske, gdje su stvarno ljudi najsretniji, ali su taj status sreće dobili u dugim godinama prije te premijerke i ta primjerka je jedan od mojih favorita za budućnost politike, bez obzira što izgleda da pravi često neke stvari koje može politički nisu konkretne i korektne, no to je već druga priča. Drago mi je zato što definitivno se slažem se njim. Ne postoji zvanično pravilo, ne postoji zvanični koncept, ne postoji neko uputstvo kojim ćete nacrtati premijera, jer da postoji mi bi ga vjerovatno koristili, držali bi se toga, tražili bi ljude po biografijama, i tako dalje. Zato postoje biografije, zato postoje programi, zato postoje pitanja i zato postoje odgovori.

Ja znam da ponekada ljudima neobično zvuči kada u ovim političkim klupama stvarno pokušavate da primijenite nešto u šta vjerujete, a to vjerovanje da je svako od vas koji je imao priliku da prođe na nekom razgovoru za posao prošao nešto što se zove intervju. Aplikirao je sa biografijom, aplikirao je sa programom, a onda je kroz odgovore na pitanja dokazao koliko poznaje taj program i koliko njegova biografija između ostaloga, neće me neko pogrešno shvatiti, ali vrijedi. Ja sam prošao bar nekih desetak 15 razgovora toga toga tipa i svaki put sam dobijao maltene ista pitanja koja smo mi sada postavili. Kolega Nihad Uk je u svojim odgovorima rekao da ja neću biti zadovoljan pitanjima , vjerovatno je mislio da neću biti zadovoljan odgovorima, ja ne mogu izraziti zadovoljstvo ni nezadovoljstvo jer od preko 40 pitanja koje smo postavili, ja sam ovdje na neki način bio megafon cijele ekipe koja je pripremala ta pitanja, mi smo dobili odgovor na jedno i po pitanje. Dobili smo odgovor na pitanje iz oblasti zdravstva djelomično, koliko mogu da se sjetim i dobili smo pola odgovora na pitanje koji nije postavljeno. Ako dobro pročitate pitanje koje smo postavili, nismo postavili pitanje koliko godina ima neki ministar, nego zašto u biografijama baš za tog ministra nisu navedene godine rođenja.

Sad ću ja da napravim jednu hipotezu i pretpostavku, ali ću odmah bez ikakvog ustezanja da kažem da je moje osobno mišljenje da jedna od najjačih karika ove buduće vlasti upravo ministar za visoko obrazovanje, nauku i mlade. Neće mi zamjeriti kolega Krstić, ispitivao sam, analizirao sam, kada sam pročitao njegovu prvu biografiju raspitao sam se kod njegovih kolega iz oblasti arhitekture, svi su govorili da se radi o vrsnome arhitekti. U njegovoj prvoj biografije koju ste pročitali jasno je napisano na koliko konkursa je aplikirao, koliko dobio, pa i nagrade koje je osvojio i tu čestitam od srca. Također neće mi zamjeriti doc. Krstić zato što sam se raspitivao kod njegovih studenata kakav je profesor i nikad nisam naišao kod ni jednog studenta da su rekli nešto loše o njemu. Dapače, rekli su da je odličan profesor koji svoje praktično znanje jako dobro prenosi studentima.

Ovo sam citirao rečenicu mladih kolega, kako sa Šumarstva tako se Arhitekture. Neće mi zamjeriti doc. Krstić kada sam se raspitivao između ostaloga o njegovom iskustvu i kada sam pronašao u prvoj biografiji podatak da je zaposlen od 1987 na Univerzitetu u Sarajevu. Njegovo iskustvo u tom radu znači da dobro poznaje Univerzitet u Sarajevu i ja sam siguran s moje tačke gledišta da u nekih mjesec, mjesec i pol dana kada se kolega Krstić bude uhodao u ovu cijelu priču, jako dobro će vladati tom materijom bit će jako dobra ministar. I ovaj ove opaske, ove diskusije ne dajem tako lako. Međutim ima mali problem, netko je očigledno rekao da podatak koji se tiče još godina gospodina Krstića i koji se tiče njegove titule, jer čak ni titula mu nije navedena, pa je u biografiji zvanično i degradiran, a to će se kolege sa akademske zajednice ovdje složiti sa mnom, kada kažete za nekoga da je predavač, to ne nosi istu snagu kao docent. Zna se šta su docenti, šta su vanredni, šta su redovni profesori. Ali nekome se učinilo, vjerovatno nekome PR-u ove cijele priče da očigledno pored najmlađe mandataru nekako loše će stajati da imate najstarijeg ministra za mlade. To nije dobar PR, to nije dobar koncept. Ja garantujem da će kolega Krstić sigurno biti dobar ministar i za mlade. U krajnjem slučaju njegovo iskustvo i rad sa studentima i ono sve što mladi ljudi govore o njemu to će biti dobro. A zašto ovo potenciram? Ne potenciram zbog kolege Krstića, potenciram između ostaloga što na ovaj način napušta se jedna od osnovnih politika za koju se zalagao između ostalog premijer Forto, a koju sam ja punim srcem podržavao, a tiče se moratorija na zapošljavanje, gdje je tri godine zaredom, ne zaredom, s jednom godinom pauze, gospodin Forto između ostalog u tom moratoriju potpisivao jednu tačku koja se kaže: kada ispunjavate obveze, ustvari uvjete za penzionisanje po jednom od dva kriterija naređivalo se da se ti ljudi penzionišu, je li tako? Peta tačka tih uredbi i odluka za moratorij, zapošljavanja u javnim ustanovama. Vjerovatno je nekome PR-u zasmetalo to što možda kolega Krstić ispunjava uvjete ustvari oba uvjete za penziju. I mislim da je to pogrešan koncept. Zato govorim da ovo pitanje koje sam postavio za godine i za titulu akademsku nemaju nikakve veze sa kolegom kojeg jako poštujem i koji ima jako dobru biografiju za razliku od nekih drugih biografija, nego vam govorim na koji način se počinje i na koji način se ulazi u ovu cijelu priču. E postavio sam jedno pitanje. Zašto zašto 40 pitanja? Kolega Uk, ovih 40 pitanja jednome mladom čovjeku, jednome agilnom čovjeku, jednom iskusnom političaru, a vi to definitivno jeste, jednome dobrome čovjeku, jednoj učtivoj mladoj osobi i potentnom političaru, ne bi trebali biti problem da ponudi barem 20 odgovora, kako samostalno, tako u komunikaciji sa kolegama iz buduće Vlade, sa vašim najbližim suradnicima. Ni jedno od ovih 40 pitanja ne odnosi se na vas osobno, niti je populističko, nego konkretno je vezano za programe i vaše političko buduće djelovanje vas kao premijera, budućeg premijera, vi ćete to biti, vaših kolega kao ministara i između ostalog vas kao tima Vlade. Postavio sam pitanje kolegi, budućem ministru u nadi da ćemo jako fino suradživati na relaciji skupštinska komisija za obrazovanje i Ministarstvo za visoko obrazovanje, nauku i mlade. Postavio sam pitanje da li je on pisao program na koji ste se pozvali, jer mislim da nije. Prvi dio vašeg programa mi je dosta poznat jer nekada je petorka o tome raspravljalo, pa sada to četvorka, to se zovu Principi. I u principima se, između ostalog, spominje jedna floskula "društvo znanja", ne znam kome je to palo na pamet, neko će se sjetiti u pregovorima, u mjerama, te floskule nema. Kada pogledate mjere za obrazovanje, visoko obrazovanje, nauku i za mlade, 50 % tih mjera nisu u domenu izvršne vlasti. Ako planirate da sprovedete, zato sam i postavio konkretno pitanje.

### **Damir Marjanović (poslanik/zastupnik)**

Ako planirate da sprovedete tih desetak mjera koje ste izdvojili kao bitne vi ulazite u nešto što se zove akademska autonomija. Ne možete vi određivati kurikulume, ne možete vi, kao izvršna vlast, uticati na za to da povećate broj praktične nastave, mada ne znam šta znači praktična nastava na pojedinim fakultetima itd i itd. Mjera koja se vas tiče jeste mjera koja se tiče Kampusu i drago mi je da se konačno jedna ideja iz 2012 konačno realizira za Univerzitetu



biblioteku. Mjera koja se tiču toga jeste eventualno jačanje naučno-tehnoloških centar mada mi nije jasno u kojem smislu mislite naučno-tehnološki centri. Da li to hoćete da kažete da ne postoji nauka na Univerzitetu u Sarajevu? Pa imate Institut za genetičko inženjerstvo koji je jedan od najproduktivnijih naučnih institucija iz oblasti genetike u ovom regionu. To je naučno-tehnološki centar. Članica UNSA.

**Elvedin Okerić (Predsjedavajući)**

Vrijeme kolega Marjanoviću.

**Damir Marjanović (poslanik/zastupnik)**

Nastavit ću na trećoj minuti. U svakom slučaju osoba koja je mlada, potentna, iskusna u politici, koja je vjećnik, koja je dugogodišnji generalni sekretar jedne političke partije je odličan kandidat za poziciju predsjednika.

**Elvedin Okerić (Predsjedavajući)**

Kolega Marjanoviću možemo li samo da završimo ovu prvu diskusiju, imamo kolegu Čičića pa onda vi ovaj.

**Damir Marjanović (poslanik/zastupnik)**

Nema nikakvih problema, nemam klub, zapisat ću ja gdje sam stao pa ću nastaviti u drugoj diskusiji. Hvala velika.

**Elvedin Okerić (Predsjedavajući)**

Hvala lijepo. Zastupnik Davor Čičić. Izvolite imate riječ.

**Davor Čičić (zastupnik)**

Zahvaljujem predsjedavajući. Ja bih se prije svega zahvalio našem mandataru Nihadu Uku na elaboratu i na mjerama koje nam je izložio ovom prilikom. Meni je drago vidjeti jednog mladog čovjeka koji je spreman da preuzme odgovornost i u Kantonu Sarajevo i da bude nekako vodilja i drugim mladim ljudima da je došlo vrijeme da mladi napokon preuzmu malo više odgovornosti jer opet na kraju dana svijet ostaje na svim ovim našim mladim koji imaju i znanja i pameti i hrabrosti i spremni su preuzimati odgovornost. Klub SDP-a, kao i kantonalni odbor SDP-a je podržao Nihada Uka kao mandataru, stali smo iza njega, prije svega što mislimo da je i svojim znanjem i obrazovanjem kao i iskustvom, doduše manje u realnom, ali malo više u ovom nekom političkom domenu ima da tako kažem karizmu i želju i sigurno želi raditi u nadi da će donijeti prosperitet svim građanima Kantona Sarajevo. Ono što mi smatramo da jako bitno kod ovog premijera je da neko ko je spreman da pravi kompromise. Ova Vlada će biti koaliciona Vlada i u svakom slučaju čovjek koji bude vodio ovakvu Vladu će biti neko ko će morati da možda više sluša i da pravi nekad i kompromise za svijet nas. Ja smatram da će Nihad Uk biti premijer koji će slušati opoziciju, ma šta opozicija s njima pričala i sigurno ja jako pozdravljam ovaj njegov dio izlaganja gdje je rekao da ima da pruža ruku i da ima otvorena Vlada vrata prema svim zastupnicima, ne samo zastupnicima, nego svim ljudima iz opozicije koji imaju konstruktivne prijedloge i koji su željni da doprinesu zajednički za razvoj Kantona Sarajevo. Što se tiče rada prethodne Vlade neću previše se na to osvrutati jer sam bio njen član al kao što je neko rekao u biti o tom radu te Vlade su možda najviše odlučili građani koji su dali povjerenje kroz sve ove mandate vladajućoj koaliciji da nastavi svoj program rada odnosno da nastavi projekte koje je pokrenula prethodna Vlada i u narednom periodu. Po meni je jako i bitno da tu imamo u novoj Vladi da imamo neku kombinaciju ljudi mladosti i iskustva, kombinaciju ljudi iz prethodnog mandata i novih koji će sigurno donijeti neku svježinu, neke nove ideje. Kroz čitav ovaj mandatni period ja, jedna od bitnih stvari koja je karakterizirala

ovu Vladu koja je bila, je taj da je to bila Vlada i kompromisa i da je bila Vlada da u mnogim teškim situacijama je djelovala zajedno, imala je neku dozu zajedništva i ja se nadam da će nova buduća Vlada takvu jednu saradnju nastaviti. Drago mi je da i ovi postojeći ministri iz prethodne Vlade i Osmanović, Šteta, Vranić, Katica i kolegice Naida i Daria nastavljaju u ovoj Vladi i oni će sigurno donijeti jedan nivo iskustva i znanja iz prethodnog mandata, a da će novi ministri sasvim sigurno se vrlo brzo uklopiti i nadamo se da će to biti jedna uigrana ekipa koja će u ovom mandatu od 4 godine donijeti u biti novi prosperitet i nove nove stvari i nove projekte koji će se implementirati, a na radost svih građana Kantona Sarajevo. Ovdje je bilo puno riječi i o zaduživanju Kantona Sarajevo, ali evo jedna samo digresija, neću to će možda biti više riječi o tome na sjednici kada bude Budžet, ali evo samo jedna da je sad nedavno Vlada Federacija uzela kredit za izgradnju jedne dionice autoputa koja bila procjenjena na 160 miliona eura, mi smo se zadužili za 360 miliona eura. Znači samo ta razlika za više koliko smo se zadužili je veća nego ukupni dug Kantona Sarajevo. Tzn. je samo eto jedna digresija. Kanton Sarajevo nije prezadužen Kanton. Kanton Sarajevo evo sa zadnjom obračunom koji je napravljen ima manje od 5 % duga u odnosu na prihod iz prethodne godine, tako da uopšte degutantno i smiješno o tome pričati, ali sigurno isto tako nije istina da smo se zaduživali za projekte, sredstva koja smo potrošili za neke tekuće troškove. Nismo se zaduživali za tekuće troškove, zaduživali smo se za kapitalna investicija, ali evo to nije sad tema ove sjednice. U svakom slučaju klub SDP-a daje punu podršku mandataru Nihadu Uku i svim ministrima koji će od danas preuzeti svoje funkcije i nadamo se da će raditi na dobrobit svih građanki i građana Kantona Sarajevo. Hvala.

#### **Elvedin Okerić (Predsjedavajući)**

Zahvaljujemo se zastupniku Čiču. Dopredsjedavajući Vibor Handžić se javio za prvu diskusiju. Izvolite imate riječ.

#### **Vibor Handžić (Dopredsjedavajući)**

Zahvaljujem predsjedavajući. S obzirom da se javljam prvi put danas, dobar dan svima. Zaista će moja diskusija biti kratka. Naravno najavljujem u ime Kluba zastupnika Naše stranke da ćemo mi dati apsolutnu podršku, kako mandataru, tako i njegovom prijedlogu za sastav nove Vlade Kantona Sarajevo. Kratak komentar. Dakle ja ne znam da postoji dakle neka škola, fakultet ,kurs za premijera Kantona Sarajevo ili premijera bilo gdje. Dakle ne znam da postoje neki uslovi konkursne procedure, stručna sprema koja se traži za tu poziciju, radno iskustvo za funkciju premijera na bilo kojem nivou. Dakle to ne postoji. Stoga za mene ove kritike na mladosti i radno iskustvo mandataru ovaj nedodiruju me previše i kvalifikacija da li je on sposoban da obavlja tu funkciju nisu isključivo su subjektivnog karaktera. Nisam ni očekivao taman da je bio direktor tri najveće kompanije u inostranstvu da će iz opozicije dolaziti bilo kakve pohvale na račun ovog prijedloga. Mi koji smo ga predložili itekako vjerujemo da će on biti sposoban da tu svoju funkciju obavlja, a najbolji pokazatelj kako njegovog personalnog rada, tako i rada buduće Vlade Kantona Sarajevo će biti vrijeme koje je pred nama. Ove neke maliciozne kvalifikacije, uvredljive komentare, spominjanje najbližih članova porodice, iako sam se zaista jedva u nekim momentima suzdržao da jednako tako maliciozno ne repliciram, ovaj neću zaista ovom prilikom komentarisati jer smatram da nema ipak nikakve potrebe za tim. Dakle još jednom ponavljam, puna podrška prijedlogu Vlade Kantona Sarajevo. Zahvaljujem.

#### **Elvedin Okerić (Predsjedavajući)**

Zastupnik Damir Marjanović druga diskusija, izvolite imate riječ.

### **Damir Marjanović (poslanik/zastupnik)**

Ja vam se zahvaljujem, evo samo da završim ovu diskusiju od ranije da dobije neki smisao dakle. Jako me o bradovalo u ekspozu kolege Uka kada je spominjao i pričao o mladima i stvarno je potencirao jednu finu stvar i to je tačno da je najmlađi premijer, budući premijer Kantona Sarajevo. I u pitanjima sam postavio i moram da konstatuje da se nadam da će onda ipak da se drži nekoga drugoga dokumenta, ne ovoga programa jer u tom programu pozicija mladih je tretirana sa samo 2 relativno periferne mjere koje se zovu realizacija projekata izgradnje stanova subvencije stabiliziranje mladih i poticanje kulturno umjetničke aktivnosti mladih kao olakšica za preduzeća, institucije koje potiče i podržavaju ove aktivnosti. Nadam se da će upravo. Ta njegova mladost osvježiti ovaj dokument koji je osnova ekspozea i da će definitivno okrenuti cijelu priču o poziciji mladih. Dakle da nekako zaokružimo cijelu priču. Da bi o nekome ili da bi nekoga primili na posao morate analizirati biografiju, program, morate postaviti pitanje, morate analizirati odgovor i to sam već više puta rekao. Kolega Uk je mlad, potentan, iskusan političar, dugogodišnji vijećnik, generalni sekretar jedne političke partije, što ga čini izuzetnim kandidatom za zakonodavnu vlast i za neko rukovodstvo u zakonodavnoj vlasti, nažalost zbog nedostatka odgovora mi nismo mogli da dobijemo otprilike uvid u to koliko je i koliko će njegovo vođenje Vladom Kantona Sarajevo da donese dobrobit građanima Kantona Sarajevo da bi mogli zauzeti čvrst stav glede podrške ili odbacivanja iste. U krajnjem slučaju mi moramo stvarno u ovome momentu da na osnovu svega ovoga danas što se desilo da zauzmemo stav da smo suzdržani, da ćemo narednih 100 dana pratiti šta kolega Uk i kolege iz Vlade budu radili. Normalno da ćemo svaki put podržati sve ono što je dobro. Kako je rekao kolega Uk njegova vrata su uvijek otvorena, tako su i naša vrata Pokreta za Nove generacije i te kako otvorena. S obzirom da je jedan dio ovoga programa, posebno u onim principima smo ga pisali, i kao što rekoh mislim da kolegu Uka neće ni iznenaditi ova naša suzdržanost jer doduše našu potporu niste ni tražili. Tako da u svakom slučaju želimo vam puno sreće. Siguran sam da će vaša energija doći do izražaja. Bilo bi dobro da kolege iskusnije u Vladi Kantona Sarajevo ipak uzmu jednu dozu mentorisanja i ta vaša energija i energija Vlade Kantona Sarajevo bude usmjerene u pozitivnom, pozitivnom pravcu. Hvala.

### **Elvedin Okerić (Predsjedavajući)**

Zahvaljujemo se zastupniku Marjanoviću. Zastupnik Haris Zahiragić, je li ovo replika ili druga diskusija? Druga diskusija. Izvolite, imate riječi.

### **Haris Zahiragić (poslanik/zastupnik)**

Nisam želio da opterećevam diskusiju replikama, iako sam imao potrebu više puta pa ću pokušati kroz drugu diskusiju da neki od tih stvari koje su kolege kazale repliciram. Kolega Vibor je pokušao da nešto predstavi ko nešto uvredljivo nešto, komentari, privatni, lični itd. Ja ne znam zašto se uporno u ovoj Skupštine pokušava prikazati da sve što ja govorim je uvrjedljivo. Ja odgovorno tvrdim ni jednom rječju nikoga od njih, od kolega, pogotovo kolegu Uka nisam uvrijedio.

Dalje, kada govorim o obrazovanju niko ne osporava obrazovanje kolege Uka, on je pravnik čini mi se, korektno korektnog znanje, pa čak ni godine nisu problem. Evo dobro je kolega Čengić kazao, SDA istu praksu provodi tako što je od primjera gospodina Halilagića koji rezultatima rada se za sada ne može porediti, ne sa gospodinom Ukom, nego i sa Fortom i Ukom zajedno. Nadam se da će ga gospodin Uk prestići u svom radu. Međutim glavna determinanta, nema škole, nema kursa, nema uslova za premijera Kantona Sarajevo.

Glavna determinanta, barem po mom subjektivnom sudu jeste odlučnost i neke liderske sposobnosti, kapacitet koje nažalost gospodin Uk, barem u dosadašnjem radu i u način iznošenja ekspozea, u sadržaj toga što vi zovete ekspoze, dobro je rekao kolega Čengić tj. izvještaj ili izlaganje. U izvještaju o onome što će on uraditi, nije pokazao na koji način

kreativnost, energiju, tu mladost koju posebno ističe, niti neku vrstu liderskih sposobnosti, zbog toga mi nemamo nikakvu vrstu optimizma da će on raditi dobro svoj mandat. Iz tog razloga smo mi rekli da ako već nema CV i godine onda bi trebao da ima neke druge osobine ili da ih barem pokaže, a to nažalost kolega Uk nama nije uspio pokazati i prikazati. Kada spominjete mjere i principe, bilo je onih 19 principa i 300 mjera, jel tako u prošlom mandatu? Mi smo prešli jednu po jednu, niste izvrši 70 % niste završili. A od tih 30 % koji se do neke faze izvršili 50 % niste odmakli od 5 % , a skoro niti jednu niste realizirali 100 % osim onih koji bilo potrebno donijeti jedan zakon i jednu odluku i jednu uredbu. Itd. Dakle mi, sudeći prema onome što smo vidjeli u protekloj Vladi sumnjamo da će i ova, s obzirom da je isti osnov parlamentarne većine biti išta bolja. I onaj dio o pobjednicima, građani rekli da žele ovo i ono. Ja sam neki dan rekao i opet ću ponoviti, dakle vi ste izašli kao pojedinačne stranke na izbore. I kao takvi mi smo opet pobijedili. Građani nisu htjeli da vi vladate. To što vi spojili 3 nespojive politike, 3 nespojive vrste glasača. Mene zanima da li postoji teoretska šansa za kolegu Okerića i za kolegu Uka npr da glasa isti čovjek. Ja vam odgovorno tvrdim da ukoliko im nije srodnik neće se desiti šansa da isti čovjek glasa. Napravite gospodo jednu listu, a pričajte gotovo dijametralno suprotno pa na momente i šizofrenu politiku u kojima jedna stranka iz trojke.

### **Elvedin Okerić (Predsjedavajući)**

Vrijeme kolega Zahiragiću.

### **Haris Zahiragić (poslanik/zastupnik)**

Evo završavam. Se zalaže za potpunu suspenziju ljudskih prava, a druga za radikalnu zloupotrebu ljudskih prava, pa ćete vidjeti koliko ćete glasova dobiti-. Takva lista na kojoj bi ste vas dvojica recimo bili zajedno ne bi dobila niti jedan jedini glas. Tako da nemojte na takav način komentirati. Hvala.

### **Elvedin Okerić (Predsjedavajući)**

Zastupnik Mahir Dević se javio. Izvolite imate riječ.

### **Mahir Dević (poslanik/zastupnik)**

Hvala. Ja ću se kratko nadovezati na ovo što je kazao kolega Zahiragić jer vi konstantno pokušavate nekim spinovima da Klub SDA dovedete u poziciju kao stranku koja je izgubila ove izbore. Ne gospodo, već vi projekat koji ste realizirali prije 4 godine ovdje izigravajući izbornu volju birača sada prenosite na Federaciju Bosne i Hercegovine, a to vam je postala praksa u Kantonu Sarajevo. I šta više, pred vama ne postoji ništa, Ustav, zakon, Poslovnik, principi, moral, etika. Ja kada čujemo ovu djelimičnu relativizaciju o kojoj su pojedini kolege zastupnici ovaj iznijeli u cilju odbrane nemanja potrebnih stručnih referencija kandidata a ovaj odnosno mandatar za Skupštinu Kantona Sarajevo, to me čak i ne zabrinjava. Znao zašto. Zato što je vama potpuno postalo normalno u praksi da vi imenuje za ministre, savjetnike, presuđene ljude pravosnažnim sudskim presudama, nasilnike, ljude. S jedne strane tražite da djeluje Tužilaštvo prema ljudima koji se nalaze na crnim listama ako su u SDA, ako su van SDA onda vi glasate za takve ljude, postavljate ih. Vama je postalo relativno da imenuje ljude u Ustavni sud. I da to pravdate spinovima raznoraznim ovaj ubjeđujući građane i što je najgora stvar, da vršite dezavuiranje javnosti. U tom smislu Stranka demokratske akcije kao opozicija koja je bila vama u protekle 4 godine pobijedila na proteklim Općim izborima u Kantonu Sarajevo, gdje je bilo najteže. A ubjedljivi je pobjednik u Federaciji. Znači SDP iza nas je. 100 000 glasova razlike, a ovi što se na neki način uspinju ovdje, oni nemaju ni deseti dio izbornog legitimiteta. Prema tome ,ovdje niko nije sporio mladost kandidata za premijera i nemojte da pogrešno dezavuirate, niko iz Kluba našeg nije spomenuo mladost, mi to pozdravljamo, mi to radimo. Mi smo samo postavili pitanje, ja direktno sam postavio pitanje

da mi mandatar kaže koji to stručne reference svoje on može izdvojiti da bi mene ubijedio da glasam za njega. Nisam dobio odgovor na to pitanje. Kolega Marjanović nije dobio odgovor na 40 pitanja. Drugi nisu dobili odgovore. I sam taj nastup, uopće odnos spram tih pitanja, ja mislim da kandidat za premijera je trebao da odgovori na svako pitanje, pogotovo što je imao 2 sata prostora da ga se pripremi i spremi. Naravno da on ne zna sve, pa nemoguće da zna sve. Pomoći će mu ministri. Ali da dobijemo situaciju da smo dobili odgovor na par pitanja ne govori to kolega Uk o vašoj ozbiljnosti i odgovornosti kako ste je pokušali predstaviti u početku, već govori suprotno od toga. Vi da ste tu pokazivali odgovornost..

### **Elvedin Okerić (Predsjedavajući)**

Vrijeme kolega.

### **Mahir Dević (poslanik/zastupnik)**

odgovorili na svako pitanje. Ali evo, dat ćemo vam priliku, naravno kao opozicija, evo imate mandataru i Vladi da pokaže ono što zna. Sve što bude dobro za građane u Kantonu Sarajevo ćemo podržati, a saradnji eventualnoj se radujemo da popravimo stanje za sve građane Kantona Sarajevo u svim segmentima života. Izvinjavam se malo što sam oduzeo.

### **Elvedin Okerić (Predsjedavajući)**

Zahvaljujemo se kolegi Deviću. Zastupnik Muamer Bandić da li ste se slučajno prijavili ili? Odustajete.

S obzirom da nema više prijavljenih zaključujem raspravu.

Molim zastupnike da pristupe. Prije svega zamolio bih službu da pozove zastupnice i zastupnike ako se neko eventualno nalazi u hodniku.

Molim zastupnike i zastupnice da pristupe izjašnjavanju o Prijedlogu odluke o potvrđivanju Vlade Kantona Sarajevo u cjelini u skladu sa članom 205 stav 1) Poslovnika Skupštine Kantona Sarajevo.

Zaključujem glasanje. Molim službu da objavi rezultate glasanja.

Za je glasalo 22 zastupnika, protiv 10, suzdržana 2.

Konstatujem da je Skupština donijela Odluku o potvrđivanju Vlade Kantona Sarajevo u sastavu koji je i predložen. Molim članove Vlade, uvažene ministrice i ministre da pristupe davanju zvanične izjave.

Jesmo li spremni? Jel možemo početi?

(predsjedavajući Skupštine čita, a članovi Vlade ponavljaju za njim tekst svečane izjave)

„SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE“.

Zadovoljstvo mi je da u ime svoje i u ime rukovodstva Skupštine, kao i čitave Skupštine Kantona Sarajevo čestitam novoj Vladi na imenovanju i zaželim vam puno sreće u vašem daljnjem radu.

Zamolio bih zastupnice i zastupnike, kao i novoimenovane ministrice i ministre da zauzmu svoja mjesta.

Također iskoristit ću priliku da se zahvalim ministricama i ministrima u prethodnom sazivu Vlade na doprinosu koji su dali i želim im svako dobro u životu i u njihovim narednim poslovnim i životnim planovima.

Prelazimo na tačku tri.

AD-3.

## PRIJEDLOG ODLUKE O IZMJENI ODLUKE O POTVRĐIVANJU KANDIDATA ZA MJESTO PREDSEDAVAJUĆEG ILI ZAMJENIKA PREDSEDAVAJUĆEG SKUPŠTINE KANTONA SARAJEVO

Prijedlog ste dobili uz poziv za sjednicu.

U skladu sa odredbama člana 10. Poslovnika Skupštine Kantona Sarajevo svaki klub naroda i ostalih bira i predlaže među svojim članovima jednog kandidata za mjesto predsjedavajućeg ili zamjenika predsjedavajućeg Skupštine.

Shodno navedenom, molim predsjednicu Kluba Srba da saopšti Odluku o izboru i prijedlozima kandidata za mjesto predsjedavajućeg ili zamjenika predsjedavajućeg Skupštine Kantona Sarajevo iz reda srpskog naroda. Oprostite nisam vas vidio. Izvolite.

Uključite zastupnicu Miomirku Melank.

### **Miomirka Melank (poslanik/zastupnik)**

Je li uključeno? Jeste. Klub Srba u Skupštini Kantona Sarajevo na sjednici održanoj 09.02. u skladu sa članom 10 i 11 Poslovnika Skupštine Kantona Sarajevo donio je Odluku o izboru kandidata za izbor na mjesto predsjedavajućeg ili zamjenika predsjedavajućeg Skupštine Kantona Sarajevo iz reda srpskog naroda koju vam zajedno sa Prijedlogom odluke o izmjeni Odluke o potvrđivanju kandidata za mjesto predsjedavajućeg ili zamjenika predsjedavajućeg dostavljamo na razmatranje i donošenje. Klub Srba predlaže Jelenu Pekić kao kandidata za izbor na mjesto predsjedavajućeg ili zamjenika predsjedavajućeg Skupštine Kantona Sarajevo iz reda srpskog naroda umjesto dosadašnjeg kandidata Stojanović Igora. Hvala.

### **Elvedin Okerić (Predsjedavajući)**

Zahvaljujemo se. Da li predstavnici radnih tijela žele riječ. Je li u ime predstavnika radnih tijela ili pitanja. Otvaram pitanja. Zastupnik Haris Zahiragić, izvolite imate riječ.

### **Haris Zahiragić (poslanik/zastupnik)**

Nisam mogao da ne primijetim datum kada je održan Klub Srba. 7. februara. jel? 9. februara, sada je. 24. mart. Hoćete li mi reći zašto se održao tako zapravo rano ili kasno, zavisno iz koje perspektive gledate Klub Srba? Ja ne želim da vjerujem da ste vi željeli da iskoriste činjenicu Igor Stojanović zastupnik u tom momentu bio, koji više nije, pa da je u ovoj odluci učestvovao Igor Stojanović. Ako je Igor Stojanović učestvovao presudno u ovoj odluci onda se postavlja pitanje legalnosti ove odluke jer Igor Stojanović odveć nije zastupnik u Skupštini Kantona Sarajevo, a mi danas trebamo implementirati odluku koju je on presudno donio svojim presudnim glasom, imajući u vidu činjenicu da je kolegica Vedrana Vujović, kolegica Smiljana Viteškić nisu dio parlamentarne većine, te da su njih dvije, 2 od 4 člana Kluba Srba, sada kada nema kolege Stojanovića. Zaista je šokantno na koji način se zloupotrebljava Poslovnik, na koji način se konstitutivnost naroda zapravo neiskreno zastupa. Evo kolega Čengić kaže doći će Kristina, pa trebali ste barem pričekati da dođe Kristina, jel. Mislim ma koliko vi to

banalizovali do te mjere da vi od 9 februara do danas, ne nisu imali, sada tek implementiraju odluku koju su tada imali. Hvala vam.

**Elvedin Okerić (Predsjedavajući)**

Zahvaljujem se. Ima li potrebe za neki komentar. Nema. Otvaram raspravu. Zaključujem raspravu.

Molim zastupnike da pristupe izjašnjavanju o Prijedlog odluke o izmjeni Odluke o potvrđivanju kandidata za mjesto predsjedavajućeg ili zamjenika predsjedavajućeg Skupštine Kantona Sarajevo.

Zaključujem glasanje. Molim službu da objavi rezultate glasanja.

Za je glasalo 25 zastupnika, protiv i suzdržanih nije bilo.

Konstatujem da je Skupština donijela ovu odluku.

Također koristim priliku da čestitam našoj kolegici Jeleni Pekić na izboru.

S obzirom da smo iscrpili sve tačke današnjeg dnevnog reda zaključujem rad na današnjoj sjednici i zahvaljujem se kolegicama i kolegama na radu.